




N.C.4.

~~3Bf47~~

N.C.4

N. r. d. 44.





HIERONYMI FALETI  
DE BELLO SICAMBRICO

LIBRI IIII.

ET EIVSDEM ALIA POEMAT,

LIBRI VIII.



VENETIIS, M. D. LVII.

THEORY OF THE  
EARTHQUAKES

A. L. L. L.

THEORY OF THE  
EARTHQUAKES



VENTNIS, M. D. LVI.

AD HIERONYMVM FALETVM,  
HERCVLIS FERRARIENSIVM

Principis apud Venetam reimp.  
oratore, in ipsius poemata  
Pauli Manutii præfatio.

AGNA laus est eorum, Hiero-  
M nyme Falete, qui non ad uul-  
garem humilemque artem, sed  
ad nobilem aliquam liberalemque doc-  
trinam sua studia contulerunt: maxi-  
ma uero, si quis eam philosophiæ par-  
tem, quæ poësis appellatur, ita est com-  
plexus, itaque hæret in ea cognoscenda,  
ut auelli nulla prorsus ratione possit:  
itaque ueteres illos, quibus optimi ac  
summi Dei uocem audire, eiusque sermo-  
ne frui sæpe licuit, homines sapientissi-  
mos, atque sanctissimos, poeticæ facul-  
tatis admodum studiosos fuisse constat,  
suasque cogitationes non eo, quo quili-  
bet uteretur, sermone, sed uersibus ex-

A 2      ponere

ponere voluisse . quorum extant non  
nulla, sanè præclara: quæ cum legimus,  
afficimur, &, quasi diuina quadam vi  
abrepti, extollimur hæud paulo altius,  
quàm qui rerum humanarum in studio  
uersantur. Habet igitur ars poetica di-  
gnitatem, quandoquidem in ea latent  
arcana philosophiæ, quæ profanis ocu-  
lis non patent: ea rudes animos excolit:  
ea nos ab rerum humilium studio dehu-  
cit: ad egregios mores, ad ueram reli-  
gionem, ad excellentem magnarum re-  
rum cupiditatem uocat. Habet eadem  
suauitatem: quia uocibus aptè constru-  
ctâ oratio miram infundit auribus ani-  
misq; iucunditatem. Et, ut uno uerbo  
comprehendam, poësis numerus est:  
numerus porro nihil aliud, quàm ordo:  
ordinis autem principium à Deo flu-  
xit. diuini sunt igitur homines poëtæ;  
nec illo non honorum genere decoran-  
di, poëtas autem definitio, non quicun-  
que

que uersus faciunt; qui molesta & odiosa garrulitate sæpe nobis obstre-  
punt; sed eos, quorum in uita non mi-  
nus, quàm in scriptis, elucet ordo; à  
quibus colitur humanitas, & beneficen-  
tia non modo laudatur, uerum etiam  
pro facultatibus exercetur. hæc enim  
sunt sacra illa mysteria, quæ poësis fa-  
bularum specie ita uelat, ut ea tamen ua-  
rum excellentium, hoc est bonorum ui-  
rorum, mentes intelligant, quæ uero  
his uirtutibus aduersantur uitia, hæc  
sunt illa monstra, inimica naturæ, quæ  
poeticis figmentis ostenduntur, sus E-  
rymanthius, leo Nemeæus, hydra Ler-  
næa, gigantes, & harpyæ, quæq; alia tra-  
duntur, perdendis hominibus, aut fru-  
gibus nata. Neque uero tu, Faete do-  
ctissime, tantam animi præstantiam pos-  
sideres; non esses tam ad omnem uirtu-  
tem, ad omnem laudem propensus; nō  
tam in moribus elegans, in consuetu-  
dine

dine comis, atque etiam pro tuarum co-  
piarum ratione beneficus, ac liberalis;  
nisi magistram ab ineunte ætate habuif-  
ses poeticam artem; quæ te suis præce-  
ptis erudiit, atque informauit; nihil ut  
ageres, quod ab honesto dissideret; ni-  
hil ut in omni uita, præter decus, & anti-  
qua maiorum tuorum, hominum clarif-  
simorum, instituta, cogitares. cuius tan-  
ti beneficii non est apud immemorem  
gratia collocata. habes enim potestatem in  
deliciis: eam amas: eam ornas. cumq;  
Herculis, Ferrariensium Principis post  
hominum memoriam maximi, perso-  
nam sustineas, idq; tanto splendore, ac  
tanta, quanta nemo unquam antea, di-  
gnitate; summis tamen magnarum re-  
rum occupationibus districtus, scribis  
sæpe uersus Calliope dictante, & à gra-  
uissimis curis tanquam in amœnissimos  
Musarum hortos, animi causa, diuer-  
tis. superioribus quidem diebus, cum  
egregium

egregium illum <sup>elen</sup> ~~Anaxagoræ~~, ueteris phi-  
losophi, librum, de altera hominum ui-  
ta græce scriptum, Italicum in sermo-  
nem conuertisses; atque ego te, quod  
uiatores difficili confecto itinere consue-  
uerunt, aliquot dierum quietem uelle  
capere existimarem: inueni te poema  
tuum de bello Sicambrico, non nullis  
abhinc annis compositum, ita tractan-  
tem accurate, ut adderes non pauca,  
quædam detraheres, multa corrigeres,  
quæ cum legerem, admiratus elegan-  
tiam uerborum, splendoremq; senten-  
tiarum, hortatus sum ut ederes, & eo  
magis, quòd reliqua tua poemata, non  
modo iam impressa, uerum etiam manu  
scripta, per manus, perq; ora doctorum  
uirorum eximia tua cum laude uolita-  
rent. qua in re non modo meo, uerum  
etiam studiosorum omniũ nomine gra-  
tias tibi habeo, habeboq; , dum uiuam,  
immortales; quòd meis hortatibus, ac  
precibus

precibus tribuisti tantum, ut te mihi ro-  
tum remitteres; tuorumq; poematum  
ius omne tuum, omnemq; plane pote-  
statem ad me liberalissime transferres.  
quod cum impetrassem, exceptus sum  
illico ea cura, principi ne alicui viro,  
quod fere solet, an amico homini, ac  
familiari, an uero tibi ipsi potius ingenii  
tui scetus essent dicandi. tibi quidem  
tua debere uidebantur: sed ab huiusmo-  
di consilio tua mihi multis in rebus per-  
specta modestia deterrebat. rursus, cum  
intelligerem, omnes fere libros, qui ty-  
pis diuulgantur, uel ad eos mitti solere,  
quorum auctoritas, aut quorum opes  
utilitatem aliquando aliam er, qui mit-  
teret, parere posset; uel iis, quos pro  
magnis eorum beneficiis aliquo mune-  
re remunerari æquum esset; uel iis de-  
nique, cum quibus minime uulgaris  
intercederet amicitia: hæc, Faletе hu-  
manissime, cum omnia concurrerent,  
uictus



uictus sum, tuaq; ad te ipsum scripta  
mittere constitui. nam etsi princeps tu  
quidem fortuna non es, summis tamen  
principibus tua te uirtus ita commen-  
dauit, carumq; reddidit, ut eorum o-  
pibus æque, ac tuis, eos, quos diligis,  
beare possis. sed omitto reliquos. Her-  
cules uero, Ferrariensium princeps, im-  
mortalitate dignissimus, cui te totum  
uni addixisti, cuius esse uis quidquid in  
omni uita præstare potes, is quo te nu-  
mero habeat, facile declarauit, cum,  
post multas legationes, ad Sarmatarum  
Regem, ad Imperatorem, ad Pontificē,  
oratoris apud Venetam remp. niunus  
honorificentissimum tibi commisit.  
quapropter, quod ad hanc partem atti-  
net, parui refert, utrum principis no-  
mine liber aliquis inscribatur, an uero  
eius, cuius apud principes auctoritas ea  
sit, ut prodesse quibus uelit non me-  
diocriter possit. De tuis autem erga me

a officiis

officiis quid agam pluribus ? quæ cum  
& multa sint, & maxima; tum uero illud  
excellit, quòd in hac mea satis diu turna  
oculorum ualitudine uenire domum  
meam quam sæpiissime, animumq; me-  
um, trillibus curis affectum, tuo aspe-  
ctu, ac sermone recreare solitus es. A-  
micitia uero si spectanda fuit; neminem  
tibi debui anteferre. coniunxit enim  
nos non casus, ut multos, non uulgare  
aliquod studium, non ambitio, non uti-  
litas, sed ipsa, quæ omnes res nobi-  
litate uincit, uirtus, & artium libera-  
lium societas; quarum uterque no-  
strum incredibili studio tenetur. Mitto  
igitur ad te, quando ita ratio postulat,  
tua poemata; non ut tibi, de me opti-  
me merito, quasi gratiam referam de  
tuo; sed ut habeat à me nostra ætas, at-  
que adeo posteritas ipsa, primum, testi-  
monium beneuolentiæ atque obseruan-  
tiæ in te meæ, deinde beneficium, quod,  
tua

tua scripta cum leget, fatebitur esse maximum. Interea peto à te, ut in illo maiorum uigiliarum opere de fisco, cui nondum extremam manum imposuisti, exorari te sinas, id est ut absolvas, atque perpolias. magnum enim inde fructum capient omnes iurisperiti: cum te difficiles admodum reconditæ materiæ nodos ingenio soluentem, & quaestiones illas implicatas atque inuolutas explicantem, exquisitoq; quodam ordine tractantem intuebuntur. neque uero tua mihi est occupatio minus nota: cum & negocia tractes Principis eximii; & ob tuam uirtutem nobiles uiri non modo quotidie, uerum omnibus pene horis officii honorisq; causa ad-eant: sed rursus cum te esse noui, qui, quod tibi occupationes eripiunt, id ingenii præstantia consequaris. consule igitur gloriæ tuæ; consule studiosis omnibus antiquarum nouarumq; legum:

a    2    effice,

effice, ut, quantum in poetica facultate, quantum eloquentia polles, tantum in iure civili, maximeq; in ea parte, quæ obscuritatis habet plurimum, ualere te tua scripta significant. Meam uero hanc, quam profecto in hac epistola uides elucere, uoluntatem, animiq; singularem ad te amandum propensionem amplectere: atque ita statue, si tu mihi, quod, ut uideo, præclare facis, in amore respondebis, par amicorum neque nostra, neque ueterum memoria coniunctius ullum fuisse. idq; quanti à me fiat; dabo operam, quantum in me erit, ut quotidie certius intelligas.







QVAE HOC VOLVMINE  
CONTINENTVR.

De bello Sicambrico	libri IIII.
Poematum diuerſorum	libri II.
Sermonum	liber I.
Elegiarum	liber I.
Epigrammatum	libri II.
Lyricorum	liber I.
Aliorum ad Faletum	liber I.



HIERONYMI FALETI  
DE BELLO SICAMBRICO

LIBRI IIII.

AD HERCVLEM ESTENSEM,  
FERRARIENSIVM PRINCIPEM IIII.

ET CARNVTVM I.

INSTRUCTAS acies, atque arma infesta  
I Sicambrum,

Queis uario euentu uexata est Belgica  
tellus;

Cæsaris & magni lectas in bella cohortes,

Horruit infelix quas terra extrema refusi

Oceani, multo circum perfusa cruore;

Musa mihi memora, & successa ex ordine bella:

Vnde tot undantes spumis furialibus iræ,

Tantus amor ferri, & certandi tanta libido

Mentibus irruerint hominum, pacemq; fugarint.

Et uos, quæ uastas nymphæ Oceanitides undas

Incolitis, pelagoq; æternum ducitis æuum

Securæ, uati iam littora uestra legenti

Este deæ comites, atque aspirate canenti.

B Postquam

Postquam regna ferox Gelrhorum Marte subegit  
 Carolus, & rerum tantarum pondera uersans,  
 Magnanimus genti imposuit iuga dura superbæ,  
 Vulgus iners cæco nutriuit pectore uirus;  
 Anxia nobilitas pariter de clade futura  
 Torquetur, tacitoq; premit sub corde dolorem,  
 Ignorans quid agat, sceleris ueniam ne subactò  
 Aut petat à populo, secum ue adsciscat in armis.  
 Pœnitet incepti, perpetratiq; furoris.  
 (Heu quàm difficile est naturæ flectere mores)  
 In solitum præceps didicit natura reuerti.  
 Stare loco nescit gens hæc, mutatur in horas,  
 Et se ferre nequit; tantum male conscia regni  
 Inuidia accendit cunctos ad prælia sæua.  
 Spes ardens prædæ facit hoc sitibunda futuræ,  
 Hinc rapidas quod quisque suas præsumit in iras.  
 Ah demens facile esse putat; quæ cuncta furentum  
 Perturbant hominum mentes. ò dira nocentum  
 Consilia, ò nostro non cognita crimina sæclo.  
 His tenebris latuere omnes, sic crimine ab uno  
 Vna omnes Gelrhi, frenis resolutaq; legum  
 Ira ruit; Iulum, & Clium sic omnibus idem  
 Hic animi motus, sic & prorumpit in omne  
 Mens scelus, ad fraudēq; aditus quoscūque requirit:  
Interea

Interea Mauros cupiens reuocare fugaces  
Imperio Cæsar, Lybicas conuersus ad oras  
Cærule dum uersis fulcat pius æquora remis,  
Ac dum prouectus medias bellator in undas  
Obsidet Argerium; loris uolat improba laxis  
Fama suis, classẽ tumidis periisse sub undis.  
Hinc primæ scelerum causæ, sed pessima Martis  
Semina, quæ semper populum allexere rapinis  
Heu ualuere nimis: tum longos quærere fines  
Agrorum, & propriis extendere rura colonis,  
Rura sub antiquo quondam fulcata Brabantum  
Vomere, & incuruos Belgarum passa ligones.  
Vt nimias ob opes mores cessere rapinis,  
Prædaq; & externos luxus suasere penates;  
Tunc iræ faciles, tunc & scelera ista nefasq;  
Proposita mercede placent. simulocyus ergo  
Nobilitas cum plebe ruit, belli ardor inert  
Exilit, augeturq; aliis; excita iuuentus  
Inuadunt clypeos, & fixa penatibus arma  
Diripiunt, enses scabra rubigine nigros  
Sæua in bella parant; quorum pars maxima Gelrh  
Implacatus erat; sed tanta inuasit Erynnis  
Gelrhorum mentes, magni promptissima Galli  
Auxilia implorant, tantisq; hunc Martis in undis

B 2 Elegere

Elegere Ducem placuit fiducia Regi ,  
Affectusq; animi non aspernandus , & ultro  
Longuallum accersit , sub nutu cuius & armis  
Bella gerant Gelrhi . nervus nec defuit illis  
Præcipuus belli ; quoniam pius omnia Gallus  
Addidit , afflictis præsens qui semper asylum .  
Sic quotquot pedites , equitesq; ad bella creat  
Cliuia bellipotens , & quot maris accola Cymber  
Arctous gelidi , Gothus & quot sævus Iulus ;  
Vndique Belgarum super ad certamina regno  
Huc iussi uenere omnes : sic milite iuncto  
Rostrem obsequio cuncti præsentius audent  
Ductoris , prædamq; petunt . ille indice flamma  
Pandit iter turmis , rapiant iubet omnia , nutu  
Rapta trahantq; suo . furor it Vulcanius agris .  
Iamq; dies steterat primos uisura furores  
Bellorum : stridor lituum , iam rauca tubarum  
Murmura , iam peditūq; equitū graue murmur hiatu  
Cœperat ; ad ualidas iam duxerat agmina ductor  
Impiger Hocstrati dotatas nomine terras .  
Deditus hic prædæ miles spolioq; nitenti ,  
Sanguineas à cæde manus compescuit omni .  
His onerata furit sub noctem turba cadentem ,  
Vix passura diem , rutilumq; nitescere solem .

Ast ubi

Ast ubi porantes, solito properantior, orbe  
Diluerat tenebras splendenti lampade Titan;  
Omnia conglomerat stipatis agmina signis  
Ductor: & ut primum tenuere silentia Gelrhos,  
Excipit argutis pronas sermonibus aures  
Armiger alipèdis dorso suspensus in alto:  
Indole si dignum patria, si sanguine præstans  
Robur inest uestris animis, si uiuida uirtus;  
Spes, precor, audacter duce me componite uestras.  
Omnia nanque potest id inexpugnabile robur,  
Illa potens uirtus, totum qui terruit orbem  
Magnus Alexander, superauit culmina rupis  
Ornithiæ, magna fretus uirtute suorum.  
Iulius hac etiam populos deuicit & urbes  
Cæsar, & hac fretus decus admirabile gentis  
Pœnorum, Ausonias cum frangeret Annibal arces.  
Hac quoque uos similem cur non præstabitis orbi  
Speinq; decusq; Duces? magni sub munia Martis,  
Munia Gelrhorumq; , immo maiora; Brabantum  
Quî (procul haud) cāpis, uicto & sedeamus ab hoste  
Cernite, iam uacuasq; domos, legesq; silentes.  
Hosti non acies castris, non arma mouendi  
Iam locus est pressô; totis age uiribus arma  
Sumite, signa Duces uictrix tollite, nostris

Ite

Ite pares uotis omnes : non numina defunt ,  
 Numina polliceor ; iam iam mihi summus ab alto  
 Iuppiter arridet, magnam spemq; addit ituro .  
 Non ego per tumidas rupes & inhospita cunctis  
 Saxa, nec aerios iubeo transcendere montes,  
 Non per hyperboreæ sedis glacialia plaustra,  
 Per sterilem Lybiam, clausumq; uaporibus axem,  
 Sed Scaldis pollentis opes, per mœnia regno  
 Non ulli cessura, nouo cessura nec orbi .  
 Dixerat, at Gelrhi iam fato bella uocante  
 Secum immensa fremunt animis poscentibus arma .  
 At ferus alipedum, peditum Roshemius acri  
 Agmina uectus equo lustrauit fortia ductor .  
 Nec mora, compositis turmis coiere, Ducemq;  
 Quisque suū miles sequitur, sequiturq; manipulum,  
 Ad muros propero uertentes agmina gressu  
 Andouerpæos, & ubi fuit aula Gigantis,  
 (Ut memorant) sæuit Belgis, quo tempore scissas  
 Efferus ille manus medias proiecit in undas  
 Efferus ille Gigas Scaldis. Quid facta tyranni  
 Impia, quid cædes memorem, quid uulnera, quid tot  
 Andouerpæo iactas in flumine dextras ?  
 Vindicis ob gladii facinus, Rex ille superbus  
 Corpora quia etiam cæcis uiuentia terris

Multa

Multa dabat; sed passa diu iam numina tale  
Decreuere nefas, & tantam tollere cladem.  
Inter fata diu quærens tam dira iuuentus  
Surrexit furiis omnis sed Belgica iustis:  
Quorum castra Brabon ductabat fortia primus,  
Nulla pericla timens, ualidos productus in artus,  
Succinctum complexa caput coma sparsa capillis  
Cui riget intortis, libratum culmine pectus  
Exilit, ornat honos quem totum Martius, atque  
Suspendit ceruice caput colloq; superbum.  
Et iam collecti Belgæ glomerantur in hostem,  
Iam conferre manus, & decertare parati;  
Ilicet ad Scaldis ripas diffunditur omnis  
Bellatura cohors, iamq; amula prodit in arma.  
Conueniunt tandem monstrum super aggere rauci  
Fluminis, ex dira multorum strage superbum:  
Spumea cui primum rabies hinc inde fluebat  
Ex ore, at fremitus atroci dira meatu  
Murmura; totius truculentia lumina uultus  
Maxima cui suberant, totoq; uagantia cœlo.  
Quem procul ut uidit late surgentibus armis  
Belgarum noua turba uirum, formidine cuncti  
Perculsi dubitant trepida, fugit ilicet omnis:  
Fortunamq; suam per summa pericula gaudens  
Exercere

Exercere Brabon, medios tentare furores  
 Se parat; atque infit: nunc ò nunc nemo sequatur,  
 Solus eam, solus uincam. Brabon ultimus ergo  
 Fortis adest: què non magni metus undique Martis,  
 Nec monstri tenere minæ quin obuius iret;  
 Et magno uellet contra certare Giganti.  
 Tantum robur inest animo, & quia neuter in armis  
 Dissimilem sperat, contra sic impetus urget,  
 Festinantq; ambo, furor undique concitat iras.  
 Nec mora, tum gemini ualidis heroes in armis  
 Concurrunt simul: atque hic uastis intonat armis,  
 Depulit ille truce nequicquam umbone Gigantem,  
 Alternisq; fugit ualidos congressibus ictus.  
 Interea iactis inter se, comminus hastis,  
 Inq; hostem magnis emissam uiribus ornum  
 Extulit inde Gigas, læuūq; superuolat hostis  
 Aere lapsa latūs. sed non ita missa Brabone  
 Fraxinus in uanum cecidit procera: Gigantis  
 Quin mediū ferro pectus penetrauit acuto:  
 Vulnere quo monstrū moriens procumbit in agros,  
 Annosa ut quercus multos duratā per annos,  
 Quam faber, aratam structurus in æquora puppim,  
 Aeria scindit ualida de rupe securi.  
 Tum fremuere iugis siluæ, motiq; repente  
Frondeferi



Frondiferi curuo mutarunt uertice colles;  
 Nigra Gigantæo quatiuntur tartara lapsis;  
 Immugit pariter tellus & pontus, & æther.  
 Quod Brabon ut uita monstrum spoliauit & armis,  
 Deinde manum abscissam medias demersit in undas.  
 Vltus lege Brabon, meritas ea dextera pœnas  
 Præsentes quas fecit habet: dedit ille Perillus  
 Pœnarum inuentor pœnas quas repperit arte.  
 Hinc uulgo à manibus iactis Hantuerpia dicta est,  
 Hoc & ab antiquis nomen cepere nepotes,  
 Et quia ab immani terra est erepta Tyranno,  
 Ex Duce læta suo, tali sub uoce Brabonis  
 Tota Brabantorum signata est nomine tellus.  
 Iam structæ Gelrhorum acies, iunctæq; cohortes  
 Exierant campis, iam iam prope flumina Scaldis  
 Verteabat ductor peditumq; equitumq; phalanges.  
 Atque sub aëria Brædæ confederat arce  
 Auraicus Princeps, rebus spes unica lapsis,  
 Ardenter cupiens patriæ succurrere pressæ,  
 Certior his factis ductor, milesq; Sicamber  
 Intrepide Brædæ circum circum undique campos  
 Extemplo occludunt celeres hinc strata uiasq;  
 Præripiunt Belgis, castrisq; locantur utrisque.  
 Talia dum præbent erectis obuia signis

C

Aspexere

Aspexere fuis Belgarum signa, repente  
Agmine densantur, fortesq; in bella manipuli  
In uersum statuunt aciem, nec longe morati  
Procedunt campo: (tum classica rauca tacebant  
Quodd tormenta graui rumpebant æthera bombo)  
Hoc tanto impulsu Belgæ tantoq; fragore  
Attoniti, arrexere animos, signoq; paratus  
Dum fremit, atque locû spõdet sibi quisque priorẽ,  
Insurgunt hostes subitis congressibus, usque  
Inuaduntq; manu Belgas dextraq; sinistra:  
Incaluere animi parte ex utraque, Sicambræ  
Confusæ occurrunt sub primo Marte phalanges.  
Iam galeæ resonant, iamq; ensis stridet acumen  
Ictibus, & sonitu circum circum undique uasto  
Armorum reboat, sparso iam sanguine campus  
Bellantumq; gemit bicolor clangoribus omnis:  
Vulnificusq; calybs interficit hunc, globus illum  
Plumbeus, ille excussus humi mox calcibus auras  
Verberat, & corpus anima indignata relinquit.  
Crudescunt omnes, cedunt, minitantur & instant.  
Urget eques pedites, hiq; inclinantur in ictus  
Telorum, attolluntq; humiles in uulnera dextras.  
Concurrere pares animis, præsensq; cupido  
Ambobus uirtutis erat, fortunaq; in omnes

Astabat;

Astabat. Gelrhi in læuam sua tota reflectunt  
Agmina, & à tergo linqunt Titana cadentem,  
Quo feriant hostem prorsus uaga lumina uultu.  
Belga percussus radiis, mox ordine nullo  
Turbatur, pedites maiori & mole premuntur.  
Successu hinc astus alii, in crudefcere cæde  
Hostili occipiunt: sæuus uelut auster in arctos,  
Irruit in Zephiros Euris, uelut impiger armat  
Æolus hibernas acies, & fulmina pellit.  
Iam per arenosos horrenda strage iacebant  
Corpora fusa uirum campos, iamq; impare pubes  
Belgica cedebat numero, subitaq; cadens ui  
Laxabat se se; Gelrhi mox acrius instant  
Attolluntq; animos, geminat uictoria uires:  
Non secus ut tumidi spumantes æquoris undæ,  
Irati inter se si quando prælia uenti  
Undique sæua mouent circumfuso Atlanteo  
Alternos agitant sinuosa ad littora fluctus.  
Vt uidit socios infesto cedere Marti  
Acer equo Princeps ualido uolat agmina circum,  
Hortatur pedites, equitesq; in prælia firmat:  
Atque hos impavidus compellans uocibus, inquit.  
Quò fugitis focii? pedibus ne fidite uestris:  
Est uia sanguineo ferro rumpenda per hostes.

Quà peditum globus ille minax densissimus urget.  
Stare uiri mecum, per uos & fortia facta  
Maiorum, ah patriæ subeat uos amula laudis  
Gloria, perpetuos lucens uictura per annos:  
Nunc prece, nunc dictis animū incendebat acerbis.  
Mox audius pugnae in medios se proripit hostes,  
Infestasq; acies ultrici uerberat ense:  
Tertia sed postquam congressi in praelia Belgæ  
Expauere iterum, permixti cæde uirorum  
Bellantum uertuntur equi, retroq; residunt.  
Astiam uictores Gelrhi, toto agmina circum  
Aequore agunt, sed turba fuga laxatur inertis  
Belgica. Tum nequiens rebus succurrere egenis,  
Belligero sublimis equo non signa nec agmen  
Amplius expectat Princeps, uelocior euro  
Euolat ad Scaldim: celeri, mora nulla, Sicambri  
Sectantur cursu fugientem, atque impete magno  
Vna omnes Belgæ & Gelrhi pro mœnibus urbis  
Apparent, sed iter spatio breuiore cruentus  
Belgicus anticipat, reliquos fert impetus idem.  
Nec dum Gelrhorum positus furor ille, sed auctus.  
Utq; lupo pecoris dudum expugnator opimi  
In totum sitit inde gregem, cædemq; minatur.  
Illi ardore pari nisuq; inuadere muros

Crudescunt

Crudescunt animis, penetrataq; testa subire.  
At Belgæ rerum ignari, dubiîq; sequentem  
Noctem illam infomnem cuncti duxere pauentes,  
Mœita nec attonitis ullam dat cura quietem.  
Officio tamen usque suo stat quisque, repostos  
Pars læues clypeos, & fulgida spicula tergent.  
Ille humeris de more habilem suspendit & arcum,  
Armatur iaculis alius, loricaq; tergo est.  
Pars tereti fundæ, dexteras pars cestibus affert,  
Noctiuagas rapit ille faces, rapit ille sagittas.  
Telluremq; alii cistis, & saxa reponunt  
Mœnibus, & muri fastigia summa coronant.  
Sic omnes instant patriæ succurrere pressæ,  
Non secus, ut teneros si quando in uertice saxi  
Abscondit cœlo fœtus Iouis ales aperto,  
Occurrens serpens lingua uibrante uenenum.  
Illâ trucem rostro, & propellens unguibus hostem  
Excelsum incessens, nidi circumuolat orbem.  
Haud inter Latios, totq; inter millia solus  
Belgarum stabam uacuus: quin Principis omni  
Hærebam nutu, perlustrans mœnia, & ipsi  
Mœnibus ostendens, nunc quâ deducere fossam,  
Quem ue locum ualido deceat præcludere uallo:  
Vtq; aditus Belgis sit notus, & inscius hosti:

Ostendi

DE BELLO SICAMBRICO

Ostendi interdum Ligures insistere in agmen,  
 Pulcher ut æquatis decurreret omnibus ordo:  
 Id non sub dubia recitant mea carmina laude,  
 Nam cunctis sat nota cano. testis mihi Princeps  
 Fortis Ariscotius, testis quoque maximus ille  
 Auraicæ Princeps decus insuperabile gentis.  
 Sensit ut infractos in rectum adstare Brabantos  
 Gelrhicus attonitus ductor, decreuit ab urbis  
 Andouerpæ subita obsidione reuerti, &  
 Louanum antiquam ferro obturbare furenti.  
 Hic prædam extorquere uirumq; haurire cruorem:  
 Post ubi ab Eoo Titan surrexerat ortu  
 Tertius, & solito lustrarat lumine terram,  
 Aere cieri omnes iubet atque accingier armis.  
 Ventum erat, irriguis qua pulcher flexibus amnis  
 Netha fluit, magnæ eradens Machlinidos arua  
 Martia, bellorum nunquam perpeffa furores.  
 Hic prope dispositis castris exercitus amnem  
 Constitit, & pingues populatur finibus agros  
 Pars una optata refouet sua membra quiete,  
 Altera pars quercus & ligna accisa securi  
 Coniungunt cuneis, pontis formamq; patentis  
 Fune religato efficiunt, massamq; coercent.  
 Labitur illa ratis Gelrhis, mora nulla, per amnem;  
Aptaq;

Aptaq; in aduersas traducens agmina ripas  
Continuas molita uias opus omne peregit,  
Impedimenta trahens belli, sulfurq; , nitrumq; .  
Vix cœlum, (ut perhibent) nox atra silētibus umbris  
Clauserat : in gelida uix languida corpora ripa  
Firmarat, solitam cum Mars accensus in iram  
Gelrhicus, ardenti cuncta inmiscerier igni  
Iusserat, & faculis piceis expellere noctem.  
Tunc fluuio uicina Vualem cum Duffele, seuo  
Igne micant, media & crepitant uicinia flamma.  
Nec manet ulterius, nec plus sua fata moratur,  
Asperior festinat iter, quò Dilia pulcher  
Mœnia Louani tacita perlabitur unda :  
Hæc super in paruo spectans Tritonia uitro  
Gelrhorum ingentes superis denunciat iras ;  
Et subito ingrediens sacri penetralia tecti,  
Affatur magnum querulo sermone parentem.  
Summe pater, cœli rector, diuumq; hominumq; ,  
Qui freta, qui terras, atque ignea lumina torques,  
Quo sine non tellus campo penderet aperto,  
Aeris, & ponto maneat præclusa tumentem,  
Nunc audi quàm dira orbem detrudat Erynnis.  
Vrbis Diliacæ, nunc muros obsidet hostis  
Gelrhicus, heu flammis immiscens omnia : turbat  
Phana

DE BELLO SICAMBRICO

Phana ferox, non uxor adest cum coniuge tuti,  
 Hospitii non saluus honos : temere omnia præcep-  
 Sic aspernatus, facinus prorumpit in omne :  
 Fer precor auxilium pressis , miserere cadentum,  
 Ut cuncti agnoscant quòd sim Dea, & altitonantis  
 Filia, Musarumq; parens , subq; ægide magno  
 In longum tuti ut Morinus , stent, Grudius æuum :  
 Da precor hoc genitor : postquam Iunonis in iram ,  
 Hortatu Veneris, Danaos demiseris orco ,  
 Et contra Aeneadas claris crexeris astris .  
 Tunc subter uitreo risit Venus aurea peplo,  
 Obstupuere aliiq; Dei intenta ora tenentes .  
 Dixerat . Ast magnus Rex omnipotentis olympi  
 Agnoscens primum mentes, animosq; Deorum  
 Arrectos, folio affatur sic Pallada ab alto .  
 Quos nostro hoc ignes regno , quæ sidera cernis ,  
 Atque axes, quibus ipse super uersatur olympus ,  
 Cœlicolasq; omnes, horum sub numine tellus  
 Educit uarios non uno tempore motus :  
 Seu mentes calor instigat rapere arma , & ab ipso  
 Marte Deo toties speratam poscere pacem .  
 Quòd si bellorum quatiat furor arua Brabantum,  
 Hæc cœli ratio est nulli mutabilis æuo :  
 En age felici auspicio modo fata sequentur ,

Atque



Atque aderit ( iuro ) tempus quo regna Sicambrum  
Omnia Diliaco parebunt subdita sceptro :  
Carolus & longo tecum dominabitur æuo .  
Primus ab Aethiopis supra hic trahet agmina Thylæ,  
Ac fortunato , & felici ab littore supra  
Ismara , Bistoniasq; plagas , Serasq; remotos ,  
Atque Caledonios lucos , Bactra ultima supra :  
Sicq; tuis totus resonabit laudibus orbis ,  
Dicerisq; Iouis semper dignissima proles ,  
Et tecum doctæ uenient ad sacra sorores .  
Hæc ubi fata dedit , Martem pater ipse cruentum ,  
Vulcanumq; uocat , genitumq; Atlantide Maïa ,  
Vtq; Deam secutentur , ait , felicibus armis .  
Addunt se Diuæ comites Venus aurea , & ipse  
Alcides , musisq; sacer comitatus Apollo .  
Illi præcipientes liquidum circum athera lapsi  
Iussa obeunt , fortem cuncti Tritona sequentes .  
Ipsa triumphali curru sublimis eburno ,  
In Gelrhos maturat iter Louánidos arces .  
Iamq; per Eoas ibat Tritonia terras ,  
Quà rapidus Ganges , & quà fabulosus Hydaspes  
Aurifero uerrunt Nyctæos gurgite campos .  
Hinc uarias rerum formas , quas florida tellus  
Quas freta rauca colūt , relinquens post terga remotas ,  
D Indomitos

Indomitos uenit usque Scythas, glacialisq; arua.  
Quæ furibundus agit Boreas, quæ sæuus hiatus  
Eurus, & hibernis torquet niger imbribus auster.  
Iam Scythæ, iam Scythiæ latitat tellusq; fretumq;  
Ante oculos crescente solo, quo parturit auras  
Felices campus gratosq; aspirat odores.  
Hæc loca Hyperborei montes saluberrima cingunt,  
Aeternum flatus Zephyro spirante salubres.  
Hinc Dea ab Hyrcano linquens freta Caspia monte,  
Euolat ad Scythicæ Mæotidis usque paludes:  
Quas gelidus Tanais immensus fluctibus auget.  
Haud procul apparent Zigæ cum Sarmate fortes,  
Errantesq; simul Cottæ, quos Bosphorus arctat  
Cimmerius, gelidas surgens nebulosus ad arctos.  
Hinc acri nimioq; gelu Dea plaustra reflectens,  
Per rauçi pontum Euxini atque Acherusia regna,  
Aeasq; domos adit, hic ubi magnus Iason  
Abstulit auratum nephelei uelleris agnum.  
Inde petit raucis quæ Bosphorus æstuat undis  
Thracius Euxini, uel quæ fluit alta Propontis.  
Danubium celerem ex alia rapit alite curru,  
Cernit ubi ignaros populos latebrosa uagantes  
Per iuga Carnunti, uel per deserta uirentis  
Hercyniæ, gelido subter quæ proxima saltu.

Verum

Verum ita digreditur, donec Germania Phœbi  
Aemula, & inuicti Martis patet una Quirini.  
Iam Belgas metiri oculis feliciaq; arma  
Cœperat, hostiles olim aspernata furores:  
Sanguine ubi rubuit tellus, Mosâ cumq; nataret  
Cæde uirum, & caperent inhumata cadauera ripæ.  
Et iam Gelrhûs equo circumlustraerat acri  
Diliacos muros, iam iam sibi pandere portas  
Iusserat, & trepidam prætor iam Grudius urbe  
Exierat, pacis ueniam petiturus ab hoste.  
Hæc nocte in media cœlo dum Pallas ab alto  
Prospicit, ingentis circolo circumdata lucis,  
Ne trepidate uiri, dixit, noua gaudia porto,  
Louani ciues, tum iubila plurima cœlo,  
Insonuere uirum, tanto clangore tubarum,  
Quanto nec fluctus maris in caua littora pulsi,  
Murmurat arboribus aut quanto uentus in altis.  
Haud mora, bellipotēs tum Mars fuluo æthere uisus  
Irarum grauidus liquidas equitare per auras,  
Inq; modum diuos mirum componere in agmen.  
Atque ubi lustrauit cœlum toto agmine uersis  
Lustrauitq; choris, Tritonidos iuit ad arces.  
Cernere erat liquidum pendere per aera structas  
Hinc acies, diuūmq; acies certamen adortas,

Horrendum uisu, & certari comminus armis.  
Pierides omnes aderant. micat ægide Pallas,  
At curua Phœbus lethalia spicula dextra  
Contorquet, clypeo sæuit Marsq; ense recuruo,  
Fortis Atlantiades Cyllenide dimicat harpe,  
Vulcanus rauco iaculaturq; impete glandes,  
Emittitq; nouas torrenti è fulmine flammæ:  
Amphytrioniades nodosum robur, & arcum  
Exercet; facibus stat crinem impexa Megæra;  
Agnouere Deam postquam Tritonida Belgæ,  
Implentes totam lætis è plausibus urbem,  
Occurrunt hosti, ruit & glomerata iuuentus  
Protinus, exundant ut rupta mole per aruum  
Flumina, uel terras effracto carcere uenti  
Inuadunt; dirumq; gerunt per nubila bellum.  
Armorum defit nullum genus. hic sude certat,  
Hic iacit æratas immenso turbine glandes,  
Hic torquet ualido stridentia saxa rotatu,  
Atque impulsa leui libratur lancea nexu,  
Hic iaculum, nunc ille faces, & lampada flammis  
Ardentem iactat rapidis, sed cetera pingui  
Vincta pice, & calido nigroq; bitumine fumant.  
Hinc longe agnoscens fulgentia Palladis arma,  
Diuiinosq; arcus, tacite iam ductor abire

Gelrhorum

Gelrhorum neſtens, ſubito uocat æquore pubem.  
 Sed trepidante fuga per apertos euolat agros  
 Præcipiti aſſimilis fluuiò atque furentibus auſtris.  
 Tunc uirgo in mediam prorumpens ægide turbam  
 Hunc premit, hunc illumq; haſta clypeoq; laceſſit.  
 Hanc oriens uidit Titan cum ſurgeret orbi,  
 Atque fuga Gelrhi clypeum ſenſere ſonantem.  
 Sed mihi diua refer quis primus & optimus inter  
 Louanas acies fuerit, quis laude ſuperba  
 Inter equos equites pedites pedes uſque ferendus,  
 Diuorum è numero meruit felicius omni.  
 Mos erat in ueterum caſtris ueterumq; triumphis  
 Neſtere frondenti uictricia tempora quercu,  
 Infracſtis fuſo potuit qui uiribus hoſte  
 Caſurum morti ſubita ſubducere ciuem.  
 At tua quæ uirgo penſabunt facta coronæ?  
 Quis muralis honos? cinget quæ ciuica quercus?  
 Cum tibi non ſolum uitam debere fatentur  
 Tot populi, ſed tota Iouis doctiſſima proles.

LIBRI PRIMI FINIS.

HIERONYMI FALETI  
DE BELLO SICAMBRICO  
LIBER SECVNDVS,  
AD HERCVLEM ESTENSEM,  
FERRARIENSIVM PRINCIPEM IIII.  
ET CARNVTVM I.

INTEREA Auraicus festino milite Princeps  
I Agmina Gelrhorū sequitur fugientia uictor,  
Reginæ iussu, totas cui Cæsar habenas  
Belgarum tribuit regni, terraq; mariq;  
Ait, ubi Gelrhorum ductor Roshemius hostes  
Indutos uidit sæuos fulgentibus armis,  
Belgarumq; acies auidas accedere pugnae;  
Impiger Arduennæ latebrosa per auia lucos  
Aduolat, & silua pauidus se abscondit opaca,  
Agmine prosternens cæcos non deside saltus.  
Scitnditur hic abies, cumq; orno quercus, & albis  
Populus alta comis: longum gemit icta securi  
Silua: iubet Gelrhus trabibus nemora ardua cingi.  
Quæ tamē haud Princeps timuit: nō hoste, nec armis  
Territus, in siluæ fauces erumpit aperto  
Marte citus, Gelrhos passim per deuia quærens.  
Vt canis umbrosis occultos montibus apros  
Insequitur, uel calle feras rabiosus opaco,

Dum

Dum uolat huc illuc cursu indefessus , & acri  
Nare sagax , uigili uestigia captat odore ;  
Sic ruit in Gelrhum Princeps letalibus armis .  
Ille per & colles & densos abiete saltus  
Arduennæ haud segnis fines præteruolat omnes ,  
Atque novos captans cursus captansq; recursus ,  
Lucemburgiacas tandem peruenit ad oras .  
Iam cepere fugam Gelrhi , Gallisq; timorem  
Gelrhorum incussit metus , at fortuna ruebat  
Belgica , uertebatq; in Gallos agmina uictrix .  
Hic nouus Auraici gliscebant Principis ardor  
Cædibus , & dextra maiorum æquare uigorem .  
Clara ubi magnanimi fulserunt Principis arma ,  
Protinus Iuodium munit Roshemius , atque  
Euolat ad Gallum reliquo cum nulte pernix .  
Haud mora , signa loco , collis quâ despicit arcem  
Iuodii , Princeps dimensaq; castra locauit .  
Iuppiter è cælo postquam Saturnius iras  
Principis indomitas uidit , tum uertice nudo  
Protinus insanos imbres , permixtaq; nimbis  
Fulmina , & excussos demisit flatibus ignes .  
Clara dies fugit ipsa polo , cælumq; profundis  
Clauditur in tenebris , & cæco uelat amictu  
Cærulea nox terras , & in imbrem soluitur aer .

Hinc

Nullaq; iam superos mites habuisse putares  
 Fulmina, nec liquido displosa tonitrua cælo.  
 Agnouere Deum Belgæ, lætoq; tumultu,  
 Et passas omnes tendunt ad sidera palmas.  
 Post ubi Iuliacum Cliuensumq; arua cohortes  
 Fortibus intrarunt nunquam mentita colonis,  
 Erumpunt actæ fecunda per arua, corusco  
 Omnia uastantes igni: furit undique miles.  
 Ac uelut excelfo rapidus de uertice torrens  
 Præcipitat, uolucríq; rapit secum obuia lapsu,  
 Cum sonitu, & raucis late fragor intonat undis,  
 Strage data nemorum, tellus siluæq; trahuntur;  
 Qui careat flamma, nullus locus: ardet in auras  
 Et domus, & latis manant incendia siluis,  
 Pascuntur donis cerealibus undique flammæ:  
 Pabula dant sonitum in tristes conuersa fauillas,  
 Obæcat terras fumi caligo, polumq;.  
 Atque ea dum uariis permixtus tristitia flammis  
 Mulciber alternat, tanti subit intima casus  
 Corda pauor, tantusq; metus, turbarat Iulos  
 Combusta regione, suis lariibusq; relictis,  
 Quà duxere pedes, celeri se credere planta  
 Spectassent, tacitosq; nigra se condere ualle:  
 Non secus ac Phrygiæ uenator montibus Idæ

E

Cum



Cum lustra exagitat siluestribus obsita dumis,  
 Errantem imponit rapidumq; cubilibus ignem;  
 Dum gliscēte malo flammam Vulcanus edacem  
 Colligit, & multo diffundit lumina fumo,  
 Lethali piceus uortex ad sidera peste  
 Voluitur, & flammis late infima quæque relucēt.  
 Tunc latebris fugere feræ, fugere iuuenti  
 Per iuga, per colles, latebras, tutosq; receptus,  
 Atque una fugiunt uolucres è frondibus omnes.  
 Hic primo ingressu rapiuntur militis urbes  
 Innumera, patrio sine defensore relicta.  
 Zittertum hinc, atque hinc ualidis Hinspergia muris;  
 Dura suo assurgens uallo, & Zutteria, culti  
 Iulia diues agri, rapiuntur, & obuia passim  
 Oppida, & agrestes uillæ pagi; patentes.  
 Iulia cum postquam celsit gens aspera Belgis,  
 Atque dati rerum fræni: tunc impiger armis  
 Belgarum ductor tectisq; opibusq; potitus  
 Ipse suo arbitrio, patrias remeauit ad oras.  
 Hæc ubi uisa suo Gelrhi mandata ferentes  
 Ductori expediunt, patriæq; pericula pandunt:  
 Belgica quod ruerint arma, exactiq; laborent  
 Principis aduentu, cuius truculentia facta  
 Commemorant, cladesq; datas, stragesq; necesq;:  
Arserit,

Arferit, & quantum sceleratis Iulia flammis.  
 His dictis, largos effundunt pectore fletus,  
 Multaq; Gelrhorum ductor suspiria traxit.  
 Atque dolore furens, irarum fluctuat æstu;  
 Hæc secum infrendens, patiar consurgere Belgas  
 In patriam, & Iulis, Cliuisq; imponere legem?  
 Quos modo sub pedibus felici Marte tenebam,  
 Quos æquasse solo potui, iam sanguine fuso,  
 Prostratisq; opibus, populatis undique campis.  
 Hæc ubi fatus erat, tumidam consurgit in iram,  
 Atque ait en Belgas nostra subuertere dextra  
 Quis uetat audaces, rursusq; ad mœnia gressum  
 Tendere Louani, rapidumq; inuadere Scaldim?  
 Ibo, & Iuliacum relegens monumenta penatum,  
 Qua uia iam uobis nota est, optatus ad arua  
 Pinguia Gelrhorum remeabo, atque omnia uestro  
 Sternentur nunc signa Duci, noua Belgica, nobis  
 Non una perculsa fuga: quid? prospera mecum  
 Vertantur signa, & nostris è mœnibus hostem  
 Enitamur, ait, patriaq; expellere terra.  
 Gelrhica Cæsareo dabitur prouincia sceptro?  
 Quam non uictrices acies retinere Philippi,  
 Non potuere patris, post longi tempora belli:  
 Nec mora, prægrediens minitantia signa quieto

Agmine Iuliacos se se referebat in agros,  
 Furta uia huc illuc caecæ & pallentibus umbris  
 Obliquos inter flexus nocturna legebat:  
 Qualis flexilibus ludit reuolutus in undis  
 Dum ruit, ambiguo refluitq; per inuia lapsu  
 Occurrens Phrygio sibi met Mæander ab orbe.  
 Tempus erat, tenebræ quo muta silentia habebant,  
 Quo Tarcesiaci Phœbus se mergere fluctu  
 Coeperat occiduus, quæ iam contrarius axis  
 Aspicit Antipodas, sua qui uestigia nostris  
 Opponunt pedibus, minitantes uertice casum.  
 Post ubi fulserunt rutilantis lumina solis,  
 Et terris rubuit roseis Aurora capillis,  
 Flammantes excussa comas, & ab orbe renato  
 Ignea Lucifero fugerunt astra relicto,  
 Hic iter inceptum peragit gressumq; repente  
 Dirigit in Duran, quam miles Belgicus olim  
 Ceperat, & fido seruabat robore muros.  
 Atque ubi uenerunt propius Durentia Gelrhi  
 Mœnia præcingunt subitis exterrita castris.  
 Iamq; diu suberat duræ Roshemius urbi  
 Ductor, & infano crudelia bella parabat  
 Marte ferox: fessi at Belgæ, dum nulla uiderent  
 Agmina, & optatas fociis procul esse phalanges;  
Extimuerunt

Extimuerenecem pauidi, pacemq; precantur.  
Euasisse datum est, & ubi data fœdera Belgis,  
Ac promissa fides, secum portantq; feruntq;  
Pacis opes Belgæ, clypeosq; & pila simulq;  
Fulgentes rapiunt enses & pondera ferri.  
Dum mouet à Dura peditumq; equitumq; maniplos  
Gelrhus, & Hinsbergam bellum meditatur ad urbē,  
Audit Arembergi uacuam sine militis arcem  
Præsidio, fremit arma ferox hac uoce iuuentus,  
Et subito admotis inimica ad mœnia scalis  
Aerios scandunt muros, atque omnia uastant:  
Mœnia iandudum fortes Hinsbergica Belgæ  
Seruabant, hosti ingressusq; aditusq; uetabant.  
Sed uesana fames potusq; insuria cunctos  
Torquebat miseros magno discrimine uitæ.  
At Regina Duci, Gelrhorum experta furorem,  
Mandat Ariscotio, præsens succurrat egenis  
Ciuibus, & pressos hostili liberet enses  
Ecce inter Belgas Dux infelicibus armis  
Bella parat, medios primus ruiturus in hostes.  
Nec mora, concurrunt equites peditesq; parati  
In media cæram pugna dimittere uitam.  
Post ubi fulserunt uexilla adaperta Sicambris,  
Et lituum clangor fremuit sonitusq; tubarum,  
Gelrhus

Incurrunt acies magnis stridoribus, atque  
Auditur strepitus mediis è uallibus ingens.  
Iamq; fatiscebant Gelrhi, uiresq; animosq;  
Despondere metu, nec iam certare ualebant;  
Cum Pater omnipotens Gelrhorum languida cernēs  
Cuncta fuga, Belgasq; odiis immane frementes;  
Euocat è latebris Eurumq; Notumq; furentes,  
Vt cæca inuoluant totum caligine cætum;  
Irarum donec furia, cædisq; cupido  
Subsideat Belgis, & dira piacula purgent.  
Ante oculos Boreas ruit acri impulsus ab Austro  
Pleiadas excutiens, niuibuscq; madentibus imbrem.  
Intonuit terra, & tonitru dedit icta fragorem.  
Bellantes nouus horror habet, suspensus in auras.  
Hinc sonipes summo uix tenuia puluere signat:  
Hinc gemitus, furor hinc, illinc cædesq; fugæq;  
Belgarum largo tellus madefacta cruore est.  
Solutus Ariscotius manet imperterritus heros  
Sub niue, sub rabie uentorum: Qualis olympi  
Sustentator Athos, patulo uel quercus in agro  
Stat pluiæ non fracta minis, radicibus hærens,  
Hibernis quoties nimbis tonat humidus æther.  
Cum uero pedites aduersis prælia Belgæ  
Horrentiq; gelu niuibuscq; non æqua uiderent,  
Præcipitante

DE BELLO SICAMBRICO

Præcipitante fuga per apertos agmina campos,  
 Sparſa trahūt, miſeroſq; equites in morte relinquūt.  
 Non animi tamen ipſe ſui decoriſq; ſuorum  
 Fortis Ariſcotius Princeps oblitus, at ardens  
 Arma mouet: quaq; inſenſum iaculatur in hoſtem,  
 Et ſpumantis equi trepidantia corda fatigat,  
 Hic mutata fugæ ſpecies, equiteſq; ſequentes  
 Pone necat Gelrhos fugientes impete diro,  
 Sicut Achæmenius pennatis Perſa ſagittis  
 Vulnerat à tergo, minitantes dum fugit hoſtes.  
 Gelrhorum hic acies, Gothus hic, & Cymber Iulus,  
 Danica procumbit pubes: hinc Belgica, & illinc  
 Martia ſigna iacent, Morinus quæ belliger et quæ  
 Flandrenſes populi forteſq; tulere Brabanti.  
 Dum feruet cruor, ac properatæ mortis imago  
 Vndique cadentum fuerat pariterq; ruentum,  
 Qui modo Zitterti ſeruabat mœnia miles  
 Admiratur, opem Belgisq; afferre laborat.  
 Qualis Chaonia ſub quercu aut ilice paſtor  
 Explorat uiſu certamina longa draconum,  
 Noxia dum triplici contorquent ſibila lingua,  
 Seq; rotant ſpiriſ ſuffecti lumina flammiſ:  
 Protinus accurrit, uiſtumq; ſuperuolat hoſtem.  
 Sic audus prædæ miles Zitterticus audax

Pennatæ

Pennatæ similis uolucris, tulit intus in urbem,  
 Bellantum galeas, clypeos, tormenta, simulq;  
 Tegmina quadrupedum conflictu fracta recenti.  
 Vtius Belgæ magno in discrimine belli  
 Hostiles ictus tempestatemq; ferebant.  
 Non erat illa dies finem latura, pāuentes,  
 Ni iurata uagi uiolassent fœdera Martis,  
 Suassissentq; fugam pedites ex agmine turpem.  
 Fessus Ariscotius princeps certamina linquit  
 Cornipede euectus celeri; noctisq; per umbram  
 Ad Traiectenses tendit magno impete muros.  
 Iam quisque ostentat prædam, fruiturq; triumpho  
 Gelrhus honorato, passim uictoria narrat  
 Qualis, & unde sibi parta est; uolat æmula uirtus  
 Certatim, & uires, animum, & spes cuique ministrat.  
 Illic ( ut perhibent ) uix intempesta tenebat  
 Nox medios cursus, cum miles Belgicus arcem  
 Sustariam linquit, fortemq; pauentibus armis  
 Hinspergam petit, atque abiens simul arma reportat.  
 Protinus hinc Gelrhi uictoria signa sequuti,  
 Ne sua torpescant surgente per ocia lux  
 Corpora, consurgunt omnes bellare parati,  
 Et Limburgenses populantur cursibus agros.  
 Hinciter accelerant dumosa per arua, furentes

F      Atque

Atque Gemiterium dura obsidione coronant:  
 Dumq; his intenti, miles Hinspergicus urbem  
 Exierat, tacito consteruens impete pagos,  
 Hac & plura: iubent Gelrhi sub signa referri  
 Agmina, & infestum præcludunt moenibus hostem.  
 Interea Princeps, fractis spes unica rebus,  
 Auræcus, nunquam rigido qui cesserat hosti,  
 Intrepidus armat Belgas, non ipse moratur  
 Amplius, acer equos, sed abit tot millia contra  
 Gelrhorum, socios & obsidione redemit:  
 Nec mora, iam cunctis prior euolat agmine aperto  
 Auræcus Princeps equitum circumdatus alis  
 Nec longum progressus iter, cum moenia fortis  
 Hinsbergæ propius cingentem conspicit hostem.  
 Postquam permissum est inuadere castra Sicambrū,  
 Armiferas cogit numerosa in tela phalanges,  
 Artifici similis, ualidos qui forte laborat  
 Aedificare domos, spereturas fulmen & himbres.  
 Non acies aliter cogit, sic ordine certo  
 Addensat clypeis clypeos, lateri latus aptat.  
 Inde nouas nactus duplicato robore uires  
 Belgarum ductor, cunctis animosior hostes  
 Euolat ad trepidos, & proterit agmina primus.  
 Sicut in armentum Lybici per iugera campi  
Impasto



Impasto ruit ore leo uiolenter, & ungue  
 Sternit humi Taurum; pauidū pecus; atque iuencū.  
 His ergo attoniti magna in formidine Gelrhi,  
 Cum spes non aliter superesset certa salutis;  
 Diffugere citi rapido per deuia cūrsu,  
 Aenealinquētes Belgis tormenta, globosq;  
 Et quicquid rigidi Martis reperitur in usus.  
 Dumq; fugam Gelrhi media in formidine quārent,  
 Ecce ferō Marti similis modo Belgicus heros,  
 Insequitur prompto fugientes milite, turmas.  
 Vt uiridi in campo rabidū uersi armenta coloni  
 Aspexere lupum populantem bucēra, factor  
 Agmine contortis faculis hinc inde feruntur,  
 Immanemq; suū cuncti iaculantur in hostem,  
 Ille pauens timido uacuum pede fugit in antrum:  
 Aut quando accipiter rigido ferus ungue columbam  
 Ipsequitur, præcep̄s cœlo delapsus ab alto  
 Iam trepidi patriæ Gelrhi de rebus agebant  
 Inter se dubii, Cliui hinc, Gotus inde, et Iulus,  
 Magnanimū accedūt patriæ dominumq; Ducemq;  
 Et prior egregia quidam de gente Sicambrum  
 Ductor ait, Gelrhos memini sub uertice fortes  
 Sidereo extolli, Iulum, Cliuumq; phalanges.  
 Nunc nobis stat uersa retro fortuna; quid ergo

Turpiter imbelles rapiunt nunc omnia Belgæ?  
 Dicam equidem quæ sit tantorum causa malorum.  
 Abfuit inuictis uir formidabilis armis  
 Ille inquam noſter uerus Mauortis alumnus,  
 Tuta ſalus patriæ, Batauos qui pellere regno  
 Inſtabat, tristem qui multa immiſit ad Orcum  
 Corpora Belgarum: Gelrhis loca dedita rurfus  
 Inſeſtant hoſtes, queis tantus ſanguinis ardor,  
 Vt iam quadrupedum numerus peditumq; latebris  
 Emicet ſolitæ, iam iam caput exerit omnis.  
 Ferueat in Belgas iterum Roſhemius acres,  
 Des, petimus, dubias & res amplectere noſtras.  
 Non quiſquam ingenio melior, non fortior armis,  
 Robore non animi, non ui præſtantior alter;  
 Seu moderatur equi uolucris ſpumantia fræna,  
 Cretenſi de more leuem ſeu doctius arcum  
 Tendit, & obſtrepero plumbi iacit impete glandes,  
 Seu uelit excelsas arces, ſeu caſtra tueri,  
 Seu uelit obſeſſas urbes, nemo acrius inſtat.  
 Hæc poſtquam audiſſet, ſuſpiria traxit ab imo  
 Pectore, & hæc Cluium Dominus ſic reddidit ore.  
 Maturate citi, dabitur quem quæritis, eia  
 Pergite, & incæptos in longum ferte triumphos;  
 Vix hæc finierat, ſolitæ cum protinus armis

Mouit

Mouit in hostiles peditem Roshemius oras .  
Inq; locos uenere nouis Amsfordia muris  
Qua micat, & pingui locuples exultat in agro .  
Tum neque miles erat , nec erant ea mœnia circum  
Præsidiiis munita suis , Amsfordia pubes  
Gelrhorum uastat populatum accesserat oras .  
Nec prius ad patrias ædes rediere relictas ,  
Quàm foret ingressus miseram Roshemius urbem .  
Inde iter accelerans Helmundam oppressit opimam ,  
Consimili diues ceciditq; Endouia casu .  
Talia cum dubiis permiscet Belgicus armis  
Mars , una Belgæ , ex alia se in bella parabant  
Arma resumentes Gelrhi sociæq; phalanges .  
Interea uario tellus hispana tumultu  
Feruebat, uiresq; suas hinc inde legebat .  
In spes ergo audas erecta Aenotria pubes  
Ac Genua egrediens hispanas nauit ad oras .  
Atque ubi se medio clasis tulit æquore , diues  
Pacatos muris quâ Barchinonia fluctus  
Applicat, & uenti uela impleuere secundi ,  
Protinus edixit nautas confidere transtris  
Cæsar , & in Ligurum diuertere littora proras .  
Haud mora iussa citi expediunt, ac Carolus unam  
Conscendens puppim, remis freta cærulea fulcat ,  
Nec

Nec fuit hesperiis maior naualibus ulla,  
 Egressa aut Ligurum melior non altera portus.  
 Nam quater hæc ualidis centum quino ordine remis  
 Verrebat pontum, strepitusq; sonante tubarum  
 Scyllæi tacuere canes, & murmura Siren  
 Dulcia compressit, queis se Delphines in auras  
 Tollere sunt ausi nantes super æquora curui:  
 Personat hic ualido pulsatus remige pontus,  
 Insultans pariter raucis Neptunus in undis  
 Extimuit, lubricæ simul expauere sorores.  
 Iamq; salum attigerat quæ nunc Massilia cellis  
 Erigitur muris, portuq; superba capaci.  
 Eminent hinc curuo turris Taurentia portu.  
 Mox & in Herensis nudata cacumina rupis  
 Flebit, & ad tutum sinuosi littoris antrum.  
 Stare iubet classemq; suam turbamq; sequentum  
 (Nauta tumescentes auidus dum colligit undas)  
 Cæsar, & antiquas abiturus conspicit ædes.  
 Huc ubi diffusus uentus spirauit habenis,  
 (Mitis enim tum pontus erat) retinacula classis  
 Nauita rostratæ soluit contorta, triremes  
 Induxit leuis aura citas, impulsaq; remis  
 Vnda sonat ualidis, simul & scopulosa refedit  
 Insula, & è medio uix cernitur Olbia saxo.

Inde

Inde legit pontum læua, longoq; subintrans  
Aequora circuitu, quibus est elata sub auras  
Nicea, & Herculeo placuit considerare portu,  
Visa fuit nautis cum protinus utraque tellus  
Aequoreos linquens portus, castrumq; Monæci  
Italiam tenuit, Ligurumq; ad littora fertur.  
Hic Albiminii leua terrasq; fretumq;,  
Atque Albingaunum fugit, & Naulentia saxa.  
Sabatios donec portus clarasq; Sauona  
Conspiceret sedes, & odora rosaria, Cæsar.  
Huc ubi delatus, passim iuuenumq; senumq;,  
Obuia turba ruit, simul & gratantur eunti.  
Sacra salutiferi fuerant mysteria Christi  
Corporis, assiduo ritu renouata quotannis.  
Miratur Cæsar plausus, matrumq; patrumq;,  
Miratur cultum, solennesq; ordine pompas,  
Et quos rura dabant uernantes roscida flores:  
Miratur molem, delubraq; ditia diuum,  
Siue piæ matris templum uenerabile spectat  
Aequoris ad littus Mariæ, seu templa subintrat  
Cordigeri patris donis repleta superbis;  
Quæ pia magnanimi ciues, quæ regia Sixtus,  
Atque nepos Sixti patriæ donarat Iulus.  
Turrigerasq; domos, cellam miratur & arcem

Ardua

DE BELLO SICAMBRICO

Ardua coëtilibus quæ surgit in aera muris .  
 Postubi puniceo rutilans se se extulit ortu ,  
 Et Dea Luciferum protrusit lutea Solem ,  
 Mox legít audaces Ligures , Genuam citus intrat .  
 Quæq; per oppositas puppis uaga ducitur undas ,  
 Hinc uiolæ , hinc tyrsi molles , hinc rosmaris , inde  
 Lilia per ripas redolent uernantia , & illinc  
 Flos hiat Oebalius , crocus , & Caphisia proles ,  
 Et rosa , tum laurus , tum nardi mollis aristæ ;  
 Vincebant biferi quæ cuncta rosaria Pesti .  
 Vix Genuam Ligurum Cæsar peruenerat urbem  
 Remigio celeri , portusq; intrarat apertos ,  
 Cum fera sulphureas subito tormenta fauillas  
 Raucifonis agerent cœlum terrentia bombis :  
 Tunc superum furua latuit caligine sedes ,  
 Et Deus ignifero uix quisquam sistere in axe est  
 Ausus ; & è solita uariarunt sidera luce .  
 Tot surgunt nebulae , tantusq; ad sidera fumus  
 Erigitur , iactu combusti pulueris acri .  
 Inde per æquoream turmalis buccina classẽ  
 Littora uoce replens cantu resonauit amœno .  
 Ast alia populus pariter corybantia dextra  
 Cymbala pulsabant docta , terraq; mariq; ,  
 Dulcisonasq; tubas , intortaq; cornua linguis .

Concinno

Concinno terras pelagi gens humida cantu  
Dum Ligurum sentit resonare per aera, ponto  
Exilit, & freti sonitus dulcedine pisces  
Fluctigenæ, salso salientes æquore, raucum  
Carpebant littus, cumulosq; madentis arenæ.  
Præterea uolucres, nulloq; obstante tumultu,  
Montiuagæ uenere feræ plaudente tubarum  
Murmure, fluctiuagos inter piscesq; ferasq;  
Numina cæruleo sub utroque iacentia ponto.  
Cernere erat curuo squamosos littore pisces  
Admistis saluisse feris, pictasq; uolucres  
Decurrisse salo, pariter noua gaudia dantes.  
Ipsæ etiam solidæ cautes, ipsiq; uidentur  
Vertice festiuo motu colludere montes,  
Signaq; lætitiæ dare persona littora circum.  
Hæc ubi uidisset Cæsar de nauibus altis,  
Desilit in terram quæ Melphi in Principis ædes  
Itur, Cæsareæ summus qui classis habenas  
Dirigit, æquoreis alter Neptūnus in undis.  
Inde triumphales ramis frondentibus arcus  
Cernere erat, passim flores, & olentia ferta,  
Quæ pelagi nymp hæ simul extruxere profundi.  
Hinc in magnificas ingressus Principis ædes  
Cæsar, magnanimum heroum comitante corona,

G Aurea

Aurea textilibus miratur stamina filis ,  
 Flandrica conspicuisq; aula intexta figuris .  
 Quid Babilon uestes , aut quas Nilotica pinxit  
 Memphis acu, quidue Elis ebur, quid Hiberia gēmas  
 lactet, & cois ortum de fontibus aurum .  
 Alsirius fulget spatiosa tapetibus inde  
 Porticus, aurata penitus testudine lucens ,  
 Cernit ubi aerias nymphas , & matris aquosæ  
 Numina, Romuleos proceres, trabeataq; sceptri  
 Agmina Cæsarei, Liguresq; ex ordine pictos ,  
 Et ueterum cæras , arisq; auriq; figuras ,  
 Quæ nec Phidiaca dextra, nec ab arte Myronis ,  
 Nec Polycletea cupiant habuisse uigorem .  
 Germanæ hinc coeunt acies , hinc Itala pubes ,  
 Belliger hinc alia crudelia funera Mauors  
 Excitat, & Turcas infestat morte nefandos .  
 Hinc uidet egregias ad sidera summa columnas ,  
 Quæ fulcire queant labentis culmina cœli ;  
 Amphitryoniadæ magnoq; Atlante remisso .  
 Aspicit ex alia Genuæ candentia saxis  
 Mœnia, & in cœlum celsas ascendere turres .  
 Oedipodionias taceat modo fabula Thebas ,  
 Et simul Iliacæ taceat modo conditor urbis ,  
 Seu fuit æquoreus pater, aut citharædus Apollo .

Hæc



Hæc decus omne tibi rapuit, cariota uetustas ,  
 Vrbs, & inexhaustæ septenæ nomina famæ.  
 Dura in rupe sedens spernit tormenta ; minasq;  
 Martis, & hostiles prohibet de littore puppes .  
 Quis, precor, hanc tãtam murorum attollere molem  
 In cœlum posset ? qualem uix ausa fuisset  
 Pæce fruens clauso Romana potentia Iano .  
 Mœnia non Babilon rapidis pulsata quadrigis  
 Conferat, aut uasti molem Rhodos alta colossi,  
 Non Mausolei cœlamina magna sepulcri  
 Caria, Pyramides iactet non ipsa Canopus .  
 Hæc non cœtilibus, quales Babilonica quondam  
 Vrbs habuit, muris, sed duro marmore, & altis  
 Saxorum aggeribus tollit pinnacula in auras ,  
 Adq; maris furias duplici munimine cincta ,  
 Tutam agit expulso Martis discrimine pacem .  
 Hæc sunt quæ Genuæ præconia soluimus urbi :  
 Alcides, superant tua sed modo facta : nec ausim  
 Complecti decus omne tuum . nam copia rerum  
 Ferret in immensum, nec haberent carmina finem .

LIBRI SECVNDI FINIS.

HIERONYMI FALETI  
DE BELLO SICAMBRICO  
LIBER TERTIVS,  
AD HERCVLEM ESTENSEM,  
FERRARIENSIVM PRINCEPEM IIII.  
ET CARNVTVM I.

AESAR ut aspexit plausus, utq; ardua fastu  
C Mœnia regali miratus; conuocat omnes  
Heroas, rebus statuens occurrere lapsis.  
Ecce nouum decus Hesperia, noua gloria terris  
Daualus, & post hunc Nereo par, Marte secundus  
Auria: tum bello fortis Gonzaghius heros  
Accessit, trutina Siculos dum rexerat æqua:  
Inde Columnensis Stephanus uenit, atque Camillus;  
Ambo militia insignes, amboq; potentes.  
Dux aderat Camerina tuus Farnesius, alter  
Et frater rosei decoratus honore galeri.  
Vndique legati properant ab utraque remoti  
Parte poli, quos Sena ferax, quos libera Luca,  
Pertinopes regnum triplex, quos urbis aquosa  
Emisere patres summi, Syllanaq; Thusco  
Vrbs celebrata solo, patria & cantata Maroni,  
Et Phaetontæi Ferraria præpete cursu  
Cincta Padi: queis Roma suos atque Insuber addit.  
Parte

Parte alia Morinusq; ferox, fortesq; Brabanti,  
Et Batauis felix, diuesq; Britannia uasto  
Interclusa mari, nostris & disita terris.  
Pars cumulat laudes, metuens pars altera, Belgis  
Pro miseris hortantur eat. sic clausa cruento  
Milite reclusas poterunt iam pandere portas  
Oppida, ab hostili iamq; obsidione resolui.  
Has inter uoces lacrymosior aduolat alter  
Nuncius, armatos Cliuos, & castra moueri  
Gelrhica, deletas acies, prostrata canebat  
Agmina, Dilatatos sedari cadibus agros.  
Ex alia armigeros Gallos nunc tendere, cursum  
In Morinos; & nunc hostes descendere ad oras  
Lucemburgeneses, Phrisios quoque nauibus amplis  
Surgere siluicolas, & Danos bella parantes  
Rege nouo, Batauis nec iam reuocabile damnum.  
His motus Caesar, Ticinas tendit ad arces;  
Porciferam linquens, scissis qui spumifer undis  
In mare præcipitat prosternens obuia cursu:  
Aruaq; Dertonæ, rauco quâ perstrepat ore  
Scriuia, qui canibus, ceruoq; fugacior ibat.  
Ingrediturq; Padum, grauidis qui perfluit undis,  
Ordine confusus, flauaq; insperius arena.  
Protinus oppositas miles traiectus in oras

Exhaurit

Exhaurit liquido lymphas è flumine : dulci  
Oblectata thymo credas examina ; Reges  
Mellea castra mouent ubi tempore ueris in Hybla.  
Hinc ubi digreditur , Ticini Cæsar ad amnem  
Illico tunc Papiæ fines urbemq; subintrat.  
Ne differret iter , turbatis undique rebus ,  
Puluerulenta petit prædiuitis arua Cremonæ.  
Maximus Antistes Bussetti accesserat arcem  
Paulus : quò Cæsar gressus direxit, ut una  
Consulerent rebus totum turbantibus orbem.  
Huc ubi peruenit , pedibus dedit oscula sacris  
Carolus , amplexus fiunt, & uterque resedit  
Sedibus: hinc tacito tandem sermone fruuntur.  
Sancte parens, tum Cæsar ait, quo sospite, Christi  
Posse fidem lædi nunquam, neque regna potentis  
Europæ credam, inuisos tot passa tyrannos ;  
Aspice , quæso , pater , quàm fors inopina cruentum  
Ostentet bellum, quanta mihi mole latentes  
Insidias, quantisq; nouis insultibus audet  
Gallus atrox . iterum surrexit Gelrhia, tantum  
Ausu nefas, sociasq; adiunxit Iulia dextras ,  
Vnanimiq; meos populantur fœdere campos .  
Nunc duros Morinum casus, nunc prælia, cædes ,  
Nunc fera Turcarum memorabat facta tyranni .

Da

Da, precor, auxilium miseris. pro nomine tanti  
 Exiguæ imperii vires: opulenta merenti  
 Sunt tibi regna pater, tibi gens non territa Marte.  
 Utq; nihil metuat Turcas mea dextra profanos,  
 Hoc prohibeto nefas, his nunc minitantibus obsta:  
 Sin secus, imperium non æquis uiribus omne  
 Succumbat, metuo, Romani nominis hosti.  
 Hæc ubi dicta dedit; monitis exterritus infit  
 Sic pater. (ah uoci uix ah laxata remisit  
 Fræna dolor) Quæ bella refers, quas maxime clades?  
 Talibus insidiis ante fortuna tuosq;  
 Insequitur? sanctæ uiolarunt fœdera pacis  
 Gallus atrox, Danus, Iulus, Gotus, atque Sicæber?  
 Non ego nunc acies tradam, quas Martius optas.  
 Pontifici nullos contra meditarier arma  
 Hic licet, aduersus Christi nisi nominis hostes.  
 Ne frustra uideare tamen petiisse; nepotem  
 Hunc, generumq; tuum damus inuictissime Cæsar.  
 Assuescat, graue Martis opus, fera bella magistro  
 Militiamq; pati sub te, tua cernere facta.  
 At tu macæ nepos cunctis audentior ibis.  
 Turpe latens uirtus: quid enim submersa tenebris  
 Proderit obscuris, nisi toto luceat orbe?  
 Talibus, atque aliis longas sermonibus horas

Inter

Inter se triduó Paulus, Cæsarq; trahebant.  
 Illico contendit Parniam sanctissimæ urbem:  
 Carolus extensis signis petit alta Cremonæ  
 Mœnia, cœlicolâs prius in sua uota precatûs.  
 Vndiquê tum fremuit Latium, uarioq; repletur  
 Murmure, & incipiunt ardenti Marte cieri  
 Agmina, ductores peditumq; equitumq; leguntur,  
 Quisque suas acies iam colligit impiger, atque  
 Cura subit multas hinc illinc iungere gentes.  
 Ecce Columnensis iurata in bella Camillus,  
 Auria confurgit Ligurumq; Antonius armis.  
 Insuper Estensi genitus de sanguine, mille  
 Armigeros ducebat equos Franciscus in hostem.  
 Ibat & æratis centum Mediceius heros  
 Tormentis, alter dira Vulcanus in arte.  
 Innumera coiere manus, quos Addua gignit,  
 Eridantus, quos Varus atrox, Tybrisq; superbus,  
 Qui lymphas Ticine tuas placidissime potant  
 Venere, assueti nudo pugnare sub axe.  
 Hic pedes ire parat, quorum pars maxima plumbi  
 Igniferas gestat glandes, & in æra torquet.  
 Cetera pars clypeos & pilâ oblonga gerebant,  
 Puluerulenta furit ualido pars ardua dorso,  
 Quadrupedem uexans ferrato calce ferocem.

Iam

Iam multis comitatus erat uallata Cremonæ  
Belliger egressus turritæ mœnia Cæsar :  
Vndantis iamq; ora Padi, iam liquerat urbes :  
Iamq; ipsi Proceres, iam bello lecta iuuentus  
Ibat, & in campos ardens tendebat apertos,  
Quà Tridentinas facilis uia ducit ad alpes,  
Et quà raucus agit prærupta mole strepentes  
Oenus aquas, refluens sectæ per uiscera rupis,  
Quà pons arte patens uasto se se erigit arcu.  
Inde uiam rapiunt, quà Campidonia ducit  
Memingam uetus, & pulchram quà fertur ad Vlmâ:  
Inclyta quaq; suos ostentat Spira penates.  
Fama per extremas Gelrhorum spargitur urbes,  
Nubiferas alpes, & saxa hærentia cœlo  
Transiliisse acies Latias, peditesq; equitesq; ,  
Germanos ultra fines, urbemq; Nemetum.  
Tunc placita Gelrhi pro libertate, periclis  
Expositi uariis, elataq; corda gerentes  
Arma manu rapiunt, prompti noua tela resumunt.  
Carolus interea gentes hinc inde remotas  
Colligit, excurrit tumidus quà rupibus altis  
Neccharus, & quos Licus alit, quosq; Isara, Mœnis,  
Danubiusq; ingens ambit, quos Fulda, Visurgis,  
Quos Sala, quos agitat sinuosis flexibus Cenus,

H Et

Et quos spumantis ditat ripa herbida Rheni.  
 Haud aliter fertur Xerxem toto orbe remotos  
 Collegisse uiros : tumidos exercitus amnes  
 Dum biberet , lucem densaq; absconderet umbra  
 Telorum , & solita priuaret lampade terras .  
 Germanos ubi iam pedites equitesq; coegit  
 Carolus , inde parat discedere ab urbe Nemetum  
 Protinus , & campo bellum committere aperto .  
 Nec mora , prælustris tetigit turrita Magunti  
 Mœnia , & undisoni torrentia flumina Rheni .  
 Ad loca perueniens rapidis ubi confluit undis  
 Et Mosa , quæ fluxus signauit nomine terras .  
 Hinc Bonnæ acciuit Cæsar peditemq; equitemq; ,  
 Iussit & armatis extendere signa manipulis .  
 Sic ut prolata fremuit fera buccina uoce ,  
 Collecti coeunt omnes , mens omnibus una .  
 Qualiter Oceani Nereus cum stagna profundî  
 Excitat , ex imis gratæ Nereides antris  
 Conueniunt omnes , nec non excita cauernis  
 Squamea turba ruit . correptis undique telis  
 Certatim accelerant Latius , Germanus , Hiberus .  
 Martia quadrupedum reliquo dum turba coisset  
 Milite , & in circulum gestarent signa manipuli ,  
 Carolus in medio cœtu sic belliger infit .

Quando



Quando ita Iuliacos Gelrhosq; infana libido  
 Ceperit, infando nostros inuadere campos  
 Impete, diuorumq; audent spoliare penates,  
 Crimine pro tanto, fontes modo pendere pœnas  
 Est animus, pacemq; dare infelicibus aruis.  
 Nunc tempus, uos esse uiros: sua præmia cuique  
 Digna dabo, uelstrum nec erit sine munere quisquã.  
 Sic ubi fatus erat, peditum iubet agmine certo  
 Ordine disponi, atque equites præmittier acres.  
 His ita collectis, motis circum undique signis  
 Ad Iulos conuertit iter. perterrita tanto  
 Marte iubet populos ex omni Iulia parte  
 Arma manu capere, atque adoriri fortiter hostem.  
 Iamq; in Durenſes deduxerat agmina campos  
 Carolus: en uigiles peruenit rumor ad aures  
 Horribilis: sentit strepitus Gonzaga latentes,  
 Emisitq; equitum subito leue prouidus agmen,  
 Et siluæ tacitas explorant undique fauces.  
 Prôtinus accurrit miles, uolat æmula uirtus  
 Itala, & ante alios incurſibus erigit alas.  
 At Gelrhi ſimulare fugam, ſe & claudere luco  
 Addubitant, penitusq; datis ſecluntur habenis.  
 Silua erat hæc late ſpinofis obſita dumis.  
 Rara per annexos adeuntes ſemita ramos

Inducit primò ingressu : nêmoris tamen altæ  
 In medio latitant ædes, tutiq; receptus.  
 Hic prior ante omnes stimulis Vbertus anhelum  
 Quadrupedē contorquet eques moriturus in hostē,  
 Impete præcipiti crudelia funera miscens.  
 Ast Gelrhi exurgunt latebris, atque omnis in unum  
 Exoritur numerus, telisq; sequacibus instant.  
 Ille autem impavidus bellator colligit iram,  
 Ut setosus aper, canibus si pressus iniquis  
 Obstat, & horribiles opponit fortiter armos:  
 Horrendo nunc ore ruens, nunc dente minaci,  
 Ne premat obuersum iaculis, aut retibus hostis:  
 Haud aliter stimulis Gelrhorum impulsus in orbem  
 Solus eques fremit, & rabidas exaggerat iras.  
 Ast illi instantes letalis robore plumbi  
 Perfodjunt: ardens agit in præcordia pondus.  
 Hinc corpus socii tristes exangue ferentes  
 Imposuere leui curru, capulumq; tenebant  
 Certatim; mortemq; ait, hanc patiemur inultam,  
 Estensis ductor, tradens pia corda dolori?  
 Non secus, ut stabuli teneram leo forte iuuenecam  
 Cum decus eripuit, sæcundaq; pectora fodit,  
 Pastores lugent crimen raptoris iniqui.  
 Iam ferus ante uolans leuibus præcellerat omne

Agmen equis Estensis, iter celerarat ad urbem,  
Sed postquam Gelrhi summis è mœnibus hostem  
Aspexere trucem, se se committere campo  
Decernunt, ausi in primos insurgere ferro:  
Cumq; intra saxi iactum progressus uterque  
Hostis erat, Iuli, Duram, pariterq; Sicambri  
Turbati fugiunt, & equos ad mœnia flectunt:  
Clamorem extollunt Latii, Gelrhosq; sequuntur  
Compositi in turmas, numerusq; ardescit equorum  
Huc obuersus & huc, hostemq; ad mœnia uertit.  
Iamq; propinquabat muris, uictorq; secabat  
Alipedum ductor, peditumq; exercitus omnis  
Rectum iter ad Duram, nihil hic ter maximus errat  
Carolus, adductis turnis se cogit in unam  
Planitiem, ut trepido iam se se ostenderet hosti.  
At fera Durense fluxerunt signa per agros  
Cæsaris, utq; uirum frémitusq; exarsit equorum,  
Obiiciunt Gelrhi portas, in mœnibus hostem  
Expectare parant ipsis, oculisq; sequuntur  
Puluerem nubem: crebro tamen aggere muros  
Circundant, uallis & propugnacula cingunt,  
Fortia cælatis iungentes robora portis.  
Non armis urbem Cæsar, nec Marte reposcit,  
Sed monitis tentat uariis si flectere posset.

Instruit

Instruit his igitur legatum, prouida uirtus  
 Cui fuerat, claudens mandata accepta libello.  
 Quodd scelere infando, furiisq; agitata malignis  
 Gelrhia ab antiquo nimis ambitiosa Brabantum  
 Defecit scepro, nec adhuc satiata ruinis  
 Oppressit Batauos, queis nec reuocabile damnum:  
 Haud ullus uestrum ciues ignorat, ut arsa  
 Nunc testantur adhuc ædes, delubraq; diuum  
 Diruta, tum uidua, matres, pueriq;, senesq;.  
 Quod uero meritas in idonea tempora pœnas  
 Distulerim, Gelrhi nostram cognoscite mentem.  
 Iam uos excipiam gremio pietate paterna,  
 Quando animus uobis fuerit discedere ab armis,  
 Et simul Austriaco ueteri uos reddere scepro.  
 Est satius tandem Romano cedere Regi,  
 Quàm fera bella pati, & longo consumere bello  
 Tot populos, ut bes dubio sub Marte caducas.  
 Quàm Cæsar tum mitis eras? dic Cyte rogabas  
 Sic Tomyrim? Cyrum Cræse, & tu Græcia Troes?  
 India tu Bacchum? Tyrios tu Roma rebelles?  
 Res Gelrho repetita truci, uiolentia cunctis  
 It noua, & accensus serpens in uiscera motus  
 Protinus inflatur, nouus & furor aggerat iras,  
 Bellerophontæo flagrantior igne, profundis  
 Fluctibus

Fluctibus Herculeis, rapidis corruptior Euris.  
 Immanes Gelrhi, quæ cunctos ira uocabat,  
 Infremuere minis in Belgas acribus omnes:  
 Qualiter ære cauo dum sulphura uescitur aer  
 Inclusus furit, inde simul uis ignea sensim  
 Arreptura fugam penetrans agit impete sauo,  
 Materiam subito cœlum protrudit in altum.  
 Haud secus in Belgam accensi meliora monentem  
 Excludunt plateis, atque extra mœnia pellunt.  
 Hac super aduersis Durenſes rebus agebant  
 Intrepidi: & circum metatis undique castris  
 Carolus, hac atque hac circundabat agmine muros,  
 Acrius exquirens clauſos qua parte rebelles  
 Expellat muris Gelrhos, aditumq; capeſſat:  
 Non ſecus ut pecori lupus inſidiatus opimo  
 Sæuit in inſuſos, prædæ inſatiabilis, agnos,  
 Quem longo rabies furioſa fatigat edendi.  
 • Hic ubi ſigna uigil Cæſar tellure locauit,  
 Surgit in arma furor ſubitus, præſaga futuræ  
 Mens agit prædæ cunctos: accincta iuuentus  
 Moliri iam cuncta parat: pars uellit ab udo  
 Gramine tellurem, nec non componit in auras:  
 Pars ſudibus crebris uallos furcasq; bicornes  
 Exacuunt, denſo & compagem uimine texunt,

Vt

Vt cum clausa leui fuerit munimine tellus,  
Arctet humum stricta robur compage locatam;  
Altera pars quercus suspenso fortior ictu  
Præscindunt, nudisq; euoluunt ligna lacertis.  
Vndique procumbunt nemora, & uibrata securi  
Populus hic nutat bicolor, spoliantur & Alni  
Crinibus, atque suo spoliantur robore siluæ.

TERTII LIBRI FINIS.

HIERONYMI FALETI  
DE BELLO SICAMBRICO  
LIBER QVARTVS,  
AD HERCVLEM ESTENSEM,  
FERRARIENSIVM PRINCIPEM IIII.  
ET CARNVTVM I.

AMQVE nigrescenti nox percurrerat o-  
lym-  
Inuoluens alis fuscis terramq; polumq;  
Auriuagum mutæ uoces pecudumq; manebant,  
Suadebantq; dolos tenebræ, tunc clara repente  
Cæsaris audentes uirtus animatur in astus:  
Quare iterum coeunt acies, rapit agmina ductor:  
Gonzaga, & totum circundedit agmine fossas:  
Dum sic hostiles aditus inimica pererrat  
Mœnia, quadrupedum fremitu, clangore tubarum,  
Figite turris fragas tormenta rotantia glâdes,  
Ductor ait, ramis fossasq; implete relectis.  
Ergo parent se se cuncti, Vulcania tela,  
Tela, globos, capiat quisquis sulphurq; nitrumq;  
Intrusum impellat plumbum simul obijce rupto  
Haud mora, quenque suū munus trahit, ordine pul-  
Arte ducis prôpta stant omnes: lancea dextris  
Erigitur, stat frena ferox humentia mandens  
I Ante

Ante alios sonipes, stat raptis ordine miles  
 Fascibus, & pugnae non iam discrimina suffert.  
 Hic fossas implere parat, mora nulla, per auras  
 Tunc ausa dare signa tubae, clamorq; uirorum  
 Tollitur, unanimes & fossas undique cingunt:  
 Viminibusq; ruunt sectis, atque aggere complent.  
 Nec satis hoc. urgent alii tormenta, reuoluunt,  
 Constituuntq; locis, ubi durae moenia possint  
 Digressu in praecipit citius. sic munera mille,  
 Mille artes addunt cuncti studiumq; frequentant.  
 Qualiter, eruptis cum ferrea tela caminis  
 Vulcano stridente trahunt, uersantq; coquuntq;  
 Aerisq; massam Cyclopes, & arte coercent.  
 Nec tela interea cessant, immanis ab aere  
 It globus, & rauco conscendit ad aethera bombo,  
 Extremasq; fragor nubes irumpit olympi.  
 Vix deteresa dies caelo, dimouerat umbras  
 Rorificas alto Dea lutea, forte manebat  
 Altera pars noctis tarde labentibus astris.  
 Undique circundant muros, flammisq; coruscant,  
 Excubitisq; premunt inclusum mœnibus hostem.  
 Cetera pars campo sternunt sua corpora, lauto  
 Indulgentq; cibo. Gelrhi discrimine tanto  
 Nec dapibus releuant se se, nec languida molli  
 Corpora



Corpora dant fomno, tenebrosa noctis in umbra.  
 Sed miseri sua fata gemunt, quod cuique tuen dū est.  
 Attamen obsessam legio sortita per urbem  
 Excubat, alternatq; uices, excercet, & instat.  
 Postera nocturnas ut primum liquerat umbras  
 Orta dies, lucemq; efflarant naribus altis.  
 Et Phlegon igniferus, Pyrousq; , Eous, & Aethon,  
 Protinus armari socias Gonzaga phalanges,  
 Ac petere instructo iubet omni milite Duram.  
 It tuba præceprix Latiis, it buccina Iberis.  
 Anticipat uirtus cunctos, ac denique iussi  
 Armantur pariter telis, & stipite dextras,  
 Ense latus, duroq; latet sub tegmine pectus;  
 Fulgenti galea caput; atque in pectora surgunt  
 Quadrupedes suspensa truces, stratumq; relinquunt:  
 Nec mora cornipedum, peditumq; exercitus æquas  
 Scinditur in partes iusti libraminis instar.  
 Diuidit ergo suas acies Gonzaga coruscas.  
 Nam quā lapsus agit placido sub murmure lymphas  
 Rura suas, per utrosque caua compagis hiatus:  
 Effertus oppositas uires Germanus in unum  
 Colligit, à læua generosi Principis agmen  
 In solitos agitur cuneos, quo Principe spirat  
 Gloria Belgarum sedis, noua gloria sceptri

Diliaci; quem tota suis obnoxia fatiſ  
 Celſibica caſtra pauent, & in æthera Belgica tollunt,  
 Pars medium ſortita locum, coit omnis in arma  
 Arma uigil, quorum ſemper fuit ardua bello  
 Atque infraſta uirum uirtus, hæc Itala pubes  
 Itala erat, ſed fortis Iber ſe iunxerat illi,  
 Ambo pares animis, æquale in prælia fulmen,  
 Aequalis uirtutis amor: ſic agmine trino  
 Conſulitur bello; peditem cataſtracta ſequuntur  
 Agmina cornipedum duo his diuiſa per arcus.  
 Vt primum totis digeſſit cornua caſtris,  
 Caſſarianus eques, digeſſit cornua campo;  
 Armatura leuis celeres poſt ſparſa cohortes  
 Tota per anfractus quâ ſe ſerus hostis agēbat.  
 Huc ubi peruentum eſt, ſubito Mediceius heros  
 Corripit ærium tormenta æquantiâ fulmen,  
 Inuentum Vulcane tuum, dum ſidera terres;  
 Sidera conuexæ ſedis, dum tela Tonantis  
 Tela ferox præbes homini, dum Teutonas armas.  
 Nec mora nigrantem ſâlicum cineremq; nitrumq;,  
 Et ſimul ignitum uolucti præmit obice ſulphur.  
 Pulucream accendit maſſam dum ſeruidus ardor,  
 Ardor in intorto ſeruatus fune, furit uis  
 Ignea, continuo correpto fomite rupto  
 Obiiceq;

Obiiceq; impellit chalybem, uolat ille per auras  
Stridulus, inuoluens iniectæ lampadis ignes  
Cum tonitru, nutat murus quo saxeus ictu,  
Mœnibus & nutant turres, è turribus altis  
Summus apex casum muri cum parte minatur.  
Quo percussa suis resonarunt flumina ripis,  
Flumina Rhenigerum iuxta latus, aruaq; & urbes;  
Quo pecus in siluas densas passimq; per altos  
Se recipit montes, & quo per strata iacebant  
Deiectæ passim uolucres passimq; iuuenti.  
Vndique tunc nubes oculis, non ciuibus hostem.  
Hostibus haud ciues putri sub nube sepultos  
Internosse datum: talem Vulcania tellus  
Dat gemitum, atque oculos ignito sulphure claudit,  
Ignea terribili Siculæ dum Lemnius Aetnæ  
Ora ferox laxat sonitu, nec segnior ullo  
Tempore, dum Chalybes opera ad fabrilia nigros  
Excitat, & Brontem; Steropemq; sub incude mollit;  
Antra Aetnea gemunt fumantibus arida saxis,  
Et Lypare, & Lemnos fornacibus omnis athelat.  
Sentit ubi horribiles ictus confusa tumultu  
Dura fremit trepido, sua quisque pericula deflens.  
Non minus ut siluis latratu cerua repente  
Acta canum in restes sinuosas undique uires

Cum

Cum iam consumpsit longo perterrita cursu,  
 Haud dubiam expectat mortem circū undique septa.  
 Vix fera sublimes murorum machina pinnas  
 Verterat, aligeris uix aut uix unda palustris  
 Promittebat iter. rapiunt subito arma, uocales  
 Non expectantes lituos, sonitusq; tubarum,  
 Hispani & Latii, clypeis testudine facta  
 Sed scandunt aditus, atque ipsis mœnibus instant.  
 Turris erat propter fossas excelsa, Sicambro  
 Opportuna. cauam totis hanc uiribus ardent  
 Expugnare hostes, totaq; euertere opum ui.  
 Desuper alt contra Gelrhi defendere saxis  
 Instantes urgent, & sparso fulmine massæ,  
 Et plumbi nimbo. Latiis pars, altera Iberis  
 Flagrantes immergit aquas, & saxa reuoluunt.  
 Ferrum alii librant, & obumbrant æthera telis.  
 Incussasq; trabes alii, pars uincula collo  
 Stupea deiiciunt; hostem turriq; repulsant.  
 Undique sub medio pugnatur tramite muri.  
 Hinc ripæ Latio tinguntur sanguine fuso,  
 Sparsaq; per fossas uoluuntur membra rubentes,  
 Deiectas muris dextras cæsasq; resumunt.  
 Quin ne dum pugnae Cæsar spectator atrocis  
 Extiterat, non ipse malis non ipse periclis

Abfuit,

Abfuit, incolumes iam nunc in prælia, iam nunc  
Vulnere confoffos trifti folatur, & albis  
Linteolis tergi miferorum uulnera curat  
Vt pater, ut medicus: Vefalio & astitit ufque,  
Insigni medico. tali nunquam arte Machaon  
Floruit, aut tantis micuit Podalirius herbis.  
Has mihi Calliope ftrages, hæc funera, & arma,  
Nominaq; ipfa ducum, clarosq; referte triumphos.  
Dicite uos quot capta uiros ad mœnia duxit  
Auria, & Eftenfis decus admirabile gentis  
Francifcus; quot uexit & ipfe Columna Camillus.  
Singula complecti cuperem: me tantus obumbrat  
Geflorum at numerus, rerū utq; fequentibus undis  
Qbruor, & tantis infaufte Marte ruinis.  
Iamq; inclinarant Latii, fociosq; fuperftes  
Quærebat iam turba fuos, cum protinus omnes  
Theffalico fublimis equo Gonzaga labantes  
Inftruit, hortatur, iubet, & monet, increpat omnes.  
An ne pudet cœpti? tali ne implere paramus  
Hefperiam fama? tales ne referre triumphos?  
Nunc partas oftentat opes, nunc gratus honores  
Spondet Cæfareos. at contra Oenotria pubes  
Non ullas uoces ducis aut præcepta requirens  
Incipiunt rurfus premere, atque incumbere falis;  
Vt

Vt torrens , ut tempestas , ut nubila : sæuas  
Non undas , non præcipites telluris hiatus  
Horrescens : peditum quin & sibi quisque uidetur  
Dux aliis : tanti est bellandi innata cupido .  
Dum muris pugnant Gelrhi , uiresq; resumunt :  
Irrumpunt aditus hostes . ita fictilis hosce  
Murus in ingressus celeres diffibulat urbem .  
Forte insidebat uallo fortissimus inter  
Gelrhorum acies Paulus Bruschiuſ , omnis  
Cui data cura fuit belli : nam limite primo  
Restantem hunc sternunt Latii , ualloq; cateruas  
Expellunt . hoc impulsu duce tota perempto  
Non se turba regit , fit debilis impete tanto  
Virtus , arma uirum nec quicquam posse uidentur .  
Non secus effractis ut cum moderator habenis  
Deciderit , turbantur equi , nulloq; magistro  
Præcipitant , cæso duce sic uestigia tristes  
Vllo incerta tenent fugientes ordine Gelrhi ,  
Vt primum erupit Latiis exercitus armis ,  
Disc urrunt subito ad portas primosq; trucidant ,  
Et lata ultrici ferro est uia facta per hostes .  
Cernere erat mento hūc , lingua illum & nare recisis ,  
Hunc læua , hūc humeris nutantibus , aure reuulsa  
Nitentes manibus alios euadere ab hoste . (hunc  
Funibus

Funibus apprenfos alios, & compede uinctos;  
 Hostili postquam saturati sanguine Iberi,  
 Fæmineo rapiunt auidi de corpore uestes.  
 Egeritur præda laribusq; patentibus ampla.  
 Undique fit gemitus; matres, uiduæq; puellæ,  
 Crinibus exululant sparsis, exterrita tanto  
 Corda uirum pulsant luctu, lacrymasq; resorbent.  
 Nec contentus eo miles sed Ibericus ignem,  
 Horrendum uisu, miscefferus undique rectis.  
 Infelix tellus quantas modo passa ruinas.  
 Quis Duræ duros casus, tamq; aspera fata  
 Temperet euoluens lacrymis? uix barbarus ipse  
 Cessaret gemitu, ac lacrymari nescius hostis.  
 Hunc oriens spectans Titan, cum surgeret, ignem,  
 Restinxit radios, et cæca condidit umbra.  
 Quin ne dum Cæsar deplorans talia, mœsto  
 Aspectu sistens errantia lumina, Iberum  
 Castra mouet, trepidos uertit quoque ad agmina  
 Ast illi rerum ancipites sub lumine noctis (Iulos.  
 Effugiunt, miseris senibus tantum urbe relictis.  
 Inde humilis senio confectus se obtulit ori  
 Cæsaris, atque urbem populumq; aduota paratum;  
 Optatam & supplex pacem implorauit Iulis,  
 Supplicio fassus dignos, odioq; perenni;

κ Tum

Tum demum aurato clauēs craterē potentis  
 Iuliacum sceptri linquens pater ille repositas,  
 Lætitiā oppletus magnā, diuertit Iulos.  
 Hinc Rurāmundā uictoria ferre sub urbem  
 Signa iubet Cæsar, fluuiō murisq; superbam.  
 Vix gelidis Ruræ uexilla uolantia ripis  
 Apparuerē, simulq; acies peditumq; equitumq;,  
 Cum tanto oppressi motu, tanto impete, ciues  
 Conueniunt, ultroq; hostes in mœnia ducunt.  
 Hæc ubi, Lunnichio legati ex urbe simulq;  
 Aldhenauenses, simul Herculana iuuentus,  
 Velati ramis olæ pacemq; rogantes  
 Venere, & Cluium populi uenere, Sicambrum  
 Zutphanii gentes, nullo expectante repulsam,  
 Huc omnes uenisse uolunt, scelerumq; priorum  
 Pœnitent, & fontes, iusti ueniamq; precantur.  
 Hos pius & clemens ad se inter regia duci  
 Tecta iubet, manibusq; datis placideq; recepit.  
 Illi alacres ueniamq; obtenti in pace sequestra,  
 Fortibus admixti Belgis impune per hostes  
 Errarunt Latios, per castra, per agmina Iberum.  
 Martius inde furor, non tempora longa moratus  
 Venlonam Cæsar conuertit castra sub altam,  
 Quam Mosa flexiuago cursu circumfluius ambit  
 Gelrhorum



Gelrhorum metas dum terminat atque Brabantum.  
Carolus augurio hoc lætus, Duræq; superbus  
Deiçtæ imperio, uacuam sibi postulat urbem  
Præsidio, laribus ciues ita spondet inultos;  
Sin secus, admotis scalis transcendere muros  
Est animus, stragem cunctis, ignemq; minatur.  
Hi tamen intenti bello, iam pace soluti,  
Ocyus armato ciues custode per urbem  
Incedunt, motus nullus, nil turbida læso  
Ordine tentauit nouitas, hinc Carolus ultro  
Consumptis monitis uiolentam transit in iram,  
Atque dari tum signa tubis iubet impiger, arma,  
Arma rapi, & ferro ruituram funditus urbem,  
Vix fera plumbatas eiecit machina glandes,  
Cum subito hostilis titubauit signifer arcis  
Gelrhicus; ancipites rerum non funera Duræ  
Obliti ciues, precibus lacrymisq; præcantur.  
Speratam uotis pacem, tutamq; salutem.  
Annuit his Cæsar, Iulo perdoctus ab illo,  
Parcere subiectis, & debellare superbos.  
At Venlonenses tam læto in tempore rerum,  
Omnia læticia mox impleuere. seueros  
Agricolæ tenuit si quando dirus & ingens  
Vndique suspensos resolutis imbribus auster,

Depressusq; diu taurus requieuit aratro :  
 Tunc si laxet equos spatiofo tramite Phœbus ,  
 Nimbo sum aurato cœlum splendore coruscans ,  
 Latiria exundant cuncti sub uomere agrestes .

Talia Cliuensum postquam male gesta Sicambrū  
 Nota fuere Duci , tam tristia fata uoluitans  
 Ille diu , curis animum stimulantibus ægris ,  
 Quid faceret , supplex adit in tentoria magnum  
 Granuelam , atque animi promittens omnia grati ,  
 Hæc ait : Afflictis quæso succurre Sicambris  
 Magne pater , dubias & res amplectere nostras :  
 Nq̃ alio auxilio nobis , alio ue fauore  
 Est opus , haud alium quæro nunc æger asylum :  
 Exiguunt hoc tibi erit , mentis qui Cæsaris altæ  
 Conscius existis , tantj quoque pondera gestas  
 Imperij uirtute tua : sic Herculis altum  
 Constitit auxilio cœlum , sic tota pependit  
 Machina , nec refugis titubauit Iuppiter astris .  
 Principis aspectu tanti Granuela parumper  
 Miratus , grato mox hunc sermone recepit .  
 Utq; humili sub uoce roget , prius edocet , ipsum  
 Induperatorem ueniam , pacemq; reposcat .  
 Ergo iubet Gelrhos subito arcta lege rebelles  
 Cedere ius proprium Belgis , Mariamq; potenti

Romano

Romano Regi genitam stabili sibi iunxit  
Connubio ; prudens hinc inde hæc omnia uoluens ,  
Componit , firmosq; animos , requiemq; Sicambris  
Spondet , & optatam uentura in sæcula pacem .  
Deinde suo Princeps magno comitatus Achate  
Cæsaris ante pedes se supplex strauit , acerbis  
Et sensim mœstus lacrymis manantibus infit .  
En ego seductus , quem nosti Cæsar , ut hostem  
Imperii , supplex uenio , miserere precantis :  
Hunc lætum concede diem , placidam annue mentē ,  
Pone iram , tu uictor abi : te poscimus omnes  
Obnixè pacem miseri : sat uulnera fusi  
Pertulimus , nostros sat desolauimus agros :  
Ne spernas Rex summe , precor , mea uota , animūq; :  
Annue diue meis æterna in fœdera dictis :  
Et iurata tibi pacata suscipe dextra .  
His dictis ; pietate scatens & amore , quieuit  
Cæsar , & hunc placidis surgens amplectitur ulnis .  
Interea monet ut memori iam pectore cuncta  
Percurrat , seruetq; sui mandata parentis :  
Atque ipsi merito iussit plaudente Philippo  
Solennes fieri pompas , & Regis honores :  
Hinc pax alma colet terras , populosq; Sicambrum  
Relligio , pietas , simul atque resurgere Cliuis ,  
Iustitiam

DE BELLO SICAMBRICO

Iustitiam cernens totus mirabitur orbis :  
 Fœdere percusso gladium uagina recondet .  
 Iam grata incipient populo succedere sæcla,  
 Sæcla immutatis procedent aurea rebus ,  
 Excipient populos omnes, Gelrhosq; reuersos ,  
 Imperio , optatæ reddant ut pacis honores .  
 Heu quàm præcipiti nutant mortalia cursu ,  
 Non homini quicquam firmum , successibus anceps  
 Heu fortuna labat dubiis ; stant sole sereno  
 Nubila , stant risu lacrymæ , stant toxica melle ;  
 Vlla suis nec inest fati constantia donis :  
 Hæc sunt ampla tui Cæsar ter maxime facta ,  
 Quæ audire horrebunt olim repetita Sicambri :  
 Hinc formidabunt omnes tua nomina gentes ,  
 Et tua prælongo reuifcet gloria sæclo .

QVARTI LIBRI FINIS.

## HIERONYMI FALETI

POEMATVM LIBER V.

AD HERCVLEM ESTENSEM,

FERRARIENSIVM PRINCIPEM IIII.

ET CARNVTVM I.

ELRHORVM scripsi pugnas, atque inclyta

G magni

Cæsaris, æternum quæ uiuent gesta per æuū.

Nunc te Diua canam. tu (dum mihi uita manebit)

MVSICA, sola meo semper celebrabere cantu,

Et tua mortali facta immortalia uoce

Libabo, custosq; tuis nouus inferar aris.

Et merito, tristes animos, ægrumq; laborem

Vnica tu releuas, diuumq; hominumq; uoluptas.

Qua sine nil iucundū animis neq; amabile quidquā.

Ad cuius numeros superi uertuntur, &amp; orbis,

At cælo radiant ignes, quibus emicat ingens

Signifer, &amp; leges, præscriptaq; tempora seruant.

Te Phœbus, Phœbiq; soror duce, &amp; aurea cæli

Astra suos agitant constanti fœdere motus:

Stantq; axes, quibus ipse ingens uersatur olympus,

Et certos elementa suos retinentia motus. tur,

Quidquid adest nobis, quodq; hic &amp; ubique moue-

Harmonicum

POEMATVM FALETI

Harmonicum est, prorsusq; nihil nisi Musica, cantu  
 Quum regis aera, aquas, terras, cœlumq; profundū.  
 Qua sine materies omnis cumulata iaceret.  
 Per te summa rudi discreta est machina acervo,  
 Quod dixere chaos: densis dum cuncta tenebris  
 Torperent, liquidum spisso cumq; æthere cœlum,  
 Cum cœlo tellus, terris maria alta iacerent;  
 Duraq; cum teneris certarent, mollia duris,  
 Humida cum siccis, calidis cum frigida, cumq;  
 Pondere depressis nullum uel habentia pondus.  
 Quæ numeris firmata tuis, sine lite quietem  
 Accipiunt, rerumq; uices, æternaq; fata.  
 Ipsa etenim tellus circumq; intraq; sonanti  
 Alluitur fluctu, uasto ac uelut insula ponto  
 Insurgit, mediis & stans se se explicat undis:  
 Et Triuiæ seruat rapidos per tempora cursus  
 Vndarum rex Oceanus, dum temperat æstus,  
 Alternatq; sequens fluctus mutabilis alueo.  
 Sic sparsas iungis partes, sic ordine certo  
 Perpetuoq; adamante ligas uno intertextu,  
 Errores Lunæ uarios, Solisq; labores,  
 Solis, qui æthereæ moderatur frena choreæ.  
 Corpora flammifero sub te dum lucida cœlo  
 Suspendit, currusq; iubet uersare per orbem,

Mille

Mille per immensum spargens miracula mundum.  
 Hinc omnes natura creat res, auget, alitq;  
 Ver fouet æternum flores, hinc mæsis in agris  
 Spicea flauescit, presso & uindemia Baccho.  
 Hinc & apes dulci distendunt nectare cellas.  
 Hinc Veneri sua iura uigent, & ab æthere natus  
 Dirigit incerta fatalia spicula dextra.  
 Inde uirum soboles, inde est fœcunda ferarum,  
 Bucula fert tergo taurum, lasciua maritum  
 Fert equa, cornigeros olidus grex accipit hircos,  
 Vberibus manat grauidis hinc lacteus humor,  
 Pullorūmq; piæ crescunt examina matri:  
 Et uariæ passim uolucres modulamina fundunt,  
 Eridano cygnus, uicinis Daulias umbris  
 Concinit ales Ityn, tignis uaga plorat hirundo,  
 Alcyone pelago, pinna uibrante cicadæ,  
 Osisfragæ, accipitres, mergi uidūmq; petentes  
 Fluctibus in salis, crocitant & gutture cornix.  
 Coruorumq; greges, solitos dicuntur ubi imbres  
 Poscere, & æoliis inclusos utribus euros.  
 Prouidāq; accipiunt uitas animantia, quando  
 Huc redeunt. sine te disuncto corpora nexu  
 Deficiunt, duræ & succrescunt nubila mortis,  
 Et te uita cadens intercedente irerurgit.

L Nanque

Nanque soporiferæ cedant seu membra quieti,  
 Seu uigilare iuuat, somnosq; expellere inertes,  
 Tu magnum replere iubes animantia mundum,  
 Aereas spargis uacuum per inane uolucres,  
 Et liquidas mutis fœcundas piscibus undas.  
 Ipsa tuo surgit crescens infantia cantu;  
 Augescitq; puer, plenis qui fortior annis  
 Vernantes tenui uestit lanugine malas:  
 Ac pede decurrit uolucris formosa iuuentus;  
 Immutatq; comam seclis effœta senectus:  
 Inde ruunt æuiq; uices, & tempus, & ætas,  
 Dum sua iura simul ponunt repetuntq; uicissim.  
 Omnia quæ nequeunt per se constare, nec ulla  
 Arte ualent, certa numerum sine lege tuorum.  
 Nam pater omnipotens te nostræ Musica uitæ  
 Aurigam dominamq; dedit. tu prima fouere  
 Sacra Promethææ cœpisti semina flammæ,  
 Et formare rudes, lentisq; adiungere calcar,  
 Atque iras domitura truces reflectere habenis  
 Colla reluctantum doctis fastusq; rebelles.  
 Tu pacem, tu bella geris, te signa ferente  
 Magnus in armatas acies quatit Adria, quando  
 Te duce barbaricas Alfonso maris phalanges  
 Strauit, & inuicto deduxit ab hoste triumphum.

Te



Te duce magnanimi succensus laude parentis  
 Restituit Latii Saturnia sæcula terris  
 Alcides, Phœbi uates, & Martis alumnus.  
 Ipsum fama Iouem, quamuis Phlegræa minaci  
 Arma manu sæuus quatit, numerisq; modisq;  
 Placari, totumq; polum instaurare sereno.  
 Ille quoque umbriferi custos & ianitor orci  
 Horridus, audita blandi testudine uatis,  
 Latratum posuit triplicem, longumq; quieuit,  
 Tartara & argutis plectri patuere querelis.  
 Quin etiam fama est liquido pede fluminis undas  
 In caput isse suum, properasse ad carmina rupes  
 Dulcia, & annosas duris de montibus ornos;  
 Concurrisse rude & uulgus, pecudesq; ferasq;;  
 Nec frustra doctus refugas sonus attigit aures.  
 Quæ liquido uolucris librabat in aere plumas,  
 Vix se intercepto potuit retinere uolatu.  
 Quis negat, ad tactum citharæ (nec fabula mendax)  
 Aonium claras struxisse Amphiona Thebas?  
 Fatidicumq; Deum periuræ mœnia Troiæ?  
 Marmora, frondosumq; nemus, fera corda canoris  
 Mulcentem fidibus? tantus sonus iuit acutas  
 Componens grauib; pulchra in discrimina uoces.  
 Talibus & studiis diras Pan terruit urbes;  
 L 2 Chaoniusq;

Chaoniusq; pater mouit Dodonica quercum.  
 Sic Methymnæum sectatus Ariona delphin  
 Incolumem dorso uentosa per æquora uexit.  
 Auspice te, Phœbus languentes tollere morbos  
 Repperit, auctoremq; suum medicina fatetur.  
 His quoque defessus pastor durum exigit æuum;  
 Dum liquidas auium uoces imitauer ore  
 Tentat, & arguto calamos inflare labello.  
 Ad cuius modulos per mitia pabula fessa  
 Corpora deponunt pecudes, simul ipsa per undas  
 Lata choros agitat Nais, mox mollia cannis  
 Sibila dant Satyri, dant & sua cantica Fauni,  
 Exurgit sub fronde Dryas, decurrit Oreas  
 Montibus, & ludunt faciles conualle Napææ.  
 Exultantq; mari Nymphæ, tum cœrula Doris  
 Nereidum cœtus imis prospectat ab antris.  
 Durus & agricola incuruo iam lassus aratro  
 Rursum inuadit opus, lasciuum tibia folle  
 Dum sonat inflato, urgenti seu tenta bacillo  
 Tympana supplodunt, & pulsant æribus æra,  
 Et tuba conspirat cornu graue tortilis unco,  
 Talia permulcent animos solatia nostros.  
 Hinc & grandiloquis uoces creuere poetis:  
 Quales Eridani ad ripas (pulcherriima rerum

Qua

Quà caput æthereas Ferraria condit in arces )  
Digna canunt Musis , & Phœbo digna , Gyraldi ,  
Et qui laurigero comes is Sarrachè Guarino ,  
Magnus & Àlfonsi moderator Riccius ora  
Soluìt Smyrnæis nunquam cedentia plectris ,  
Actiolusq; agiles doctus cantare Napæas ,  
Quiq; fauos Italis omnes effundis Hymetti  
Antimache , & parili sequitur quem laude Moratus ,  
Et quos nostra pares diuersis laudibus ætas  
Iactat Areostqs , Latii duo lumina fratres ,  
Atque suo tantum inferior Gonzaga Marone ,  
Quale meus carmen Pyrrhus facit , ille beati  
Ingenii Pyrrhus , priscos qui carmine uates  
Prouocat , immiscetq; Tagum Perimæsidis undis .  
O , quibus addideris si me , celebrare camœnæ  
Non te deficient nostræ , tua templa sacerdos  
Ingrediar , tibi sacra feram renouata quotannis .  
Interea scelerum exortem da ducere uitam ,  
Da fluxas contemnere opes , fastusq; superbos ,  
Et casto usque tuas operari pectore ad aras .  
Sic ubi me uinclis uolet hinc mors ire solutis  
Illuc , unde suos iam pridem traxerat ortus  
Spiritus , æternos redeat uicturus in annos .  
Tu uero ò Latia cūmen spesq; unica gentis  
Alcide ,

Alcide , sub quo delapsa per æthera magnum  
Musica diuinos numeros cognataq; seruat  
Semina , & Eridani formosa ad prata quiescit .  
Hos , precor , hos nostros ( si qua illis gratia ) lusus  
Accipe , adhuc calamo quanquam maiora supersint .

AD FERDINANDVM GONZAGAM,  
IN ITALIA PRO CAESARE .

ÆSAREO salue Princeps dignissime  
C sceptra ,  
Inclyte flos procerum , quo non pru-  
dentior alter

Tempestate uiget nostra , neque iustior alter .  
Qui Ligurum dites terras , fundataq; priscis  
Regna tenes Gallis , & sancta in pace gubernas .  
Sed quid ego ? an sperem iuuenis tua dicere facta ?  
Et magnas tenui laudes celebrare camœna ?  
Dicam quàm tua dextera potens ? quo torqueat hastã  
Impete , quid possint acri tua pectora Marte ?  
Cum spumantis equi fodias calcaribus armos ,  
Aut clypeo insurgens hostem insectere ferocem ?  
Consilio quantum possit tua prouida uirtus :  
Cæsar , & hoc summi proceres nouere ducesque .

Deq;

Deq; tuis nouit pendens Germania factis  
Effera gens armis, bellaxq; Hispania, tanto  
Cum duce te freti, cum te fera castra regente  
Imperio caperent securos agmina somnos.  
Nec mirum, antiquæ sunt hæc uestigia gentis,  
Inde & ab egregiis præsentia tempora factis  
Ducis, & illustres trahis ad tua facta nepotes.  
Multa quoque arcano uoluens sub pectore, curas  
Quid uexilla ferant gelidi minitania Rheni,  
Martia quid Daci, quid ripa sonantior Hebri,  
Pannoniîq; truces studeât, quid Turca minetur, (rûna,  
Quid Tagus, aut Ganges, Rhodanus celer atq; Ga  
Quid uagus Euphrates refluens, extremaq; Thule.  
It prope tua uis animi clarissima factis,  
Ausoniæ confine tenens, non deside dextra (dus.  
Arma paras, quæ Turca tremat, quæq; horreat In-  
Qualia magnanimus stygias dum terruit umbras,  
Intulit Alcides, triplicem dum robore traxit  
Inde canem, tetrîs spumis aconita uomentem;  
Dum caput horrêdum domuit crescentis Echidnæ,  
Dumq; Molorchæum claua domitrice leonem  
Strauit, & inuita ceruam Iunone peremit.  
Talis abinuietis tibi gloria quæritur armis.  
Talis in heroos uirtus diffunditur artus.

Seu

Seu tu tela mânû uibras , seu spicula torques ,  
Siue leues equitum turmas peditum ue phalanges  
Gallorum uictor fundis , quâ Graia uetustis  
Mafsilia affurgit muris , seu cogis ut armis  
Depofitis Gallus pofcat cum munere pacem .  
Quàm tibi magnificos duxifti ex hofte triumphos ,  
Et quoties uictor per fcuta , per arma , per agros ,  
Hoftiles , fulgente uiam tibi feceris enfe ,  
Prætereo Gonzaga ( tua hæc notiffima cunctis )  
Quid genus & proauos & regia nomina narrem ?  
Quum tua nobilitas in toto fulgeat orbe :  
Indica quam tellus , quam nouit & ultima Thule .  
Climatis ò noſtri ſplendor , uos tempora bello  
Noſtra alium tandem Latio uidiftis Achillem ,  
Relligione Numam ſanctum , ſanctumq; Metellum .  
Virtutum omne genus Princeps tibi maxime pectus  
Exornat , dubium , an maius pietate uel armis .  
Quumq; inopes magna donafti dote puellas ,  
Ac miſetis porrexit opem tua dextera largam  
Multis , quos toruo preſſit Rhamnufia uultu .  
Nullus auaritiæ , cæcæq; libidinis ardor  
Mentem uexauit ſancta prohibitæ uigentem .  
Aſt ubi cum pacem donant pia numina terris ,  
Nec duris toties crepitant incudibus enſes ,  
Quumq;

Quumq; tubæ clangor Tyrrhena & classica cessant?  
 Per te est summa quies populis. pia iura ministrans,  
 Dispersos reuocas ciues. Alstra relicta  
 Sic repetit terras, atque aurea sæcula surgunt.  
 Adde his magnanima quodd uiuas coniugè felix,  
 Et longo Bruto quoque fortunator, uxor  
 Portia quanquam illi fuerit: diuina uirago  
 Iuncta Isabella tibi est, cui Penthesileia cedunt  
 Pectora, cumq; suis uincuntur Amæzones armis.  
 Forma Helenam superat, ueteres probitate Sabinas,  
 Vna pudicitia consortem uincit Vlysis.  
 Ah quoties gemebunda trahens suspiria ab imo  
 Pectore conquesta est, Cur me fecere puellam  
 Cœlicolæ? quid non sexum tribuere uirilem?  
 Est animus certe claros sensurus honores,  
 Pectora sunt duro nobis aptissima bello;  
 Quæ Lybiæ ardentis ualeant tolerare calores,  
 Sarmaticasq; niues, imbremq; , famemq; , sitimq; ,  
 Nec strepitus terret lituum, clangor ue tubarum.  
 Talia necquicquam Superos per sæpe precata est.  
 Hæc opifex ideo rerum uota irrita fecit,  
 Connubio illustri propriam patriæq; reseruans,  
 Ut pulchra faceret Princeps te prole parentem.  
 Hi quanta afficiant spe, & præclara indole matrem  
 M      Felicemq;



Felicemq; patrem ; circumspēctumq; Senatum ,  
Quis reputer, nisi cui notum experientia fecit ?  
Ante annos animo studiisq; uirilibus ardent,  
Lumina pacis erunt, & erunt tot fulmina belli.  
Hæc te prime Ducum fecerunt cuncta beatum :  
Si qua beata uiris inter mōrtalia possunt  
Stare diu, nullis sacrorum obnoxia fatis.  
Et cum uicta tuis canis felicior ætas  
Tandem terga dabit, fatis cedente senecta :  
Nec laudem poteris solitam per tela, per enses  
Quærere, & ingentes factis cumulare triumphos.  
In castris tolerare hyemem nimiosq; calores,  
Caniciem galea premere, aut hastile lacerto  
Fraxineum torquere, & equum retinere lupatis;  
Tunc stimulans ex more tuo iuuenilia corda,  
Torpentes animos iussu, monituq; iuuabis.  
Absidue in primis consuesti hortariæ illam  
Irē uiam pergant, fortes quæ ducit ad astra.  
Hæc studia atque hæc sunt generosi Principis artes.  
Sed quia iam cuperent alias tua facta canoënas,  
Et Maro uel stygiis esset reuocandus ab umbris;  
Conticeo; quoniam sunt hæc notissima; uelle  
Ne faculis uidear Solem illustrare pusillis.



## DE BARTHOLOMAEO RICCIO.

ELIX prole parens, & Principe clarus  
F      alumno

Riccus his habitat uicinis ædibus,  
ille

Riccus Aufonia torrens facundia linguæ,  
Conspiciusq; fide, & morum probitate uerendus.  
Illum sæpe sacro fundentem pectore uoces,  
Voces Nestoreæ rorantes melle senectæ  
Fas audire mihi, rarasq; agnoscere dotes  
Fertilis ingenii. Quàm sedulus ille Latinas  
Auget opes, & uerba suum Romana Camillum  
Succincta breuitate docet, & principis æqui  
Differit officium, & moderatur legibus aulam.  
Nec non, ut ueterum discat monumenta uirorum,  
Aemulus & patrias Alfonsus surgat in artes,  
Cura subit. inòx maiori molimine raptus  
Fertur in exequias Regum, supremaq; iusta  
Apparat, & manes Ferini inducit Olympo.  
Illi Pierides oranti adstare sorores  
Credibile est, illi mœstas elegeia querelas  
Sufficit, ingeniumq; parens largitur Apollo;  
M 2      Temperat

Temperat interdum quæsitis seria ludis,  
 Et bonus Archiam conatur ab urbe Quirini  
 Pellere, sed magnis contra stat Tullius ausis:  
 Postremus labor, ut magnorum gloria Regum  
 Suscitet ingentes animos, & pectora uerset,  
 Annorum uictrix, & tempore maior ab ipso.  
 His studiis, his ille meas sermonibus aures  
 Detinet. hac rerum capti dulcedine noctes  
 Fallimus hibernas, doctasq; absumimus horas.  
 O quas delicias Superi, quam uera parastis  
 Gaudia? quas uobis referam pro munere grates?  
 Qui mihi, & Alfonsi magno doctoq; magistro  
 Coniunctosq; animos, uicinaq; tecta dedistis?

AD LANFRANCVM GYPSIVM.

Ferrariensiū Principis summum procuratorē.

NTRA ego Picridum Cirrhæaq; con-  
 scia Phæbi

Visere, desieram, lauro non amplius  
 optans

Cingere florēti cupidos, hoc tempore, crines:  
 Sed labyrinthæis ambagibus obruta toto

Pectore

Pectore uolebam numerosa uolumina legum;  
Cum de more suo uellens mihi Riccius aurem,  
Riccius Aonidum clarissima gloria, dixit.  
Nunc de te mecum uario est sermone locutus  
Gypsius, atque aliquo meritum celebrauit honore,  
Ingenium, dotesq; tuas referens. age cœptam  
Carpe uiam, & Musis ultro comitantibus aude  
Aude aliquid, longum quod postera nouerit ætas.  
His animum dictis magno inflammauit amore,  
Et sacer extemplo nostros furor imbuit artus,  
Sollicita sub mente uigens, totumq; repleuit  
Pectus, & humanos pepulit de corpore sensus.  
Gratulor ista mihi contingere, sed meus, oro,  
Vnde tuas nunc incipiet labor ordine laudes?  
• Hinc mihi religio, probitas, pietasq; , fidesq;  
Se se offert, uerum quis iam te iustior, aut quis  
Sanctior occurrit? qua religione gerantur  
Omnia, seu populi, seu magna negocia tractas  
Principis, aut quicquam discurre acumine mentis:  
Quæ bona mortales affectant, æthere ab ipso  
Contulit æterni summa indulgentia patris.  
Primus, & ante alios labi irreparabile tempus  
Non sinis in cassum, nec te torpescere somno.  
Lucem ante exurgis strato, nunc scripta Platonis

Nunc & Aristotelis, nunc & præcepta Cleantis;  
Nunc legum nodos, & cæca ænygmata uoluens.  
In quibus excellis tantum, ut diuina ferentem  
Consilia; obstupeant, ueteris miracula sæclî,  
Bartholus, & Baldus, Dynus, Salicetus, Iason.  
Atque etiam solitos ut possit cûria sumptus  
Noscere, solerti uiuendi calculus omnis  
Perspicitur cura, & ratio seruat ad unguem.  
Si qua tuos demens agitat discordia ciues  
Forte bipartitos; duce te tunc cessat Erynnis;  
Te duce tela cadunt; scelereum tu maximus ultor  
Busirim, Phalarimq; domas, sæuimq; Procustem.  
Iam bona peruigiles, & nostra araria fures  
Tuta sinunt, rapiuntur opes non amplius, & te  
Gaudent, populifer quæ mœnia perluit amnis.  
Mœnia semper erunt ea te moderante beata,  
Herculiis & tutos capient sic tempora somnos.  
Adde alios mores. furiosa libidinis arma  
Negligis, haud te transuersum rapit ambitus auri,  
Non nimium parcus, nimium nec prodigus, æquus  
Inter utrunque tenens medium laudabile seruas.  
Nota uiris Diuisq; loquor. seruator honesti  
Tu uerus recti compos, quem uana superbum  
Reddere nulla potest uentoso gloria saltu,

Scis

Scis quibus indulges ; nam si quem uideris ultro  
In uitium labi , monitis dictisq; reducis :  
Te monstrante uiam , Padus , & submissus in æquor  
Defluit , æquoreosq; iubet mitescere fluctus .  
Iam mihi , iam uideor lætos audire poetas ,  
Et tua grandiloquo referentes facta cothurno .  
O mihi si maneat dubiæ pars altera uitæ ,  
Ingenii , & quantum sat erit , tua gloria semper  
Viuet , & æternum laudabunt sæcula nomen .  
Nanque ego tale aliquid possum promittere ; lufit ,  
Lufit nostra modis uarias elegia sortes  
Non illaudatis ; testantur carmina mille ,  
Mille iocos Veneris referentia , millia laudes  
Multa ducum ; posthæc testantur , & horrida Mauro  
Cæsaris orsa truci ; cum bella inferre pararet  
Is Zeliæ , & puppes quateret Neptunus in undis  
Turbidus , (heu fortem quàm sum miseratus iniquã)  
Cum domuit Iulos , Cliuos , flauosq; Sicambros .  
Scripsimus atque etiam uersus sermone pedestri .  
Omnia quæ , Gypsi , duce te instaurare iubebo ,  
Te duce plebeio grege separor , altaq; adibo  
Sidera : sed miserum , sine te iam limine primo  
Excutor ; ueluti cum magno turbine puppis  
Huc illuc agitur nullo deducta magistro .

Ista

Ista simul repetens tantarum pondere rerum  
Subsisto Gypsi, donec tua latius acta  
Exequar, & merita referam præconia famæ.

IN OBITVM FRANCISCI

Venerii, Venetiarum Principis.

Ad zachariam Vendraminum.

DESERVIT Princeps terras, terræq;  
D labores,  
Passibus ambiguis fors unde uolubilis  
errat:

Inq; uicem petiit sublimis regna beatum,  
Prorsus ubi misera sunt læta obliuia uitæ,  
Etiucunda quies, & frenum passa uoluntas.  
Vnde oculos quacunque mouens felicia cernit,  
Ceuiolas carpens, & odori gramina nardi,  
Tantum ibi fecundo genitabilis aura fauoni  
Aspirat flatu; pulsus hinc inde tenebris,  
Exoriens nullis caligat nubibus aer.  
Deponas igitur lacrymas, mæstosq; ululatus,  
Comprime, & inualidas uocis demitte querelas.  
Pelea defunctum non semper fleuit Achilles,  
Nec Pyrrhus cari crudelia funera Achillis.  
Immotæ hæc cæli leges, immotaq; fata,

Non

Non prece, non ullo fletu mutanda; quid ultra  
Commemorem? ætheria est felici in parte locatus;  
Vnde sibi liceat si quando reuifere terras,  
Atque iterum humanæ uestiri cortice uitæ,  
Is neget, & toto affectu studioq; recuset;  
Terrena hæc faciens prorsus uilissima flocci.

## IN HORROREM MORTIS.

H ORRIDA Mors, heu Mors immitis, &  
H omne ferarum  
Quæ genus exuperas, precibus nec fle-  
cteris ullis,

Nec te forma mouet, nec opes, nec debilis ætas,  
Omnia naturæ nascentis uincula soluis,  
Quàm nimium latè imperitas terraq; , mariq; ,  
In uolucres uacuum uolitans & in æra sæuis.  
Improba quot, quantosq; uiros heu falce cruenta  
Perdideris? dic, & quantas deleueris urbes?  
Mœnia Thebarum per te cecidere iacentq; ,  
Nomine contentæ doctæ cecidistis Athenæ,  
Et Sparta, & campis uicina Polentia nostris.  
Tu quoque cum tanta coniuncta es Roma ruina,  
Audebitq; tuos aliquando euertere muros

N Funditus,



Funditus, antiquæ nec erunt uestigia Romæ,  
Virtuti saltem sacræ & uirtutis alumnis.  
Parcere debueras, tu debellare superbos  
Tu gelidosq; senes æque, calidamq; iuuentam,  
Imbelles, fortesq; uiros, populosq;, Ducesq;  
Improba consuesti, totus cui paruit orbis  
Magnus Alexander parui sub pondere saxi  
Clauditur Augustus, solis dominator Egi  
Occiduiq;, tuas nequit uitare sagittas.  
Iulius antiquū ( quæ non quodque sacra prophanas?)  
Saturnum referens, atque aurea sæcula, summus  
Pōntificum, sub quo uixit felicior orbis,  
Per te, sæua, iacet, tantæ & suæ pondéra molis  
Deposuit, sedemq; suam super alstra resumpsit.  
At uos, qui mortem mortales temnitis, aliam  
Iustitiam seruate, Deum, cui sidera parent,  
Diligite, & manibus puris hanc ducite uitam.

AD



## AD IOANNEM DONATVM.

BENVOLVS, ET TITYRVS.

Be.

Veni uideo horribili uultu, facieq; mi-

Q

naci

Promissa tristem barba, sparsisq; ca-

pillis;

Quid segnis, tardo per pascua solus oberrat.

Læta pedes ah prohibent celerem crassa ilia gressum.

Tityrus an ne iste est, morbo correptus acerbo?

Qui fuit? en ipse est, grato laudemus in æuum.

Ore Deum, qui solus opem, qui iura medendi

Summa tenet, sacra ualido medicamine dextra.

O tibi, qui uultus, facies quæ Tityre constat.

Qualis es? an mecum fors te est miserata dolentem?

Sed miseris solamen adest, &amp; uota precesq;

Haud frustra superis deuoto fudimus ore.

Ti. Benuole mi ualeo tanto pro pondere morbi.

Quo depressus eram, tumidis cursumq; repressit.

Lethiferis inguinibus, sed tento ducere gressus.

In caulæ, ut oues longo post tempore uisam;

Me miserum, sed adhuc membrorû languida moles

N

2

Obstat,

Obstat, & ad saltus pedibus uix recta superstat;  
Sed tibi iam quantum fatear debere, canentes.  
Si mihi centum essent linguæ, tot & ora, negarim  
Posse loqui, tanta est meritorum summa tuorum.  
Tu uigil ante alios, pecudes per prata uagantes  
Sensisti, nostrumq; gregem balare magistro  
Absente, insolitos cursu comprehendere lucos,  
Nec seruare modum pascendo, scandere rupes  
Præruptas, illo nunc hoc discrimine potum  
Quarendo, accliuës inter scopulosq; rapaces.  
Absque duce: intrepidus per anheli deuiamontis,  
O pecus infelix, clamabas: motus amico  
Corde, ne horrendos fures, auidosq; luporum  
Nec morsus metuens, cæcæq; cacumina siluæ,  
Insidias uè timens, uel opacæ frigora noctis,  
Omne pecus fido curasti cogere ritu,  
Et numero totumq; tuis includere septis;  
Et tibi cura fuit pascendi quærere campos.  
Quare agimus grates, & habebimus omne per æuū,  
Si fortuna dabit referemus munere grato;  
Iamq; Deos, reddant pro me, rogo, & usque rogabo,  
Donec ero sospes, cæli dum lumine fungar,  
Te si fata dabunt cineres post morte reclusos,  
Si mea quid poterunt uenturo carmina in æuo,  
(Vt

(Vt pia iam placide cœpit te absente Thalia)  
Donatumq; legent chartis, cernentq; nepotes;  
Nostraq; perpetuo capiet uos pagina, qualis  
Qualis erit, nullos claro sine nomine uersus  
Vnquam monstrabit, quamuis sit rustica musa,  
Vestraq; maiori sint nomina carmine digna.

Be. Sed cur hæc memoras, & grates Tityre reddis?  
Missa fac ista precor. nec iniqua potentia, nec fors  
Impulit, humenti pecudes præcludere in antro,  
Sed prædulce solum patriæ, pecudumq; peculi  
Cura, & amor; mores animi, moresq; iuuentæ;  
Tum sincera fides fecere hoc undique sanctum  
Fœdus amicitia; quod dum crescentibus annis  
Creuit, & inde pares animi consciscit amores.  
Hinc mihi surgit amor, sic me tenet ille uolentem  
Nolentemq; trahit: nam tanti est fœderis author.  
Istius æternum diuini pignus habendum est.  
Et temere hoc uiolans cœlesti ex tramite uitæ  
Ad loca Tisiphones detrudi morte meretur  
Tantalea in pœna, Titii quoque pectoris unco  
In morsu, uel si qua manet crudelior urna  
Iudicis Argiui; cunctorum nempe parente  
Natura sum factus homo, sic mentis amica  
Semper ero compos, quoties fors talia nostro

Opponet

Opponet uultū, pecudes ad septa reduxi  
 Nostra tuas, cuperem si quando occasio se se  
 Offerret, pariter nostros seruare parares,  
 Quod faceres spero. prospexi Tityre mentem  
 Ingenium, moresq; tuos, qua lege recurrant  
 Non soliti simulare aliquid; sic fata reducant  
 In bene firmato primas tibi corpore uires,  
 Et cito ego reddam pingues cum matribus agnos.

Ti. Quando erit ut possim meritis persolvere digna  
 Præmia? uix equidem, fuluo si Thessalus Hermus  
 Pondere purpureas Tagus & uectaret arenas.  
 At satis in magnis animi bene prona uoluntas.

Be. Tityre quid narras? sunt ista superflua nobis;  
 Nosti etenim, grates Pylades non poscit Orestis,  
 Nec pretium, sed sponte sua succurrit egenti.  
 Quare age uade domum, ne tu modo lassus in herba  
 Offendare uida; pecudum post pabula uisam  
 Ocia profuerint nunquid tibi; flumina noster  
 Grex cupit, en Phœbus longas è collibus umbras  
 Afficit, atque sitim radiis propioribus affert.

Ti. Benuole mi repetam tectum tua iussa capeffens,  
 Cras te, si potero, proiectus membra sub ulmo  
 Opperiari pætula, & læti spirantibus auris  
 Pergratos Pani uersus cantabimus ambo,

Fistula

Fistula, & arguta uirili dum gramine canna  
Murmure multiuagâ deducet garrula uoces,  
Et pictæ uolucres complebunt æthera cantu.

Be. Sic placet; en patula iam te uocat arboris umbra,  
Suscitat & uolucrum uox illa arguta, superbis  
Cantibus, ac crepitu linguæ iam silua remugit.  
Lætitiâ potiare, iuuant nam gaudia cunctos,  
Vrentesq; nocent curæ mortalibus omnes. I

LIBRI QVINTI FINIS.

HIERO-

HIERONYMI FALETII  
POEMATVM LIBER VI.

AD FRANCISCVM ESTENSEM, ALFONSI

Ferrariensium Principis filium, & eque-  
stris militiæ Casaræ præfectum.

INTER multa uirum fortissima pectora  
I bello,  
Perq; enses, perq; arma, petas licet im-  
piger ædes,

Francisci illius, Latii cui restat in uno  
Omnis honos, Italum qui gloria prima uirorum est.  
Ne timeas, gratus domino liber ibis. in armis  
Ille quidem duris, quamuis sit clarus, amœnas  
Suspicit & Musas, & iungit Apolline Martem;  
Quem propter nostris insurgunt plectra camœnis.  
Tu contra nostro sublimem ad sidera uersu  
Extolle hunc, meritumq; refer per sæcula fama.  
Hic armis nulli inferior, Mars ipse feroces  
Nimirum edocuit pugnas, nec cedere ferro  
Nec timuisse necem, ruere & per tela, per enses,  
In medios hostes, & ab hoste referre triumphos.  
Hinc iam fama uirum canit inclyta, totaq; surgit  
Gloria, & Eridani populi iam prisca parentum

Facta

Facta recensentes, unius amore feruntur.  
Nam neque magnanimo tantum Romana Camillo  
Nec gemino gens ipsa fuit tam læta Catone,  
Quantum magna suo Ferraria gaudet alumno.  
Nam licet Ausonias olim bellator ad oras  
Venerit Alcides, uariasq; subegerit urbes;  
Sit licet Acacides fortissimus inter Achiuos,  
Fortis & Atrides fuerit, quos fata sacrarunt;  
Non tantum ualuere simul nec Martius Ajax.  
Iccirco meritum liber hunc reuenter adibis.  
Quodd si te famuli forsân retinere minaces  
Tentent, ne subito uenias ad limina tanti  
Principis ( ut mos est ), saltem uocitare Faletum  
Sis memor, aspicias hunc, illum currere, & ultro  
Maxima spargentes nostræ præconia famæ.  
Cumq; tibi faciles aditus prætenderit omnis,  
Hæc illi audacter referes. Virtute priores  
O tu qui superas, famam & uirtutibus æquas,  
Accipe ( parua licet ) nostri nec dona Faleti  
Respueris: gemino non semper uictima cornu  
Occubat, aurati nec semper uelleris agnus.

O OLYM-

## OLYMPIAE COLUMNAE, AENAE

Martinengi uxoris epicedion.

I CCINE Di superi, si quid natura pere-  
S git

Egregium, pulchro fecundans viscera  
partu,

Arripere, & uestro fas est super addere regno?

Tuq; adeo ò superum rector, qui sorte gubernas

Regna poli spatiosa, tua cur sede relicta

Afsiduis tentas mundum incæstare rapinis?

Europen falsa tectus sub imagine tauri,

Et satyri adsumpta pulchram Nyctæida forma

Lusisti, & sæuo genitam Titanida Cæo

Latonam, Asterieiq; Aquila luctante sororem,

Graiaq; cienæis cubitauit Læda sub alis.

Quin etiam Amphytrion fueras, Tirynthia cum te

Alcmene sensit prolem paritura gemellam?

Quis negat arreptam patriis Afopida ab undis

Amplexu latuisse tuo? cum luderet ignis

Fuluus, opem uirgo nec quam imploraret, haberet?

Quid Phrygium referam puerū? quæ præpes ab Ida

Sublimem rapuit pedibus tuus armiger uncis?

Quid



Quid ue alias ? cœlum stellis quibus emicat ingens ?  
Nec contentus eo , tibi celsit Olympia raptu ,  
Qua nihil aspexit nostrum formosius æuum .  
Quò scelus hoc tantum celabis Iuppiter ? astrum  
Insuetum uidi radio surgente per auras ,  
Cum Tartessiaca Phœbus se mergeret unda ,  
Visaq; matronæ pæssim uiuentis imago .  
Illam homines spectasse ferunt , illam heroinæ ,  
Testantur tantum nota inter sidera lumen  
Vidisse , heu geminos inter cum fulgeret axes ,  
Et toto splendente polo diffunderet ignes ,  
Aeris ipsâ decus , radiorumq; æmula Solis .  
Testantur toto commota tonitura cœlo ;  
Ollius at subito fraudem deprendit , & omnis  
Liquitur in lacrymas , largo queis flumine ripæ  
Augescunt patriæ : nil uis humana reliquit  
Intactum , questu magnum testata dolorem .  
O duræ leges , o dura potentia diuum ,  
O sortem miserandam hominum , si lædere mundum  
Sic libet , & toties commune intendere lethum ,  
Deuolet in terram potius Vulcanus , ut orbis  
Frugifer incipiat rutilo inmiscerier igni ,  
Tempora uel tumidi redeant maris humida , siccum  
Deucalion uidit merfas cum coniuge terras .

Qui gemitus, questus ue, aut quæ lamenta dolori  
Sufficient tanto, cœpti quis carminis ordo?  
Iam pietas oculos haurit, iam tristia frangit  
Corda dolor, plenos nec linquit fundere luctus.  
Disimulare prius licuit, licet improbe multas  
Iuppiter abstuleris flagranti percitus æstu.  
Hæc noua præteritos superat uiolentia raptus.  
Heu crudele nefas, & uos ( si dicere fas est )  
Crudeles Superi, ò duri inclementia fati.  
En totam hanc urbem iuuat horrifono singultu  
Cælum, orbemq; implere, simul stygiamq; paludē.  
Huc lacrymæ, lacrymæ ueniāt, gemitusq; doloresq;,  
Accipiant uoces has luctifonas, has uoces,  
Luctifonas, inquam, uoces, querulosq; ululatus,  
Quà mollis Zephyrus, quà flat Nabateius Eurus,  
Aspera quà Solis tellus ignota quadrigis  
Subiacet, inuisis ubi semper frigida nimbis  
Certat hyems, cunctæ & suspirent fletibus auræ,  
Agnoscantq; suum crudelia numina crimen.  
Aureus & Titan palle scat, candida Phœbe  
Induat auratum pullo uelamine cornu,  
Nullaq; lux tandem claro se fundat Olympo,  
Sed tenebris incincta caput nox incubet orbi,  
Diraq; mors adsit tristi submersa sopore.

Vosq;

Vosq; chori Aonidum, uos & celeberrima patris  
 Cirrhæi proles, fata hæc crudelia mecum  
 Flere iuuat, uos, & fatalia pensa trahentes.  
 Ite deæ Charites ( nam gloria uestra sepulta est,  
 Eniacet illa decus uestri & lux maxima cœtus )  
 Purpureas lacerate genas, & pectora palmis  
 Tundite, & effusis lacrymis decorate sepultam :  
 Et uos, cui cordi choreæ, cantusq; , lyræq; ,  
 Flete omnes, licet his ludens raro ipsa uacarit,  
 Non sine laude tamen . compresso pectine soluit  
 Serica iam uacuus radius, iam pensa reliquit  
 Ipsa colus, teretes liquerunt stamina fusi :  
 Nec mirum si quid filis nectebat & auro,  
 Seu pingebat acu, doctus labor iste peritos  
 Vicerat artifices, uni Tritonia celsit  
 Victa magisterio uultum suffusa pudore.  
 Quid sequar ulterius ? uirtus laniata capillos  
 Luget, flentq; ioci faciles, & gratia morum,  
 Illacrymantq; simul pietas, probitasq; , fidesq; ,  
 Quæ pariter iunctæ tumulo candentia fundunt  
 Lilia, purpureasq; rosas, sortemq; dolentis  
 Ingemuere uiri . non sic cum gurgite corpus  
 Quassatum cano uidit Cæcis in unda  
 Alcyone fleuit, non sic mæstissima Progne

Cum

Cum Philomela tuæ gemit, dispendia lingua.  
 Nec tantum Priamus defleuerat Hectora; circum  
 Cum Danaas acies illum raptaret Achilles:  
 Nec coniunx Priamo tantum Cisseis adempto:  
 Nec tantum exanimem iuſera Phætona ſorores:  
 Aeneas quantum gemit, per pectora ſenſum  
 Tordacryma cecidere oculis humenſibus, undas  
 Nimborum ut credas effuſas æthere ab alto.  
 Haecenus iſta decent lugubria coniugis umbram.  
 Sed finem egrederis luctus, dare frenâ dolori  
 Têpus adeſt, vulnus, quamuis graue, corde ſub ipſo  
 Nuper hiet, cômune atque irreparabile: damnum eſt;  
 Si quid erit, cunctis non ſagra mente ferendum,  
 Ipſa haud termigini Canis indignantia roſtra  
 Vidit, non oculos obterruit Hydra nitentes:  
 Quin emenſa uiam cœli, quam lacteus ambit  
 Circulus, æthereâ ſedem ſibi parte locauit.  
 Iſta decet dixiſſe; precor ſed Olympia ſummo  
 Interdum aſpicias cœlo nos, numina nobis  
 Concilians, doceasq; uiam qua fertur ad aſtra.

DE

## DE RIMINALDORVM RESPONSIS.

SONIDAE argutas mirata est Græcia  
AEAE dotes,

Cum prior infuetum per iter se credere  
ponto

Aufus, & iratis primum dare linthea nentis,

Auratum Colchis cupiens auertere uellus.

Orphea mirantur, quod saxa sequentia duxit,

Et citharâ mouit sensus ludente ferarum,

Ille Soloniacas leges miratur, & ille

Legiferum, sub quo profecit Sparta, Lycurgum,

Herculis ast alii nodosæ robora clauæ,

Qua tot monstra dedit letho, quaq; impiger arces

Aethereas adiit, sedem & super alstra parauit.

Scilicet his titulos præclaraq; signa uerustas

Imposuit, longum (fateor) mansura per æuum.

At modo si priscis præsentia tempora sacris

Conferimus, titulos potius mirabere nostræ

Vrbis. ubi partes cælum felicius implet

Hinc illincq; suas? quis honore efferre supremo

Audeat extinctos? non ne hæc sunt æmula priscis,

Et patris & nati diuina uolumina legum?

Miramur

Miramur quos fama canit, prohibentq; poeta  
Cimeriis tradi tenebris, atque ardua facta  
Maiorum, quos nostra uident nunc sacra silemus?  
Auditis equidem uisos præponere iustum est.  
Quale etenim quantumq; decus sub pectore uixit  
Amborum; quæ religio, pietasq; , fidesq; ,  
Testatur uitæ ratio, mens nescia culpa.  
Credere, si uolumus Samio, qui morte putabat  
Illustres animas uolitare per aera, semper  
Errantes, alio donec se corpore tandem  
Induerent, Maia genitus descendit in illos,  
Quos seruare Deum leges, & iura doceret.  
Inde sacrosanctas afflato numine leges  
Affectusq; habuere suos Riminaldus uterque:  
At tu macte animo, legum qui singula uoluis  
Sedulus, & fixa hæc exerces ocia mente,  
Oracla hæc capias, cernes afflare furores  
Phœbeos, spirare fidem Cœliq; Deumq; .

AD

AD NICOLAVM NICOLAI

Grudium, Cæsari à secretis, apud Belgas.

I QVIS forte rosæ florem tibi cultor

S agelli

Irrigui dederit Grudi, uel carëa pru-

na,

Aut quæ seposita decerpserit arbore mala.

Hæc tu nimirum non adspernatus, aperto

Accipies cultu, tecumq; putabis amici

Hos animos ulla non sedulitate minores,

Hac ergo impulsi spe, quas in uallibus imis

Aoniæ tenui collegimus ungue corollas,

Mittimus, ut parui quæ possumus, utq; parentem

Repentes per humum. quod si dignabere fertis

Vinciri paruis caput, &amp; spiraueris ultro,

Ardua pieridum peragransi sacra fororum;

Forsitan excelsò rediens è uertice Cynthi

Incipiam lætas hedera contexere lauros.

O mihi quid potius contingeret, o mihi felix

Illa dies, uersu qua te celebrare licebit,

Maeste tua uirtute, simul uirtute tuorum.

Nunc uero sat erit, si quæ, dum serialudo

P Miscuimus

Miscuimus facili, linquentes tenuia rerum,  
Lusimus, interdum placida dignaberis aure.

## AD EVNDEM.

A M mihi dictabant faciles, mea gaudia,  
I Musæ  
Carmina, & insigni geminantia plectra  
furore,  
Nescio quid strepuere humili non uoce sonandum,  
Multaq; sollicito meditabar pectore solus,  
Lutea dum roseis fulgens Aurora capillis,  
Ignea depulerat tenebras sidera noctis.  
Ipse ego florigeris lentus spatiabar in hortis,  
Dum tenues molli collidunt gramine guttæ,  
Formosa gelidus dum ros ex arbore stillat,  
Dulcisono captans auium modulamine uoces,  
Gutturæ quæ tenero feriebat æthera uastum  
Clara salutantes orientis lumina Solis,  
Grudi, cum nostros subito tua Musa penates  
Ore reidenti subiit ueneranda penates,  
Grudi, qui præstas cedant ne hæc tempora priscis.  
Obstupui, fateor, uocum dulcedine captus.  
Tale canunt doctæ Parnassi in uertice Nymphæ  
Vallibus



Vallibus aut Hemi, aut sacras Heliconis ad undas,  
Phœbus ubi Aonio stillantes rore capillos  
Fingit, & in multo formosus colligit auro.  
Tot rident Veneres, sic se undique gratia prodit  
Blanda, nouo cultu sic aurea carmina uernant.  
Vt solet imbriferi cum flauerit aura fauoni  
Arte coronatus gemmatis floribus hortus.  
Tum blandum spirat tepesfactus solibus aer  
Maturis, alia est mundi ridentis imago,  
Lætâq; per uirides serpunt animalia campos.  
Taliter Orpheo resonabat pollicæ chordæ,  
Dum trahit auritas Rhodopes de uertice quercus,  
Frigida bellantum dum sistit flumina Thracum  
Orpheus, Calliopes sanctæ pulcherrima proles,  
Editus in ripis nemorosis Hippocrenes.  
Maeste animo, decus o nostri spes unica sæcli,  
Qua uagus undosa sinuans se Dilia ripa  
Mœnia Louani mauortia perluit altæ;  
Quæ procul inuictis hostilia despicit arma  
Turribus, atque iras furialis ridet Enyus.  
Hic nemore in patrio recubans prope rauca fluenta  
Agrestes inter Nymphas, satyrosq; procaces  
Compones, adamant quod post tua facta nepotes,  
Quod non longa dies, non inuida carpsit ætas,

Sed uehet aurato super ardua sidera curru,  
 Stelliferum fama clarus pulsabis Olympum.  
 Tum densis populos tenebris miserabere pressos,  
 Quos mala præcipites agit ignorantia ueri;  
 Heroes inter fumes hic nectaris haustus.  
 Hæc & plura tibi celsus promittit Olympus.  
 At uero mihi displicui, sortemq; malignam  
 Plorabam, inuitis canerem quod carmina Musis;  
 Non felix radiis fulsit mihi Iuppiter æquus,  
 Risit in exortu nec mi Venus aurea blandum;  
 Sed grauis ille senex tristi me falcifer ore  
 Vidit, & enicuiere infauisto crine cometa.  
 Conspirasse putes parcas, elementa; deosq;  
 Turpiter ut degam miseros inglorius annos.  
 Pierium frustra meditor dum scandere collem,  
 Sollicito pulchrum dum frustra ad carmina Phœbū,  
 Nullaq; Castalidum uenit ad mea plestra sororum.  
 Candidiore satus tu fidere maxime uates,  
 De meliore luto cui finxit corda Prometheus  
 Caucaseam pascens Aquilam in scopulis præruptis.  
 His etiam rudibus debes ignoscere chartis.  
 Candida sic lætæ currant tibi stamina uitæ,  
 Nec niger in tota subsultet calculus urna;  
 Admoueat facilem uotis sic Iuppiter aurem.

Pœnituit

Pœnituit sane cœpti, subitiq; furoris.  
Atque hæc iudicio ueritus sum subdere tanto.  
Nec minus, ac Clario nostra hæc incondita uati  
Scripta legenda darem, pallebam totus, & ipsos  
Nescio quis gelidus tremor omnes soluerat artus.  
Tum calamum lassæ uix sustinere cadentem  
Succiduaq; manus; tum prima exordia chartæ  
Mutabant modo tincta, ob destituentia uerba  
Hærebam uultus uario signante colore.  
Non secus Ammonis uarios fons accipit ignes  
Aere nocturno, & tumidum caput explicat altis  
Protinus in tenebris totus felicibus undis.  
Mox ubi Sol rutilo terram illustrauit amictu,  
Et sine nube dies suffulsit clarus abortu,  
Inuersis uicibus fontis uariatur imago.  
Decrescit calor ille prior, uis ignea sensim  
Deficit, & gelidum in laticem conuertitur humor.  
Aurea contingat non si mihi copia linguæ,  
Ingeniumq; sagax, facili comprehendere uoce  
Pertulerim, quales imo sub pectore motus  
Senferimus, quantoq; animus sudauerit æstu.  
Sæpe mihi facies non uno tincta colore est.  
Protinus exorta numerorum luce tuorum,  
Florebant ueneres, dicendi gratia summa,

Nec

Nec facile expediam , fuerim quàm mente sub alta  
 Perpeſſus , magna uocum dulcedine ductus .  
 Non minus eo ſi quis ſuffulgere cœlo  
 Spectaret uarias ſpecies , noua lumina Solis  
 Per uada , qui radiis infuſis cœrula ponti ,  
 Et ſola terrarum , non feſſa lampade oberrat .  
 Protinus infundens latis noua lumina terris ,  
 Tempora ſufficiens uictor tria lucidus orbi  
 Gaudenti , ac uario ſemper diſtincta colore .  
 Sic tua doctarum miratus dona ſororum ,  
 Carmina quæ ſpirant penitus ſuffuſa liquore  
 Pierio ; placidumq; melos cultumq; decorem ,  
 Quo percuſſa nouo reſonant nemora alta canore ;  
 Carmina , quæ celebrant hominum res atque deorū ,  
 Auro & barbaricis multo potiora lapillis .  
 Hæc neque odoratum ſpirat uer , blanda nec æſtas ,  
 Mollia cum faciles ludunt per prata Napææ ,  
 Vallibus & ſacris agitant de more choreas ,  
 Per iuga uel Pindi , uel per iuga dulcis Hymetti .  
 Hec recinunt Nymphæ per prata uirentia riuis ,  
 Dum pater Autumnus madidum caput extulit uuis ,  
 Ac legit arbutos fœtus , uel munera Bacchi .  
 Tale per Idalios montes , & per iuga Cynthi  
 Nymphæ decantant in læto gramine carmen .

Calliope

Calliope potuit uix tantum tempore prisco  
 Inuenisse decus, magnum licet Itala tellus  
 Virgilium iactet, iactet sua Græcia uatem,  
 Efferat & se se facilis noua Musa Tibulli,  
 Et Venerem celebrans, Venerisq; Propertius alma  
 Gnatum, qui facula superos ac infera torret.  
 Sed quid adhuc hebeti calamo male sanus oberro?  
 Deterimus paruis ingentia pondera uerbis,  
 Cum facile hic possis priscos æquare poetas.  
 Non alio posthac se tellus Teutona iactet.  
 Credere si uolumus Samio, qui morte putabat  
 Doctus, in elysiis, discussa plebe, sepulchris  
 Illustres animas uolitare per aera, rursus  
 Errantes, alio donec se corpore tandem  
 Induerent. eadem mens perstitit ore renato.  
 Tunc lauro redimita cohors celeberrima Romæ  
 Gaudens, Pompeii plausum dedit amphitheatris,  
 Appuleras teneras rosei cum luminis auras.  
 Hinc tibi tot lepidi Musarum munere uersus,  
 Parnassusq; patet, doctiq; Thalia Maronis  
 Fronde uiret, uiret umbra, uirent animiq;, comæq;.  
 Hinc tecum faciles frondenti colle Camœnæ  
 Diuersis cantant modulis, atque æthera pulsan.  
 Hinc agitur nouus ille color, tuus ille decorq;  
 Grudi,

Grudi, cui similis, quo non præstantior alter  
Tempestate uiget nostra; sic æthera pulsan  
Laurigeri Vidas, Fracastoriusq; poetæ  
Orbe sub Ausonio, dum spirant carmina cantu  
Doctiloquo, antiquæ referentes sæcula Romæ.  
Te uiuente diruantes generosaq; pubes  
Belgica Phœbeas poterunt deducere lauros,  
Quos tu Pegasei duces ad fluminis undam.  
Talia mellis tuo resonant tibi semper in ore,  
Nestora nunc uincens, Ithacū nunc solus Vlysses.  
Ipse tua egregius recitabit carmina frater  
Eloquio Marius Phœbi. nanque ora Secundus  
Clauserat. hunc celebras cantu, quo funera cyncus  
Ad placidas sua deflet aquas, quo protinus omnis  
Aonis exurgens se se super æthera tollit.  
Inchyta Louani stabunt te sospite semper  
Mœnia, semper erunt ea te moderante beata.  
Cæsaris & tutos capient sic tempora somnos,  
Fluctibus in mediis placidis incognita uentis.  
Vndique consilio tantum tua pectora fulgent,  
Exinua ac uirtus uariis exercita rebus,  
Tanta tibi probitas, tanta est clementia, candor,  
Integritas, pietatis honos, uereq; paterno  
Fungeris officio, studiis par denique solus.

Sic

Sic tua fama uolat, totum rediuiua per orbem  
Tanget utrunque polum, nulloq; taceberis æuo.

## AD EVNDEM.

ALLO R, an inspirant cœlestes enthea  
F Musæ  
Carmina, quæ magnis non sint indigna  
poetis?

Eia age quò furor iste uocat tendamus, & alti  
Parnassi sacrum iuuet euicisse cacumen  
Grudi, nec nostros pigeat cognoscere uersus.  
Insideat licet ipsa tuis Venus aurea labris,  
Et merito Claria uiridantia tempora lauro  
Inter præcipuos Phœbus tua ponat honores.  
Mollibus Aonidum quamuis nutritus in ulnis  
Hyblæo fundas resperfa poemata melle,  
Qualia ue nturi minuant obliuia sæcli,  
Sæpius ore pio relegat quæ cana uetustas.  
Seu molles elegos condas & amabile carmen,  
Montiuagi Panes, & capripedes satyrisci  
Stant circum attoniti; mirantur Oreades omnes,  
Seu grauiore tuba incensus, magnoq; cothurno  
Tristitia deploras miserandi funera fratris,

Q Quem

Quē flerunt omnes Permessi ad flumina Nymphæ?  
Ipse suas artes damnauit mæstus Apollo,  
Passus inornatos sine lauro errare capillos.  
Fleuerunt Charites, nec tam defleuit Adonin  
Cypria, dum roseo tepefecit sanguine flores.  
Cum cæcus puer illè hominum, timor ille deorum,  
Tristia qui tenera iaculatur spicula dextra,  
Qui genus omne auuū domat, & genus omne ferarū,  
Extinxit faculam, calamos proiecit & arcum,  
Omnibus iratus faciens conuicia diuis.  
Iuppiter in niuei te uertam cornua tauri,  
Dixit, & in multo descendens plurimus auro,  
Cumq; tuis furiis umbrarum pessime Rector,  
Incipies ueros demum sentire calores,  
Quod nostri uatis rapuisti sæuus honores.  
Qui mea regna tulit super aurea sidera cantu,  
Vicerat & uasto celebres toto orbe poetas.  
Nec tener egregio se præferat ore Tibullus,  
Nec gracilis superat lasciui Musa Properti.  
Dixit. & auratis diuerberat aera pennis.

LIBRI SEXTI FINIS.

HERO-



HIERONYMI FALETII  
POEMATVM.  
LIBER VII.

AD ALFONSVM ESTENSEM HERCVLIS  
II. Ferrariensium Principis filium.

V o ò ferar ? aut ubinam ponent uestigia  
Q plantæ ?  
Nullus in orbe locus uirtuti. à partibus  
illis

Quà Sol exurgens late dat lumina mundo,  
Eius ad occasum, sunt omnia plena malorum;  
Vi quorum, longe uirtute è finibus orbis  
Exclusa, uitium laxis dominatur habenis.  
Quis colit hoc æuo uirtutem ? & præmia solum  
Proponit factis ? aut quis remoratur euntem  
In patrias sedes, orbe, ac tellure relictis ?  
Dic aliquot sodes, retices ? dic quatuor omni  
Ex numero, dic tres, uno contentus abibo.  
O mores hominū, o graue & immedicabile uulnus,  
O miserum, o longe nobis lacrymabile fatum,  
Viscera nanque alte penetrarunt intima morbi,  
In teneris annis ne spes foret una relicta.

Q 2

Quæ

Quæ quoniam solum superest medicina dolorum  
 Tantorum, iuuenes ad uos mea carmina uerto,  
 Ad te præcipue, qui tam puerilibus annis  
 Iam uirtute uiros uicisti, hac indole nedum  
 Aequales ALFONSE puer, puer optime uincis.  
 Ergo ades, & nostris pronam da maxime mentem  
 Versibus, his animum ut possis formare, tuamq;  
 Quà uia uirtutis, teneram deducere uitam.  
 Dum puer es, nec dū mens hæc tua parua nec ætas,  
 Vtile quid sibi sit, rursus quid inutile caller,  
 Aut penitus nigrum discernere nouit ab albo,  
 Ipse animo infigas, præceptaq; nostra capeffas;  
 Riccius & quæ sancta tuas instillat in aures,  
 Romani eloquii pater, & te dignus alumno.

Cura prior fuerat, diuina uolumina iuris  
 Scrutari, & Petri monitus, documentaq; Pauli.  
 Hoc pueri quid tam uiridi male linquitis æuo  
 Discere, quid Christi iubeat sacra pagina, quid nos  
 Ius sanctum doceat, moneatq; scientia legum.  
 At nunc pro studio iuuenes rationis egentes,  
 Sæua pharetrati pueri accipiuntq; fouentq;  
 Vulnere, quæ teneras corrumpunt sumpta medullas.  
 Et docili exornant flauentes arte capillos,  
 More puellari, quales per tempora Circe

Floribus

Floribus illudens circumplicuisse corollis  
Dicitur, atque auro, & gemmis religasse superbis.  
Vdas perq; domos redolent unguenta proterui;  
Denique per cunctas sordes impune uagantur,  
Inde Dionæos stulti sectantur amores.

Texitur his celsum teneris puluinar acantho  
Sidonio, & signis torus eminent altus eburnis.  
Qualem Dardanio diues Phœnissa marito  
Strauerat, & Phario coniux lasciua tyranno:  
Mollia plectra placent, citharæ, cantusq; lyræq;  
Tympana, & inflato concordans tibia buxo.  
Ah nimium teneras corrumpunt ocia mentes.  
Non mare nauigiis sulcant; modo martia bella  
Quis sequitur, famam ut pariat patriæq; sibiq;?  
Nullis ardor inest similis, sed currere tentant  
Per fora, & illecebris blandas captare puellas.  
Hic amor, hoc studium, mare, sunt hæc prælia uanis.  
Sed tu quo patrios ualeas ornare penates  
Tutior, & studio felicem ducere uitam,  
Insignem famamq; tuam seruare, precamur  
Non secus hæc uites quàm tristitia spicula mortis.  
Talia (crede mihi) labefactant otia mentem;  
Ex sano insanum efficiunt; nec durior ulla  
Pœna uenit puero, simili quàm incumbere uitæ.

Vos

Vos quoque nunc iuuenēs totis contendite neruis,  
 Accipere auriculis præcepta bibenda tenellis.  
 Usque adeo siquidem iuuenum petulantia crescit,  
 Et Sirena demulcet pectora cantu,  
 In uitia ut cuncti tanquam in uiuaria currant.  
 Quodd si sanctarum præclara uolumina legum  
 Quis legat, & sacris studeat pallescere chartis;  
 Non deerit naso qui illum suspendat adunco.  
 Hinc uirtus neglecta iacens male cognita, nullum  
 Nomen habet meritum defert quia nemo decorem,  
 Hos fugias monco peius cane, peius & angue.  
 Hos quicunque sapit, uiræ estq; adamator honestæ  
 Ridet, & a tergo deducto exhibilat ore.  
 Si patris ipse cupis stirpem illustrare, domusq;  
 Nomen Atestinæ deducere in æthæra fama,  
 Qualis auus, qualis genitorq;, & Dia Renata,  
 Illustrant nostrum; seu lucida sidera, sæclum;  
 Hos nostros memori seruabis pectore iussus.

Illecebras fugias mæreticum. fœmina turpe  
 Mancipium faciet. poteris tolerare labores,  
 Imperiumq; pati? uictusq; recedere capta  
 Infelix præda, atque iterum parere superba?  
 Turpius esse nihil, reputo nil peius, auaræ  
 Subdere quàm collum Veneri, & seruire leænæ.  
 Liber, eris seruus: si poscet munera, danda.

Sin

Sin minus, eiiciet cernens te lumine toruo.  
Mobile fert pectus, mentem quoque fœmina uersat  
Mutantem huc illuc. sero cognouit Vlysses  
Sirenum cantus, medicata ut pocula sensit,  
Callidus abstinuit domina meretrice, nec inde  
Paruit imperio, non aures præbuit illi.  
Fœmina nam turpis, fallax, crudelis, auara,  
Non gaudere potest uno contenta marito.  
Nec prius è strato surgit, quàm Phœbe fenestras  
Vrit, & in molli producit membra cubili.  
Quis reperire queat casti connubia lecti?  
Peccat uirginibus, nuptis quoque peccat adulter,  
Filia semper habet miseros trepidosq; parentes,  
Vera loquor, semper coiux metuenda marito est.  
Quandoquidem gaudet flauos iactare capillos,  
Pectora nuda simul gemmis ornata superbis.  
Vberaq; ostendit pariter quæ uertere mentem  
Hyppoliti ualeant, miseri mala semina amoris.  
Quæ magis optata cum ridet imagine, fallit,  
Ipsa uocat, quando standum est. semperq; timebis,  
Verna ministerium dominæ, litesq; molestas,  
Seruitiūq; iugum patieris liber amarum.  
Cuius in insidias postquam deuoluimur, omnes  
Libertatem animi, spoliū memorabile prorsus  
Perdimus,

Perdimus, ecce bonum quo nullum denique maius.  
 Mortales duo magna ferunt, duo pulchra repēdunt,  
 Famam, & opes, cuncti splendoris nomina quærunt.  
 Quapropter duros subeunt uariosq; labores.  
 Gloria magnanimos urget sola inclyta segnes  
 Inflammāt. reuerere igitur sanctumq; piunq; :  
 Sin secus, infami digito monstraberis olim;  
 Nitere nomen aui & uirtutem augere paternam  
 Maeste tua, sic te iam curia sensit ab illo  
 His genitum titulis, & tali teste probauit,  
 Qui populos regat, & mundi moderetur habenas.  
 Asserat & proprio uictor Capitolia Marte,  
 Vnicus instaurans sublimis mœnia Romæ.  
 Euge tui iussu studiis addicte parentis,  
 Effuge blanditias Veneris, fomenta malorum,  
 Quæ ueluti genitrix, uitæ alimenta ministrat. (tes,  
 Hinc aliud monstrum superest, quod perdit amā-  
 Postquam consumpsit uires damnosa uoluptas)  
 Exoritur comitata malis, comitata dolisq; .  
 Alea, quæ in summum iactat conuicia cœlum,  
 Pro nihilo magni ducens mandata Tonantis.  
 Denique mendicam cogit traducere uitam.  
 Inspice quot clades anceps ferat alea, quantas  
 Excitet ærumnas, quot & impia crimina secum  
Aduchat

Aduerſat, à luſu poſtquam deſiſtit inani,  
Et uidet in miſera ſe paupertate iacentem.  
Tum queritur, facinusq; audax prorumpit in omne.  
Deturbare iuuat ſocios, componere ludos,  
Furta ſequi, ſclerum quibus eſt ea cura priorum.  
Quàm multi ad nihilum iuuenes ſunt ſæpe reſecti,  
Auri queis dederat ſors multum, rura colebant  
Ampla quidem, & Cræſo longe maiora tenebant  
Diuite, uel Dorylas is quæ poſſederat heros,  
Aut magno, uel non Miluis errata, Sichæo.  
Regia cui centum fuerant uariata columnis  
Mœnia, & in cœlum niueis candentia ſaxis.  
Nunc domus anguſta eſt, culmis uel ceſpite teſta,  
Alea tot fallax in tartara miſit egenos,  
Carnificis gladio iugulatos, morte pudenda  
Ad generum Cereris quot peruenere? Quid ultra  
Te moror? obſcurant quæ noſtras omnia mentes,  
Effuge. ſic dignum patrio te ſanguine dicam.

R AD

## AD EVNDEM SERMO II.

CCE aliud uitium, quod nos rationis  
E egenos  
Efficit, horrendum, dirum, dum uiuimus  
ipsa

Formidabilius sæuæ caligine mortis,  
Præcipitesq; trahit sensus consumit & artus.  
Quod nomen lædit quouis pretiosius auro,  
Polluit & diro mortalia cuncta ueneno.  
Ebrietas studio multum nocet, innuba Pallas  
Vinosos spernit, spernit cum Pallade Phœbus:  
Lenæis quoniam prudentia uincitur armis.  
Vnde alia est nobis species, uultusq; , animiq; ,  
Nec uigilare iuuat, sed longos ducere somnos,  
Tantum uina nocent, tantum ualet ardor Iacchi.  
Tu puer ante omnes, puer o Phœbæ, uenenum  
Hoc fugias. id uterque rogant cupiuntq; parentes:  
Quos animi claros uitæq; modestia cœlo  
Aequat, & in numero uirtus locat una Deorum.  
Sin secus, insanum efficiet, perdetq; ualentem  
Viribus, ut nunquam possis damnatus in artus,  
Firmos



Firmos ferre pedes . ut qui mordente podagra  
Corripitur , senioſe graui morboſe caduco :  
Ebrius huic ſimilis collabitur , ante nec amens  
Corpora tollit humo , quàm ſic deſcendit , ut altum  
Pectus , & attonitos ſenſus ſine fine perurat  
Bacchicus ille furor , morbo truculentior omni .  
Illi libertas hominum ſecreta loquendi ,  
Per ſe occulta patent , nec habet vox edita ſenſum .  
Aſt ubi iam pullis nubes diſcuſſa tenebris  
Ebrietatis adest ; tunc demum pœnitet ipſum ,  
Cum ſe uirtutis priuatum lumine cernit .  
Dein uelut inſanus mentem linguamq̃ ; reſoluit .  
Vnde fit adſimilis Nymphæ , quæ furta Tonanti  
Prodidit , & rapta pœnſauit crimina lingua .  
Quam Deus inferni tremulis ululatibus Orci  
Puniit , obductis priuauit luce tenebris .  
Sic patria Archilochus bis terq̃ ; exire coactus ,  
Mæuius & rigidi eſt perpeſſus carceris umbras .  
Hæc tu non fugies turbato crimina uultu ?  
Crimina quæ tristi deducunt ſede Megaram ?  
Hæc eſt uitiferi uulgata licentia patris .  
Qui Baccho indulget , non ſe cognoscit , & illum  
Deſerit alma ſalus ; qua mens ſenſusq̃ fatiſcunt .  
Si bene nunc recoles , nunquam reminiſcitur illud

Quod didicit Bacchi furiosi tanta potestas  
Deprimit ah pectus bona corporis, & bona mentis  
Destruit hinc iacet absque oculis, & lucis honore  
Post oritur turpis scabies, & tabida lepra  
Aut maculis fœdata cutem Mentagra cruentis,  
Hinc misero stillant oculi, gemituq; profundo  
Membra tremunt, semper nimio fumantia uino  
Undique circumstant famuli Bacchoq; laborant  
Sufficere, atque omnes miseri placare furorem  
Iugiter in medio cruciat sitis arida potu,  
Sufficiat plenolice omnia copia cornu,  
Quo circa tetro facies suffusa colore  
Undique tota rubet consperso saucia tabo;  
Vritur acre iecur, putrido pulmone fatigans  
Vocis iter, uirus sternens cum corpore sensus.

Summe pater scelerum pater o Lenæ, potensq;  
Rixarum, exorto quid non mortalia bello,  
Pectora sollicitas, cratere occultus in ipso?  
Pirynthi mensas turbasti cæde nefanda,  
Et Lapithas duro stimulaſti Marte bimbres.  
Sic animis thyrsus gignis, mittisq; furorem,  
Non aliter quàm cum celebrant trieterica mæres  
Sithoniæ, furiis agitata & numine diro.  
Intumuerè satis cum mille furoribus iræ.

Progrederis

Progredieris terrore nouo , miserósq; per artus  
 Horror adest , furit ille simul simul omnia flammis  
 Collucere putat , ruere & de sedibus orbem .  
 Occubat Alpenor gradibus delapsus emacem  
 Ebrius ad Circen , similiq; Philostratus una  
 Absumptus fato est , & funere mersit acerbo ,  
 Quot mala quæq; ferat Bromius , quot miserit Or-  
 Dicere longa mora est . quærenti sufficit unus , (co,  
 Exemplo qui sit . Pellæus maximus ille  
 Fidum inter mensas ( forsan noua monstra uidentur )  
 Percitus ense mero iugulat , sociumq; trucidat .

## AD EVNDEM SERMO III.

I                N SEQUITUR Bacchi uicium comes im-  
                   proba uentris  
                   Ingluuias . quare moneo te more paren-  
                   tis ,

Deducto capias quæ do tibi carmine Princeps  
 Consilia , æternum forsan uictura per æuum .  
 Nanque ut thyrsiferi dulcedine numinis hausta ,  
 Fit rationis inops quisquis . sic uentre repleto  
 Carpitur , & solitus pariter salit ille recursus

Ingenii ,

Ingenii, & primis foribus fugit impetus amens.  
Nam quicunque gulæ sectantur gaudia turpis,  
Et renouant gustus epulis, pelagoq; ciborum,  
Haud dubie fiunt hebetes, lucemq; perosi  
Deficiunt omnes labefacti in corpore sensus.  
Hinc stomachus languens, epulas, quas ante uorauit,  
Euomit, & tremulos uertigine concutit artus.  
Pocula nil illi, nil dulcia fercula profunt,  
Nil uolucres, turdus, perdix, aut Phasidis ales,  
Et nil pernices, lepores, nil hœdus, aperue.  
Tanta superueniunt tumido fastidia uentri.  
Hinc atrox febris miserum comburere pectus  
Pergit, & arsurum uexat Phlegetonica corpus,  
Cursibus aut mediis alterna fraude pererrat  
Tempore composito, seu quæ furibunda diebus  
Inserpit uariis, spacium & præoccupat horæ  
Pallida uenturæ, ut morbum fera fata sequantur,  
Seu quæ continuis mortalia membra fatigat  
Ignibus, & uitæ requiem negat improba nostræ.  
Sic homo mille modis patitur mala plurima semper  
Deteriora fouens, morbo uexatus acerbo,  
Languescit, uires abeunt, sensusq; colorq;  
Brachia uix humeris, solido uix crura bacillo  
Sustentata uides; multis mœroribus angi,  
Luctibus,

Luſtibus, & demum celeri confectus ab æuo  
Egerit ore cibos, quos turpe ingeſſerat ante.  
Et quæ tunc habuit molli uerſanda palato  
Vix eſt apta manus digito retinere cadenti.  
Pallida nec poſſunt electas labra medullas  
Carpere, conditas epulas ſed reſpuit, ægris  
De manibusq; cadunt tremulis tunc pocula uini  
Ecce gemit coniunx, quid filius? ipſe ſenectam  
Conqueritur miſeri longum durare parentis.  
Hæc data pœna gulæ, quoties hæc ſæpe uorando  
Tentat, & ingluuiem ingeminat, pelagusq; ciborum,  
More boum, certe ſunt hæc mala ſemina fati  
Præſcia uenturi, ſubitæ & prenuntia mortis.  
Occidit Andragoras & Quintius occidit una,  
Hos etiam extremos obitus habuiſſe feruntur  
Aere ſub puro cœnantes, Panſa, Vitellus.  
Quid referam externas mortes? & dicere menſæ  
Fata repentinos coner ſubeuntia caſus?  
Et mea longinquis reflectere dicta querelis?  
Teq; per obliquum deducere uepribus agmen?  
O tu, qui Latii ſplendor, ſpes unica patris,  
Et patriæ decus, & totius gloria ſæcli,  
Cuncta hæc ſi effugies fidi memor uſque Faleti  
Dignus Ateſtini diceris ſanguinis hæres.

Sola

Sola etenim uirtus mortalibus inclyta cunctis  
Imperat, & domito late dominatur in orbe.

LIBRI SEPTIMI FINIS.

HIERO-

HIERONYMI FALETI  
POEMATVM  
LIBER VIII.

AD SERENISSIMVM LAVRENTIVM PRIVLVN.

VENETORVM PRINCIPEM.

TOTO animi studio tibi gratulor, opti-  
me Princeps,  
Quòd tibi sit patriæ tradita habenà  
tuà;  
Illa prius uidua, & caro spoliata parente,  
Quàmprimum optauit cernere posse alium,  
(Inter honoratos procures quos alma creauit)  
Munia qui summi posset obire Ducis,  
Omnibus exemplo qui sit, nomenq; ; domumq; ;  
Magnanimos ut qui nobilitaret auos.  
Pacis amans referat ueteres hæreas, & arma  
Propellens, Iani claudat, & ipse fores.  
En sydus gratum uotis, luxq; alma refulsit,  
Et plaudente manu te pia turba legit.  
Atque ubi iam prudens te delegere senatus,  
Cui tua curæ omnis uita salusq; fuit,

S Cælicolis

Coelicolis reddunt manifesto munere grates,  
Proq; tua spargunt thura salute focis.  
Confugiunt simul atque hilares ex ordine ciues,  
Mox concepta animo gaudia lata ferunt,  
Sperantes sub te languentem assumere priscas  
Italiam vires, & uetus omne decus,  
Nec sit, tū ante, malis pāssim exagitata tyrānis,  
Nec iaceat tristi semisepulta situ.  
Accendens populis animos, ne ferreus ille  
Sauiat in nostros Mars uiolentus agros. T  
Nec uideat Rhodani uē Tagi immisceri undas  
Amplius Eridano libera Roma truces.  
Quisque suos fines habeat, neque tangere puras  
Ausoniae fluius audeat alter aquas.  
Hac facient Italas olim tibi cedere gentes,  
Sponte sua à tanto quærere iura Duce.  
Quæ cupient parere tibi, uexillaq; Marci  
Per mare, per terras undique tuta sequi.  
O mihi tunc liceat Princeps tam clara Priule  
Carmine grandifono facta referre domus.  
Quidquid erit lingua, quidquid sermonis, & oris,  
Promptum erit ad laudes expositumq; tuas.  
Nam decus æternum cupio tibi, sæcula uitæ  
Fauusta simul, lætos tum sine fine dies.



## IN OBITVM FRANCISCI

Venerii Venetorum Principis.

Ic est Venerii tumulus, quid ego ultra  
H sepulti

Commemorem tanti stemma, decusq;  
uiri?

Occidit heu Princeps, sed uiuida nominis eius

Gloria non ulla est deperitura die.

Non satis est, Venetum cecidit delapsa columna,

Et nostræ pariter urbis, & orbis honos.

Vnde olim decus eximium surgebat, & uni

Surgebat multis Adriamagnus aquis.

Si quid erat dignum scitu belli, pacisq;

Tempore, solerti non erat ingenio.

Siue magistratus regetet, sanctumq; senatum;

Siue rudis populi commoda quaesierit.

Qui cum diuersas gentes legatus adiuit,

Flexit magnorum corda, animosq; ducum.

Nestorea tantum lingua potuitq; disertus;

Eloquio, hinc semper uictor, ouansq; fuit.

Postremo lectus, patriæ ut tractaret habenas,

Principis egregii præstitit officium.

S 2 Hæc

Hæc faciunt hominum famam uolitare per ora,  
Nec finit angustis occubuisse rogis.

DE CAL. IANVARIIS,  
Ad Herculem Estensem Ferrariensem Principem IIII.  
& Carnutus I.

EXERE. Iane caput, felixq; inuise repositas

E. Eridani gentes, exere Iane caput.

Hoc Deus Alcides, & Diua Renata merentur,

Hoc pia progenies, exere Iane caput.

Hoc tot magnanimi proceres, hoc sancta precatur

Curia, quid cessas? exere Iane caput.

Hoc pueri, mätresq; rogant, hoc grandior ætas,

Si quis honos genti est, exere Iane caput.

Euge ueni formose ueni, sat acerba Decembris

Frigora pertulimus, bellule Iane ueni.

Fallor, an, aurora roseos ducente iugales,

Ianus adest. certum est, extulit ille caput.

I puer, & graciles Philira mihi nocte coronas,

Profer, & antiquis pura falerna cadis,

Ianus

Ianus adest, da uina focus, da thuris aceruos,  
Tota mihi eo fumet odore domus.  
Cernis ut exultans bifrontis imagine Iani  
Eridanus uitreas eiaculetur aquas:  
Vt reduci gratentur aues, ut flumina circum  
Nescio quid solito mollius ore canant.  
Fausta mouent uolucres, feliciter incipit annus;  
Credite, felices quiq; sequuntur erunt.  
O salue bone Iane, bonisq; inuecte calendis;  
Sæpius Alcidaë tecta reuise pater.

## AD GABRIELEM CESANVM.

VANTVM magna tibi Ferraria displicet uni,  
Q Ipsa mihi tantum deliciosa placet.  
Namque hic regali sunt structa palatia sumptu,  
Vertice quæ ualeant tangere summa poli.  
Et delubra Deum uariis constructa columnis,  
Quæ doctæ assurgunt arte superba manus.  
Hic plateæ, latæq; uiaë, queis tota iuuentus  
Siue pedes, uel eques, currere adulta queat.  
Hic hominum comis cœtus pulchræq; puellæ,  
Quæ forma cunctas exuperant Veneres.  
Atque

Atque hic Vulcani tormenta educta caminis ,  
Herculis excelsa quæ fabricata manu;  
Hic Padus excurrit prope mœniâ maximus , ille  
Rex dictus Latia nomine solus aquæ;  
Hinc uada falsa uagus tentat decurrere nauta ,  
Tam facile Eridani uoluitur unda salo.  
Adde peregrinas merces , mercator ab omni  
Quas uehit occiduo , siue Oriente polo.  
Sunt hic argentiq; ingentiâ pondera , & auri;  
Qualia Germanus , Persicus , Indus habent .  
Omniparens tellus fœcundo est florida par tu,  
Messibus est multis fertilis omnis ager .  
Hic grauidum pecus est , armenta q; pingua passim.  
Vndique tam grato gramine terra uïret ;  
Quod uero austeri non sit tam prodiga Bacchi ,  
Producens tenue benigna terra mœrum;  
Non abies crescat , non duræ robora quercus ,  
Sola leuans tenui membra calore salix ;  
Iccirco patiare gelu Cefane , sitimq; ;  
Est tamen urbs aliis dotibus aucta suis .

AD

## AD HERCVLEM ESTENSEM,

Ferrariensium Principem IIII.

&amp; Carnutum I.

PLENDOR Atestini decus es qui sanguinis, & qui  
In tua deiectas pascua mittis oues,  
Quiq; truci populum subducis ab ore tyranni,  
Viuat ut in placida pace domoq; sua;  
Hunc seruans, tollensq; manu, fulcrumq; subinde  
Herculeasubdis uiq; animoq; pio,  
Hic ubi tuta sibi posuit uestigia, sedemq;  
Alma quies certam, repperit æger opem.  
Hæc quoniam tibi sunt diuum data munera, tanto  
Haud puto me indignum munere posse frui:  
Porrige opē Princeps, potis es, simul optime cōfer  
Auxiliatrices in mea uota manus:  
Nam prompta obsequii iubet hoc patientia nostri,  
Et tibi seruata pectora cuncta fide.  
Id tibi erit paruum, quoniam tibi magna supersunt,  
Et mihi, cui desunt paruula, magna dabis,  
Quòd mihi sollicitos poteris mulcere labores,  
Atque animi curas rite leuare graues.

AD

## A D E V N D E M

Q VAS tibi pro meritis Princeps clarissi-  
 me laudes,  
 Quo tua grandiloquo carmine facta ca-  
 nam?

Inclyta quem probitas longe ad maiora reſeruat,  
 Ut ueluti è cœlo Phœbus in orbe mices.

Vix poſſet numerare tuas dux inclyte laudes,  
 Qui Phrygis errores & fera bella canit.

Iam uolitant immenſa tuæ præconia famæ,  
 Iam uolitat nomen docta per ora uirum.

Tu patriæ populiq; pater, tibi publica cura,  
 Tu pietatis honos, iuſtitiaq; decus.

Seq; tuo tradi uoluit prudentia ſceptro,  
 Canaq; cum ſancta religione fides.

Diceris in terras ex alto miſſus Olympo,  
 More Iouis, populos quo tua dextra regat;

Quos ita reſtituet tua quæ ſapientia ſumma eſt,  
 Ut ueteres fruſtra iam memoremus auos.

Sed quid ego Herculeas pygmæis carmine uires  
 Aſimilo, & uaiſto flumina parua mari?

Non tecum priſcos auſum componere reges,  
 Tu melior quouis Principe ſolus ades.

AD

## AD FRANCISCVM ESTENSEM,

Alfonsi Ferrariensium Principis filium,  
ac equestris militiæ Cæsareæ  
præfectum.

AGNANIMVM soboles & gloria clara  
M parentum,  
Inter Atestinos primus habende duces.  
Quodd pius Aeneas, quodd fortis uixit Achilles,  
Hector & Iliacæ firma columna domus:  
Scipio quodd uicta rediit Carthagine uictor,  
Quoddq; suo exuias Cæsar ab hoste tulit:  
Et quodd nunc, ueræ fidei tutela decusq;  
Inuictus Cæsar conspicuusq; uiget:  
Innumeris uatum clarescunt carmina factis,  
Nomine priscorum magnificumq; ducum.  
Sic (obscura licet, nec tanto Principe digna)  
Clarescent factis carmina nostra tuis.  
Restituis Belgas, infestoq; eripis hosti,  
Subtrahis & duro colla subacta iugo;  
Tempore quo ductor Gelrhorum milite septus  
Vastabat pingues sanguinolentus agros.  
Inde manet nomen, labor & sudatus in hostem;  
Inde tuus regnat Cæsar, & ille fugit.

T Quis

Quis tua grandifono celebrabit facta cothurno ?  
Hæc tuba Mæonide, hæc musa Maronis erat.

AD LANFRANCVM GYPSIVM,  
summum Ferrariensium Principis  
Procuratorem.

ON ne sub obiicibus latitat Vulcanius  
N ignis,  
Et tamen inclusus spiritus intus inest?  
Non ne etiam rutilum pluuias post sæpe reducit  
Delius, ardenti uectus in axe, diem ?  
Non ne etiam hunc cæca totum sub nocte latentem  
Cernimus auratis mane redire comis ?  
Non ne etiam occultat florentes spina racemos,  
Et tamen humenti subrubet uua mero ?  
Non & bruma cadit gelidis comitata pruinis,  
Cum matutino rore madescit humus ?  
Nysæq; latent obducta fronte sorores,  
Mæonia quamuis tempora fronde uacent.  
Non arbor, non planta uiret, non gramina surgunt,  
Cum torpet cano terra perulsa gelu ?  
At cum flant Zephyri, glacie cum terra soluta est,  
Prata uirent, surgit non prius ausa Ceres.  
Erumpunt



Erumpunt gemmæ tunicis in palmite fîsis,  
 Luxuriat densis quercus opaca comis.  
 Sic me Gypse puta, quamvis mihi uena pusilla est  
 Carminis, ad laudes surgere posse tuas:  
 Si tua, quæ nunquam patitur reticere pœtas,  
 Inspiret musæ mollior aura meæ.

## E P I C E D I O N.

Cæsar Fregosius loquitur.

E v quis iam rebus firmet sua uota se-  
 H cundis?

Succedunt lætis tristitia temporibus.  
 Dum Veneti fueram miles, ductorq; senatus,  
 Omnia, quæ poterat, fors mihi larga dedit.  
 Gens præclara meum uenerata est Gallica nomen,  
 Quin etiam Hispani me tremuere duces.  
 Vidit & instabilis fors me super æthera uectum,  
 Risit, & ex alto traxit ad ima caput.  
 Nanque ego, Rhinconi solus dum iungor, ad oras  
 Turcarum à Gallo qui modo missus erat,  
 Heu misere occumbo insidiis exceptus iniquis,  
 Mergor & in medio corpus inane Pado.  
 Sic reges regna ipsa premunt, sic tempore paruo,  
 Maxima quæ fuerant, præcipitata cadunt.

T 2 MONO-

## MONODIA IN CAMILLVM

fratrem carissimum.

H<sup>ic</sup> NIMIVM transacta tuæ cito tempora  
Auitæ,

Ah nimium celeres in tua fata deas.

Tu tamen o, facili nutu qui sidera torques,

Necte iterum fratris fila resecta mei.

Motus erat dictis, cum protinus ora Camillus

Sustulit, & tremulo hos fudit ab ore sonos.

Iam mihi summa quies, iam præmia læta parantur,

Dulcis adest tandem funeris hora mei.

Sed vos femineo quid funditis ore querelas?

Quid iuvat emeritum detinuisse uirum?

Nō me blandus honor, nō me labor improbus auri,

Non reuocet toto quidquid in orbe iuvat.

Quid mihi, si cantus inter mollesq; choreas

Fluxissent omnes ad mea uota dies?

Sed tandem festum uocat in sua regna clientem

Christus, & hinc celeri me iubet ire pede.

Vos igitur fratres, genitorq; o Guide ualeto,

Et mea sub memori condite dicta sinu.

AD

## AD DIVAM IUNIPERAM

Malatestam.

V M tua sideras æquantia lumina flam-  
mas,  
D Et placidos uultus Iunipera aspicio,  
Pallada tunc uideor Cyprinq; uidere dolentes  
Inuidia sparsis crinibus ingemere.  
Et merito, nam pulchra nimis spectacula præbes,  
Insidet & roseo mirus in ore pudor.  
Quaq; moues artus, artus opobalsama spirant,  
Igniuomasiaciunt lumina mota faces.  
Mirantur Phœbusq; pater, doctæq; sorores,  
Dum lepidum profert blandula lingua melos.  
Seu graderis, lætæ Charites comitantur euntem,  
Siue sedes, tellus suggerit alma rosas.  
Et circunstrepitant risus, facilesq; cachinni.  
Quidquid agis, tota es Gratia, tota Venus,  
O decus egregium, rara o clarissima forma,  
Digna polo, à summo digna Tonante rapi.  
Aurea fatales ducant tibi pensa sorores,  
Nec decus eripiant sæcula longa tuum.  
Sed quò me miserum retrahit tam dira cupido?  
Aeterni ut cupiam quæ mihi causa mali?

AD

## AD IVLIAM.

N O N ego fortunas Cræsi , Liciniq; po-  
tentis

Expeto, nō quidquid uoluit arena Tagi.  
Optatis modo det uotis me posse potiri  
Iulia, Persarum non ero rege minor.  
Tantum forma ualet , tanti est spectata uenustas ,  
Et qui sidereo splendet in ore nitor .  
Huic est forma potens , sunt æmula lumina flammis,  
Lumina quæ possent sollicitare Deos.  
Hæc candore niues uincit, superatq; rosarum  
Fulgorem , in toto corpore nulla nota est.  
Quidquid agit , siue incedit , siue ac cubat, aut stat ,  
Aut sedet, ornat eam subsequiturq; decor .  
Iuppiter hanc uideat , subito descendet Olympo,  
Fiet olor , satyrus, taurus, & Amphytrion.  
Ah ubi te uideo, promittit spes mea de te,  
Tu nihil, at semper claudis iniqua fores .  
Cur mihi perpetuas noctes ingrata querenti  
Ante fores , surda respuis aure preces ?  
Scis ut uerus amor sibi mutua uincula poscit ,  
Scis ut coniunctos mutuus ignis alar.

Ergo

Ergo meis fueris quoties inuicta querelis,  
Et cum despicias uota precesq; meas;  
Imprecor iratos superos, umbrasq; silentum,  
Nec minus anguicomas in mea fata Deas.  
Nanque prius mundo tellus alimenta negabit;  
Phœbus & occiduo ducet ab axe dies,  
Et Tagus Eridanum Xantusq; augebit Iberum,  
Effluat ex animo quàm mea uita meo.  
Sic me uexat amor, sic me ligat ille uolentem,  
Et sæua imperio me premit usque suo.  
Quæ mihi diuitiis, anima mihi dulcior ipsa,  
Carior est geminis quæ mihi luminibus,  
Hei mihi mutata es cur Iulia? nam mihi uita  
Inuisa est, nec lux, nec iuuat ulla quies.  
Viuerè non possum sine te mea Iulia: quæso  
Elige, me ne uelis uiuere, me ne mori.  
Me sub amore tuo consumat longa senectus,  
Tu mihi primus amor, tu mihi serus eris.  
Effugere hoc nunquam potero, seu Nestoris annos,  
Siue ego Phœbeæ tempora uatis agam.

AD

## AD EANDEM.

HEU, quid sine te solitos incendis amores  
E

Julia, deliciis semper amica tuis?  
Te sine nulla iuuant pueri non tela, nec arcus,  
Quid rogo uis? nobis te sine dulce nihil.  
Iam tibi connubii spes est, uenit ecce maritus  
Rusticus, & thalami scandere fulcra cupit.  
Proh, tua Thersites est qui connubia poscit,  
Qui reddet turpem teq; , tuumq; torum.  
Qui stabulis foetas solitus depellere uaccas,  
Lanigeras solitus pascere semper oues.  
Ah quoties illum uidi gestare per urbem  
Lactentes uitulos, cornigerumq; pecus,  
Ducere & errantes hircos, hirtasq; capellas,  
Et potum pastos nocte dieq; greges.  
Me miserum, rigidus turbat mea uota bubulcus,  
Iniicit audaces in mea iura manus.  
Ah morior, cum tam turpes intrare penates  
Quaras, & uili subdere membra uiro.  
Oscula præripiet diuum redolentia nectar?  
Scilicet ore olido, quod nisi uirus olet.

Quale

Quale sub infernis stygius canis efflat auernis,  
Quale uel indomitæ stillat ab inguine equæ.  
Hæc didicit pastor manibus dum mulctra teneret,  
Ad se blanditiis pelliceretq; gregem.  
Illic inculto primum se exercuit ore,  
Illic compressis dentibus ille fuit.  
Illic & simili reuirescent omnia fato  
Semper in exitium Iulia bella tuum.  
At tu fallacis fugies tam dira mar iti  
Basia, congelto quæ modo felle madent.  
Et mihi si credes, constanti uoce negabis,  
Rusticus in thalamo ne cubet iste tuo.  
Ne te decipiat moneo, tua si bona nescis  
Seruare, ad memè nuda puella ueni.  
Non ego te lædam (nec dicere uera pudebit)  
Hærebis semper pectore sola meo.  
O quàm grata quies, o quæ tunc gaudia fumes,  
Gaudia, quæ possint sollicitare Deos.  
Ac rursus formosa meis stringenda lacertis  
Euge ueni, uenias, euge puella ueni.  
Basia non deerunt etiam geminata, papillis  
Et uenient geminis ingeminata tuis.  
Magna peti fateor: sed si non digna probantur,  
Hoc tecum ueteris pignus amoris habe.

Ne liceat partes illi tractare latentes,  
Hoc precor, & semper sit tibi uirginitas.

AD ANTONIVM A GRANVELA  
Antistitem Attrebatensium amplissimum.

AMDVDM ausculto pronam suspen-  
I sus in aurem,  
Quæ noua sit capiti gloria parta tuo.  
O utinam præful rutilo splendere tiara  
Dixisset crines nuncia fama tuos.  
Iam prouectus equo gelidos spumante per axes,  
Cœpisssem Boreæ frigora dura pati.  
Donec Cæsaream tandem deductus ad aulam,  
Optata aspicerem gaudia tanta mihi.  
Virgo daret portus fidei quæ conscia nostræ est,  
Adq; tuos ferret me Dea sancta pedes.  
Visa mihi insomnis Granuelæ stirpis imago,  
Vtq; solet, nobis dulcis imago fuit.  
Forma erat adsimilis qualis cum surgit ab ortu  
Delius, & roseo ducit ab axe diem.  
Serta refulgentes cingebant laurea crines,  
Qualia Pegasides, qualia Phœbus habet.  
His ego tam uariis formis agitatus, ocellos  
Erexì cupidos protinus ipse meos.

Tum



Tum uidi splendore uias, impulsaq; fatis  
Omnia plena uiris, omnia plena Deis.  
Nullus ab occiduo fuerat tam disitis orbe,  
Certatim qui non mutua dona daret.  
Gallia cœruleis aderat coniuncta Sicambris,  
Et munita suis Anglia littoribus.  
Hic erat Epeirosq; , erat hic Cyprosq; , Rhodosq; ,  
Et posita Adriacis insulae in æquoribus.  
Adde alias urbes gemmisq; auroq; potentes,  
Quasq; sua Ligures sub ditione tenent.  
Ponēsequebantur uariis succincta pharetris  
Agmina Nympharum, quæ uada rauca colunt.  
Prima dabat uiolas, serpilli Cytheris, & Hero  
Candida iuniperos, Deiopea crocum,  
Ast Ephire lauros, amaranthum Ceiris, Adonim  
Cynthia, Narcissum Chloris, & Hybla rosas.  
Parthenope casiam, florentes Lydia myrtos,  
Abrotanum Psyche, lilia Leucothoe.  
Floribus innumeris hic certabatur & auro,  
Spectabatq; nouum tota caterua Deum.  
Quæq; uehunt Venerem per florida rura, uidebam  
Flumineas blandum fundere carmen aues.  
Et simul aeris uolitabant inde columbae,  
Miscentes rauco murmura lata sono.

Cernere erat uarios ductos ex ordine circum  
 Mulcentes turba pectora læta choros.  
 Omnibus unus erat uultus lætissimus, omnes  
 Carmina tam fausto concinuere die.  
 Hic certe est quem Christus amat, quæ dixit Apollo,  
 Hic est iactatæ portus & aura ratis.  
 Sic pater è celsa prospexit desuper arce,  
 Sic sua constituit te duce signa regi.  
 Hæc de te populus, festiuaq; turba canebat,  
 Lætitiæ uarios emodulata sonos.  
 Quæ mea dum dulci mulcerem lumina somno,  
 Cuncta uidebantur uera fuisse mihi.  
 Excitor, hæc firmentq; Deos precor omnia, somnos  
 Esse ratos iubeant, perficiantq; meos,  
 Neme deluso falsa sub imagine, longo  
 Tempore te merita laude carere uelint.  
 Iam te Roma uidet tali dignissime cultu  
 Fulgere, & tanto munere læta frui.  
 Curia te excipiet toto comitante senatu,  
 Ad uultusq; feret protinus ipsa patris.  
 Cætera turba uirum felicia plectra sequetur,  
 Purpureæ tollet quæ noua signa crucis.  
 Quid loquar herbarum suaues, quid thuris odores,  
 Quid loquar hinc Arabum cinnama lecta manu?  
 Et

Et merito, quia te mortalia cuncta fugantem  
Crimina uirtutis carpere cernet iter.  
Cedent insidiæ, rabies, periuria, fraudes,  
Ira, dolor, luctus, squalor, & inuidia,  
Non ferus ensis erit, galeæ, tormenta, nec arcus,  
Vlla nec audebit dextra patrare nefas.  
Nulla tributa prement aut uestigalia terras,  
Mens poterit curis libera, pace frui.  
Iam bona peruigiles & nostra æraria fures  
Tuta sinunt, dites non rapiuntur opes.  
Per fora clamoræ nec erunt tot stridula, lites.  
Nullus & inuiso carcere uinctus erit.  
Terra suas tum mittet opes, & diuite gemma  
Ornabit uirides uitis opaca comas.  
Te duce cuncta fluent liquenti flumina melle,  
Te duce summittet balsama mollis ager.  
Qualia Idumæi reddebant semina campi,  
Qualia falcigeri sæcla fuere senis.  
Prælargasq; dabunt inarata noualia spicas,  
Et tenerum tinget purpura rubra pecus.  
Hic pecus, ille boues stabulis armenta locabit,  
Deducet pastas alter, & alter oues.  
Alter succidet fruges, arcente galero  
Aestus, cum flauos Sirius urit agros.

Alter

Altera pars salicēs, oleas pars altera glaucas,  
 Aptabit uulsis sentibus alter agrum,  
 Mitis & Hesperio Zephyrus spirabit ab orbe,  
 Flatibus antra mouens concaua dulcisonis.  
 Et simul è summo colludent uertice riui,  
 Colludet uiridi cœrula lympha solo.  
 Tum non aggeribus concreſcent flumina ruptis,  
 Non efferueſcet fluctibus unda nouis.  
 Tu pius, & prudens, tu ſeruantiffimus æqui,  
 Antiquum ſuperas religione Numam.  
 Roma ſuum jaſtat ſpecioſa laude Metellum,  
 Flagranti rapuit quòd pius æde Deam.  
 Quiq; ſuit ſancto in fratres animoq; paterno,  
 Parti tur proprias dum Proculus opes.  
 Miramur, quos fama canit, prohibentq; poetæ,  
 Cimmeriis tenebris inclyta facta regi.  
 Auditis uerum uiſos præponere iuſtum eſt,  
 Multorum nam tu quod fuit unus habes.  
 Triftia nulla premunt, faciunt nec lata ſuperbum,  
 Vtrisque in rebus uultus & unus adefſt.  
 Nullaq; ſublimem delectant ocia mentem,  
 Nulla tibi mane eſt, ueſpere nulla quies.  
 Iam mihi, iam uideor, ætos cantare poetæ,  
 Et tua grandiloquo carmine facta loqui.

Cernere

Cernere iam uideor condigno munere uates  
Donatos, quos hoc tempore solus amas.  
Succurris miseris hac tempestate camœnis,  
Ah tua si cesset dextera, littus arent.  
Hinc mea, crede mihi, si quicquam carmina possunt,  
Tempore non ullo laus moritura tua est.  
Non ego cessabo precibus pulsare Tonantem,  
Vt tibi det Petri posse sedere throno.  
Sic pater ille Deum iubeat qui conditor orbis,  
Qui regit arbitrio sidera cuncta suo.  
Nam quis Pontificis melius succedet honori,  
Cum senior meritos uiserit ille polos?  
Te melius nemo Christi seruabit ouile,  
Te pastore fluent aurea sæcla nouo.  
Si quis erit qui forte neget, clamabimus, est est  
Huic fatuum, & demens, & sine mente caput.  
Interea uentis communibus acta phaselus,  
Diuinam implorat iam Palinure manum.  
Excipe me seruum domine, & patrone clientem,  
Vatem Mœcenas, excipe pastor ouem.

## DE EODEM VATICINIVM.

O POPVLVS nimium felix, o mœnia fausta  
Structa manu, o diuum Romulidumq; domus,  
O nimium dilecta Deo, quam mundus adorat,  
Quam tremit inferni regia cæca Dei.

Sola decus terris , numerumq; auctura Deorum,  
Porrigē latitiæ maxima signa nouæ.  
Naulia nunc, citharæq; , & dulci barbita cantu ,  
Et populi uoces , sidera summa petant .  
Vincite nunc flammis noctes , decorate Deorum  
Limina , nunc costum , nunc date thura focis.  
Nunc & flore uiæ , fertisq; recentibus halent.  
Ocia nunc multis fausta diebus eant.  
Nullaq; sint populo nigri uestigia uultus ,  
Induc purpureos fœmina uirq; sinus .  
Turba sacerdotum populo comitante per urbem  
Tota nitens cultu diuite sacra canat .  
Aurea nunc terris Saturni redditur ætas ,  
Belligeras claudit Ianus uterque fores.  
Ecce facit , lati referat qui limina cœli  
Granuela , Ausonio uiuat in orbe fides .  
Ducamus faustas fora per spatiosâ choreas ,  
Multiplices cultus quæque puella ferat :  
Denique latetur cui sunt bona publica curæ ,  
Votaq; uenturo det pia pontifice .

LIBRI OCTAUI FINIS.

HIERO-

## HIERONYMI FALETI

## POEMATVM

## LIBER IX.

## DE CAL. IANVARIIS.

AD HERCVLEM ESTENSEM, FERRARIENSEM,  
Principem IIII. & Carnutum I.

ANE biceps, dum rus abeo, uillamq; re-  
uiso,  
Quò focer, & coniux imperiosa uo-  
cant,

Alcidæ populos, & regia tecta subito  
Aureus, & niueo uestus olere patér.

Scis bene quem dicam, nec enim moderatior ullus  
Viuit, & Ausoniæ regna superba tenet.

Expectas quæ dona feres? en accipe mille  
Felices annos, & sine fine dies.

Talia ieiunis nascuntur dona poetis.

Si meliora forent, & meliora darem.

Si de me quæret, dices, ualet ille, rogatq;

Nescio quid. nouit cætera, perge modo.

X AD

IT AD EVNDEM.

E Tsi diuitias non des mihi maxime  
Princeps,  
Nec modo marmoreas, conspicuasq;  
domos:

Commoda nec uita des conuenientia nostræ;  
Nec tribuas culti iugera magna soli:  
Sufficiet si me peramas, & sedulus in me  
Esse putas, quod uel ille, uel ille probet.  
Et satis hoc, dulce scribas, blandeq; rescribas  
Atque tuo dignum semper amore putes.  
Hæc mihi diuitiæ sint, lati iugera campi,  
Persarum gemmis & mihi pluris erunt.

AD CHRISTVM IESVM VT  
Herculem & Renatam Principes  
Ferrariæ sospitet.

ASCERE Idumæis promisse parentibus  
N olim:  
Vera Dei proles, nascere magnæ puer.  
Nascere,



Nascere, & humanis precibus si forte moueris  
 Dexter ades dominis principibusq; meis.  
 Iste paræs animos opibus gerit, illa pudoris  
 Exemplum, & raræ est norma pudicitiae.  
 Cumq; tuas ambo certent procumbere ad aras,  
 Non opis est nostræ dicere, uincat uter:  
 Sic illos pius urit amor, sic mutua iungit  
 Relligio unanimes, & pietate pares;  
 Exoreris uenerande puer, tua munera cerno, et  
 Sunt mihi siderea lumina tacta face.)  
 Sancte ueni, felixq; meis precor annue uotis,  
 Firma pro dominis quas tibi fundo preces:  
 Pelle graues iras Martis, compesce furorem,  
 Paxq; tuo redeat numine missa polo.

## AD ALFONSVM PRINCIPEM.

AGNE puer, magnos olim ducture  
 M triumphos,  
 Pro Latio quoties sumpseris arma manu,  
 Pro Latio, quod nunc externo Marte subactum  
 In te magnanimum crescere cernit auum.  
 Interea studiis dum mollibus aptior ætas  
 Est tua, & ad Gallum forte parabis iter,

Pierios mecum saltus, & amena uireta,  
 Antraq; musarum castra subire iuuet:  
 Texit ubi geminas iam nunc tibi fama corollas,  
 Veridicaq; aperit uoce futura Themis.  
 Scilicet ut Phœbo Martiq; addictus alumno  
 Et facias, &, quæ feceris, arma canas.

AD EVNDEM.

O N, quia consiliis egeas puer inclyte  
 Noster nostris,  
 Hæc præcepta tibi qualiacunque damus.  
 Nam tibi purgatos & dignos Principe mores  
 Qui neget, ille diem luce carere neget.  
 Sed quia uirtutis breuis hic documenta libellus  
 Continet, & uirtus est tibi sola comes.

AD COMITEM

Galeacium Tassonum.

ERA tribunicii Tassoni iuris imago,  
 V Floruit antiqui qualis in urbe Remi,  
 Comendat sua Pierides tibi sacra puellæ,  
 Sacra tuo quæ sunt digna fauore coli.

Illa

Illa diu neglecta tuas uoluuntur ad aras,  
Utq; uelis meritam ferre precantur opem,  
Certa manet merces, doctis celebrabere chartis  
Doctus, & æternum fama loquetur anus.  
Hactenus egregiis uixisti clarus in armis,  
Nunc placidæ libeat munera obire togæ.

## IN OBITVM FRANCISCI

Venerii, Venetorum Principis.

VI leges, qui iura domi largitus, & al-  
Q tos  
Continuit Reges, & uaga corda ducum,  
Indomitam haud potuit Princeps diuertere mortē,  
Parcarum nequii continuisse colum.  
Sed quid durum illi mors hæc? cum regna beatus  
Incolat, in media luce, sinuq; Dei?  
Purus ubi sanctusq; graui compage solutus  
Corporis, ætherio syderis igne micat.

## AD GALEACIVM GONZAGAM.

EST qui prælonga deducat origine nomen,  
Et referat ueteres nobilitatis auos.

Vel

Virtutem cuius Rhodanus miratur, & Hebrus,  
Rhenus, & auratis quà Tagus ambit aquis,  
Hoc pleno Padus ore tumet, tumet Adria, Martis  
Nec timet ardentis ille uel ille minas.  
Alcidæ hic spes una mei certissima, nanque  
Hoc uno tutum se putat esse Duce:  
Hunc mihi si incolumem serues, tibi taurus ad aras  
Concidet, atque focis mascula thura dabo.

AD FRANCISCVM VENERIVM,  
Venetorum Principem.

NON ab re tantum surgit tibi gloria Prin-  
ceps,  
Gloria mortales quæ fouet, atque Deos.  
Imperium ingentem laudem parit, & parit ætas,  
Consilium, & uirtus, quæ tibi sola co mes,  
Egregii mores, comis natura, uigorq;  
Iudicii, & sermo promptus in officio  
Te attollunt cælo; tibi dum memorabile nomen  
Acquirunt, & te numinis instar habent.  
Sic cum uera tibi consurgat gloria Princeps,  
Et laude insigni regia sceptras regas,  
Nil mirum hæc si uastus Athos miratur, & axis  
Gallicus, atque Indi zona remota poli.

AD

AD FRANCISCVM VARGAM

Oratorem Cæsareum.

GER crā passus fortunæ uulnera Vargi,  
 AE : Perturbāt animū quæ mihi sæpe meū,  
 Et nullo poteram succo, nec gramine,  
 & arte

Sanari, medicæ nil ualere manus :  
 Sed tua uis animi, facundi pectoris & uis,  
 Aegrum diuina pene leuauit ope,  
 Nam tanta humano tibi gratia fulgēt ab ore,  
 Et uigor arcano in pectore tantus inest.  
 Et quia consilio magnus mihi factus Apollo es,  
 Consilio gratus tu mihi semper eris.

AD DOMINICVM GABRAM,

Oratorem Gallicum.

VOD tecum crebro uerfer, tecumq; lo-  
 Q uendo,  
 Plurima agam à curis forte aliena tuis;  
 Non uires nobis cordi, nec Cæsaris arma,  
 Consilio aut quo nunc per mare tentet iter;  
 Quamuis

Quamuis forte aliquid stomachetur Fládrus, Iberus  
Iurans me partis quislibet esse suæ:  
Sed quid cum Gallo, mihi quid cū Cæsare? tantum  
Alcidæ magni numina magna colo:  
Conspicui mores iuncti cum diuite mensa,  
Atque hilares inter seria dicta loci.  
Sunt causæ cur te inuisam crebroq; , fruarq; ,  
Et gratum obseruem teq; domumq; tuam.

## AD EVNDEM.

FERTVR Apollineas te consuluisse sorores  
Eridani, & medicas te subiisse manus:  
Ah doleo, effugias moneo tot pharniaca, & artes,  
Quæ tibi longæui causa fuere mali.  
Te non ulla agitat febris, non reuma, nec ardor  
Epatis, aut splenis tristis amarities.  
Sed magis excruciat corpus tua firma sagacis  
Anxietas animi, continuusq; labor:  
Linque igitur quæso hæc, linque ista negocia Regis,  
Et tandem cura uiuere Gabra tibi;  
Sic facile è membris pelles sine Apolline morbum,  
Et sine ab Indiaco robore sanus eris.  
Proderit à primo si quæras fonte salutem,  
Vt tibi, qui uulnus intulit, addat opem.

Y AD

AD EVNDEM.

SI tibi diuitiis fulgenti tenuia mitto,  
 Do tamen Aegidæ Pirythoiq; fidem,  
 Et tibi do pectus præcordiaq; intima dono,  
 Exhibeo & sanctæ fœdus amicitiæ,  
 Quod si diues ero, cum te modo pauper adorem,  
 Munus aper, munus phasidos ales erit.  
 Ingentem metire animum, non dona Faleti,  
 Siue tibi aligerum, quadrupedem ue dabit.

AD PETRVM VANNIVM  
 Oratorem Anglicum.

QVOD me tam raro uideas, celeberrime Vanni,  
 Nec fruar alloquiis crebrius ipse tuis,  
 Te tamen obseruo, nec te uenerarier absens,  
 Desisto, officii sat memor usque mei.  
 Me curæ exurunt, & magna negocia magni  
 Herculis, hæc uigilem nocte, dieq; premunt.  
 Sed quod non ualui coram præstare, putato  
 Pectoris id factum sedulitate mei.  
 Hoc animi addictus studio, te semper amabo,  
 Teq; colam, & nobis numinis instar eris.

AD

Quod

Quod gratum superis, gratum tibi, Iuppiter aras.  
Non nisi ad arduas corda, animosq; petit.

AD IACOBVM LEONARDVM,  
Oratorem Vrbinatem.

EST tibi nobilitas olim concessa parentum  
Maxima, & innumeris prisca relucet auis,  
Est satis, ingenii sed uis tua inuida, & acre  
Iudicium, ueræ nobilitatis honos,  
Eloquii, & flumen labris quod surgit apertis,  
Naturæ proprium quod reor esse tuæ,  
Est magis hoc; his te sublimem ad sidera tollis,  
Heroum superas, semideumq; animos.

AD EVNDEM.

CVM legum solers numerosa uolumina uerses,  
Sisq; unus miseris anchora tuta reis,  
Et ferias montes numeris, atque arte senatum  
Eloquioq; trahas, consiliesq; Deos;  
Ingenio ducas fortes ad prælia Martes,  
Sintq; tua toties parta trophæa manu;  
Nil mirum si Mars, si Phœbus, & aliger Arcas  
Dedicat in templis tot benefacta suis.  
Te & triplici fultum studio, terno ore Faletus  
Diuinum in terris, semideumq; uocet.



## AD BENEDICTVM AGNELLIVM,

Oratorem Mantuanum.

DVm petis Ogigiæ, magniq; Bianôris urbem,  
 Et petis Alcida mœnia clara mei,  
 Et te nobilitas gremio complectitur omnis  
 Assonat applausu terra, uel unda tibi,  
 Seu te rura tenent, ubi blanda, & amœna Lycoris  
 Inq; tuos properans ludat amica sinus,  
 Ad nos seu celeri tecum redit abiete Vargas  
 Nereides gratum concomitentur iter,  
 Et residens puppis medio stet Mincius altæ,  
 Atque Padus uitreo tollat ab amne caput;  
 Elabi ne nos patiaris mente, sed inter  
 Lata tui memôres gaudia semper habe.  
 Nanquē Ducem quoties, Venetumq; inuiso senatū,  
 Ante frequens oculis isq; redisq; meos.  
 Si quando de te nobis sermo incidit, omnes  
 Laudamus genium, deliciasq; tuas.  
 Delicias dignas uel Rege, Agnelle. beatus  
 Cui uita est lepidis, ut tua, mixta iocis.

## EPI. PAULI LVCTATII.

ACER, & inuictis alter Gradivus in armis,  
 Nec minus Ausonia clarus honore toga.

Hic

Hic situs est Paulus Lucretius . o superi , o Mors  
 Num dubitamus adhuc numina posse mori ?  
 Clara tamen monumenta uiri . nam crebrior hostis  
 Fufus , & inuicta parta trophea manu .

## DE HYDRA HERCVLEA.

SEPTEM ingens gyros , septena uolumina uersans  
 Altera Lernaïs Hydra latebat aquis .  
 Hæc uitæ animosa suis Stigys arma minatur ,  
 Et fremit , & diro uirus ab ore uomit .  
 Vtraque magnanimi labor Herculis , occidit illa ,  
 Et uirtute mei principis ista cadet .

## AD SERENISSIMAM REGINAM

Bonam , Lauiniæ Faletia .  
 Vt læta aduentu cari fit sponsa mariti ,  
 Sic læta aduentu est terra , salumq; tuo :  
 Et ueluti cæca merfas caligine terras .  
 Exoriens radiis sol beat ipse suis ,  
 Sic Regina meos recreasti magna parentes ,  
 Lumine qui aduentus profluere tui .  
 Tu nobis lucem , tu nobis lumina præstas ,  
 Et uitæ reddis munera cuique suæ .

Has

Has igitur magni Alcidae tua uirgo penates  
 Vsq̃ue colam, & sacro quod pede diua teres.  
 Pectoris interea nostri penetralia sume  
 Imperiis omni tempore prompta tuis.

## A D E V N D E M.

V A D E bonis auibus, uento Regina secundo,  
 I pete Barrensis regna beata soli.  
 Aeolus accipiat uentos, & carcere claudat  
 Eurum, compescat compedibusq; Notum.  
 O utinam possem ualido cum remige tecum  
 Currere ad Apuliae littora laeta maris.  
 Regales tecum luxus, pompamq; uidere  
 Maxima Sforziadum qua nitet aula ducum.  
 Tum celebris Barri formam, puerosq; senesq;  
 Conferre aduentu munera grata tuo.  
 I felix Regina, tui memor esto Faleti,  
 Omnia sint uitae tempora fausta tuae.  
 Vt possis prodesse mihi, prodesse & amicis.  
 Hoc tanta proprium Principis officium.

AD

AD IVSTINIANVM CONTARENVM,  
senatorem amplissimum.

CORPORIS exiguæ quamuis nunc sint tibi vires,  
Et premat articulos sæua podagra tuos,  
Permanet ingenium uiuax, uisq; integra mentis,  
E numeris constans Iustiniane suis,  
Eloquii flumen, culturæ & facundia linguæ  
Suauiter ætherio perlita rore fluens.  
Nobilitas animi non deest, non clara propago,  
Nec simul antiquæ nobile stemma domus;  
Conspicui mores, quales Numa comprobet omnis,  
Et qui flagranti sustulit arde deam.  
Ergo magistratus omnes, sacra iura senatus  
Digne obis, & refoues consilioq; iuuas.  
Quare, etsi ualido careant nunc robore vires,  
Fortior es cunctis dotibus hisce tuis.

AD EQVITEM FIASCVM.

QVOD tibi diuitiæ crescant, quod census, & omni  
Parte subaurescat amplificatus honos,  
At multum tibi, pariter mihi, gratulor, ex re  
Hinc puto me tanto munere posse frui.

Nam

Nam quidquid Princeps, aut fors uirtus ue dederūt  
 Mi, reputo è gremio fortis inesse tuæ,  
 Idcirco addicti ualida tibi lege clientis  
 'Sis memòr, & soliti Fiasche patrociniū.  
 Interea placide stimulum precor adiice nostro  
 Heroi, ut uotis sit pius ipse meis.  
 Quod si præstiteris, faueat quoque iusta petenti,  
 Te merito dicam nomine req; pium.

### AD CYNTHIVM GIRALDVm.

I AM dudum de te quæro celeberrime Cynthi,  
 Urget enim uitæ me modo cura tuæ.  
 An tu aliquid magnum felici carminis ausu  
 Tentans, insigni concinis arma tuba?  
 Versibus an dulces elegis depingis amores,  
 Blanda tuo quoties lussit amica sinu?  
 An tragico infurgis numero lyrico ue superbis,  
 Vnde nouum facilis barbitos edat opus?  
 An canis Estensis domus ardua facta, genusq;  
 Illustras ueteres commemorando Duces?  
 Exemplâ hinc sumens Alcydæ accommoda nostro,  
 Confirmant mores quæ geniumq; suum.  
 An sermone potens numerofo facta Priuli  
 Forte canis Venetum concelebranda Ducis?  
 Quidquid

Quidquid agis, scribas ue, tibi me scito paratum;  
 Expositum uotis & sine fine tuis.

## DE VALETUDINE

Pauli Manutii.

CINGITE io uates uiridanti tempora lauro,  
 Tangite & Aoniæ fila sonora lyræ;  
 Quisque salutarem tabulam præfigat in aris,  
 Fundat & accensis mascula thura focis.  
 Noster enim postquam uires, roburq; resumpsit,  
 Paulus, & è toto corpore pallor abit,  
 Pro quo tot lacrymæ profundebantur, & uxor.  
 Mœsta suum quæsta est sæpius ipsa uirum,  
 Iam legit, & doctas Italis demonstrat Athenas,  
 Romana mirum pandit ab arte melos,  
 Et rerum tractat causas, statumq; potentis  
 Urbis, & Ausoniæ mente uolutat auos.  
 Vnde uale tudo, cum sit tibi reddita Paule,  
 Est Latio, & Graiis reddita uita simul.  
 Quas uobis superi referam pro munere grates?  
 Cum facitis nostro numinie posse frui.

## AD EVNDEM.

DVM uigil in Venetos lethali Syrius astro  
 Inflât, & in plebem serpit iniqua lues,

Z

Si qua

Si qua blanda precor nobis occasio se se  
 Obtulerit, luce & prosperiore dies.  
 Viuamus, procerum curis omnino relictis,  
 Quidquid & infaustum pectora nostra premit;  
 Sed gratos lusus, lætos sectemur amores,  
 Et quidquid risus concitat atque iocos,  
 Proderit & placidis animum recreare camœnis,  
 Et Plato doctrina pascere diue tua.  
 Talibus, atque aliis uitam ducemus in æuum,  
 Nec metuent tristem corpora nostra lucem.

AD BARTHOLOMÆVM  
 Mirolium, Ferrariensium Prætozem.

NAM cum magna regas Alcidae regna Miroli,  
 Atque premas iusta crimina cuncta manu,  
 Cumq; sub imperio teneas quibus & dare uitam.  
 Nunc alio, atque alio demere iure queas;  
 Sis potis atque alios sublimia tollere ad astra,  
 Carceris atque alios trudere ad ima nigri,  
 Gaudeo, quòd iustus sis, moribus integer, & quòd  
 Tempora sint uitæ cuncta modesta tuæ.  
 Hæc facient te sponte colam studioq; fideq;,  
 Simq; tuo semper promptus in obsequio.

AD

## AD IOANNEM BAPTISTAM

Pignam.

QVId canis Icarii mœstus tibi tempore scribam?

Quo ruit in Venetos undique acerba lues?

En mihi musa fauet solito minus, ardua rerum

Cura agitat Regis Herculis ipsa mei.

At tu, qui procul à morbo es, neque Principis ulla

Detinet excelsi te modo cura tui,

Et tibi cui doctus spirat sua carmina Apollo,

Et cui te uates præsida plectra mouent.

Pigna edas uirtute tua condigna, quod ingens

Aeternæ tibi sit posteritatis honos.

Dum uiget ingenium, cultæ & facundia linguæ,

Et tibi disertæ pectoris eloquium.

Nec desit qui te cupiat modo tollere ad astra,

Ingeniūq; tui fertilitate frui.

Hinc tu sublimi patriæ dominaberis axe,

Et dabitur seris hinc superesse rogis.

## DE DVELLO PIGNAE.

NON ita Thericiæ distinxit Amazonis arma,

Phidia sub clypeo Palladis armi sonæ,

Z 2 Vt



Vt tremebunda suo conscripsit Pigna duello  
Prælia, sorte ubi Mars ciuit ad arma duos.  
Nanque animo actoris prudens bellacis in hostem  
Consulit, & simili consulit arte reo,  
Inquirens rixæ seriem, quæ tollere pugnam  
Possit, ut ostendat cui sit adeptus, honos.  
Exempla hinc sumat cuius saluberrima, pulchre  
Iam nobis aperit quæ latuer prius.  
Quid quoque scriptoris queat ars, tu collige, discēs  
Quæ spicula actori sint, uel habenda reo.

## AD NICOLAVM STOPIVM.

DVM mouet æstiferas insana canicula rotas,  
Pro genio indulget dum sibi quisque suo,  
Culinianei siccemus pocula Bacchi  
Inter odoriferas ambrosiasq; dapes.  
Atque rudes omnes epulas uitemus, & absit  
Dura bouina caro, sicq; suilla recens,  
Nam mihi, qui assueui lautis accumbere mensis,  
Gustando heroum pocula iuncta cibis,  
Non nisi regificis quæ sunt electa popinis  
(Vt sunt perdicum fercula) uenter amat.  
Et leporem, turdumq; cupit, Numidumq; uolucres,  
Atque cothurnices, & placet ales Ithys.

Addere

Addere non possum lusus, placidosq; , iocosq; ,  
 Nec quæ furtiuus gaudia sentit amor.  
 Hoc ætas grauior prohibet, prohibetq; potentis  
 Vsq; obseruandi seria cura Ducis.

## AD ALEXANDRVM GVARINVM

Ferrariensium Principis à secretis.

MAGNANIMI Alcida curis admisse Guarine,  
 Vertice quem natum de Iouis esse reor,  
 Ad te nostra uenit tibi mille notanda lituris.  
 Quæ timet in rabulæ musa uenire manus.  
 Accipe quàm latus; nam tot detergere labes  
 Cæcropiæ mentis sola fauilla potest.

## AD EVNDEM.

MAGNVS Alexander fuerat, tu nomina Magni  
 Dignà refers, magno es magnus in officio.  
 Es pariter magnus doctrina, magnus & arte,  
 Ingenio magnus, magnus & cloquio,  
 Magna loquor dū scribo tibi, iā quadrat utrunque:  
 Nil nisi magna loquor, nil nisi magna facis.

## AD EVNDEM.

FRONDE triumphali si tempora nostra uirerent,  
 Essent Gorgoneo uel madefacta lacu.

Altius

Alius ò plectro tunc me non surgeret alter,  
 Protinus in laudes docte Guarine tuas.  
 Materies deesset uerum? patet area nobis  
 Latior, & causas mille datura nouas.  
 Aggrederer dotes animi, mentisq; recessus.  
 Cætera fortunæ, commoda nostra nego.  
 Flumen, & ingenii uires mirarer, & undas  
 Verborum ardentem eloquiūq; faces,  
 Silaudas, carpis, monstras, hortaris, & arces,  
 Dirigis arbitrio tota theatra tuo.  
 Sed quoniam uirtus paucis contenta quiescens,  
 Sat pretium per se dicitur esse sibi.  
 Nunc medio laudum cursu flectemus habenas,  
 Maior enim nostra laude Guarinus erit.

AD HERCVLEM ESTENSEM,  
 Ferrariensium Principem.

FIRMVS Alcida cælum ceruice pependit  
 Supposita, & stabili lege peregit opus.  
 Sic uirtus tot pressa malis, iam læta refulsit,  
 Consilio atque animi fulsa uigore tui.

AD

## AD EVNDEM.

Amphitryoniade lætata est Italia tellus,  
 Dum fera monstra acri succubuerunt manu.  
 Nunc duce te Eridani populi lætantur in uno,  
 Moribus atque armis cum scelus omne domes.

## AD EVNDEM.

ASTAREVS | natam terris dum quæreret æger,  
 Illum difficiles non tenuere viæ.  
 Appulit huc tandem, tua quæ Ferraria cœlo  
 Tollitur, irriguis quam Padus ambit aquis.  
 Lætus ut hunc uidit, trifido caput exerit aluco,  
 Et mœstum placido suscipit hospitio.  
 Scilicet hic, inquit, uirgo uestigia fixit,  
 Hic ubi Ateltino cum duce sceptræ gerit.  
 Talibus, annosus pater hac requieuit in urbe,  
 Imperium & posuit te penes omne suum.

IN PICTURAM ANNAE  
 Principis Estensis.

FINGERET Estensem diam dum Carpius Annam,  
 Sic reor huic tabulæ est indita uita simul.

Hanc

Hanc quoties spectro, tunc me spectasse uidetur,  
Et quamuis nequeat, dixeris ore loqui.

IN EANDEM.

Si spectas Annæ ficta sub imagine formam,  
Eridani Nymphas, dixeris, Anna refert.  
Quòd si non fictam, ueram sed uideris, inter  
Aetherias præstat, dixeris, Anna Deas.

IN EANDEM.

NVM Venus egreditur ponto, quã finxit Apelles?  
An ne ea, Praxitelis quæ fabricata manu est?  
Neutra quidem. Venerem sed si quis deneget esse,  
Diuinum tamen hoc nemo negabit opus.

IN EANDEM.

ANNA suos picta dum cernit imagine uultus,  
Nescio quid tenui murmure uisa loqui est.  
Fallor, an hac picta lateo sub imagine, Carpi  
Viuus an hic docta spirat ab arte color?

AD TABELLAM.

QUAE nuper rudis arbor eras, nunc pulchra puellæ  
Membra refers, debes hoc, reor, artifici.

Sed

Sed formosa tibi debet magis Anna, quòd illi  
Maxima de tabulis sit datà fama tuis.

TABELLA LOQVITVR.

ANNA ego sum, quid spectas? sum licet aspera tactu,  
Hos nequeas uultus credere forte meos.

Ne stupeas, si fallo homines: rex sæpe Deorum  
Iuppiter, est factus bos, equus, imber, olor.

AD ANNAM.

Admirans Cytherea tuam sine labe figuram,  
Affigens terræ lumina, tristis ait.

O Dea, nec tecum uellem certare, sub ipso  
Causa licet Phrygio iudice nostra foret.

AD EANDEM.

Hesperia cum læta suas inuiseret urbes,  
Venit ad Eridani ditia regna Venus:

Et modo diuitias miratur fertilis agri,  
Et modo Atestini moenia clara ducis.

Hic tum forte tuam uidit sub imagine formam,  
Et pictum in tabula noscere credit opus.

Quis mihi te similem pinxit mea dulcis imago?  
Sola meos uultus quàm bene picta refers.

Vera mei effigies, ait, est hic uultus, & ipsum  
Pectus, & os, eadem lumina, labra, manus.

Vt uerò Eridani Nympham te agnouit, obortis  
Sic fata est lacrymis, quid iuuat esse Deam?

LIBER NONVS

AA

AD

Consilium laudo, consummatiꝫ Catonis

Propositum, luce est clarius orbe nihil,

Noctua lætatur tenebris, lucemꝫ perosa

Nocte uolat, lucem sed Iouis ales amat.

Et quicumque cupit generosi nominis auras,

Alta petit, summi est infima despicere.

### DE FORMA VIOLANTAE TROCTAE.

Intentus formæ uariis ego dotibus huius,

Mirabar tantæ nobilitatis opus,

Et dixi Venerem uultus, Phœbumꝫ capillos,

Pallada diuinos composuisse sinus,

Iuno manus dedit huic, dedit huic Latonia furas,

Et geminos oculos sidera clara Polus.

Huic amor aureolas Cyprio cum lacte papillas,

Pectoraꝫ alpina candidiora niue.

Formosas igitur pudeat ne huic cedere cunctas.

Quidquid enim in terris, sola decoris habet.

Iudicium fieret Paridis si rursus in Ida,

Ipsa uni huic posset cedere iure Venus.

### AD CAROLVM QVINTVM CAESAREM,

Hoc prius ambiguum, dum te miramur in armis,

Alcides esset par ne minor ne tibi.

Nunc magis ambiguum, sis Carole uir ne, Deus ne.

Sunt tua facta uiri, sunt tua facta Dei.

## A D E V N D E M.

Vix bellum inceptū est, cū vincis. vincere nec vis

Tam cito, quā parcas, sic tria Cæsar agis.

Vna manus bellum præstat, manus altera pacem,

Nec tibi, quā bellum, longior ira fuit.

Hoc tibi perpetuum nomen molitur, & utrum

Fortior, an ne fies mitior, ambiguum est,

## D E E O D E M.

Desine mirari, iam desine Cæsaris arma,

Qui legis, & uoluis fortia facta ducum.

Annibalis pariter mirari desine dextram,

Scipiadas, Decios, Aemiliosq; graues.

Desine Pellæi mundum ditiohe tenentis

Bella legens, Carlinam potiora uides.

## D E E O D E M.

Iulivs ille ferox, cuius tam multa feruntur

Fortior facta foris, fortia facta domi,

Hispanos domuit, Gallos, Rhenumq; bicornem,

Addidit imperio te quoque Romæ fuor

Successu tamen hæc fortuna fecit, & illi

Debet tot populos totq; trophæa Dex.

Carolus at quintus rerum qui torquet habenas,

Orbis quo semper sospite sospes erit,

Nō ope fortunæ, non casu pugnat in hostem,

Dum toties fuso uictor ab hoste redit.

Consilium,



Consilium, uirtus, mens alta & nescia uinci,  
Victrices faciunt Caesaris esse manus.

## DE EODEM.

CAROLVS arma Deus Mauros meditatur in hostes,

Et genus infidum perdere classa parat.

Carolus iste deus Christi punire tyrannos

Præparat, & terra scindere regna mari.

At uos Romulidæ templis date uota sacras,

Cæsar adest, Cæsar Iulius alter adest.

Limina uestra suis spoliis oneratus inibit,

Romanis solitas reddet opimus opes.

Funde preces superis urbs o sanctissima dignas

Alterâ libertas pax tibi parta uenit,

Et quoties uictrix per scuta, per arma, per enses,

Sat fueris. toties hoc duce bella geres.

Pulchrior & maior tali duce facta, tyrannos

Ne timeas, hoc pro Principe uota dato.

## DE EODEM.

Non qui semiferos potuit superare bimbres

Pro thalamis pugnans Hippodamia tuis.

Non qui clauigero superauit robore monstra,

Vnde Molorchæi signa Leonis habet,

Cæsareis olim poterunt contendere factis,

Cur? quia sunt homines, Carolus iste deus.

MAR-

Accipe A

IN MARTES RVENTES IN ITALIAM. C  
Arma parant, vires acuunt in praelia Martes, IV  
Apposito quoties incaluere mero.

Commoda tunc pubes bellis, tunc apta iuuentus, C  
Tunc æqui montes, aspera plana uia est.

Discurrunt calices, repetuntur pocula, murmur C  
Tollitur, Ausonio fit mora nulla iugo.

Deuinci populos, excindi mœnia credas, A  
Et Latium in prædam protinus omne rapi.

Cum tamen in longam uariarint pocula noctem, I  
Bellum, arma, atque iras submouet orta dies.

IN OBITVM AVRASIAE PRINCIPIS. I  
Iam mugit tellus, & fulminat & tonat æther,  
Et micat in terris stella minante coma.

Pugnant astra, solent certo quæ fœdere iungi,  
Nec iam uult Marti blanda coire Venus.

Fluctibus assiduis exundant flumina campos,  
Cernimus aduersas orbibus esse uices.

Omnia te lugent morientem sidera Princeps,  
Qui nobis fato raptus es ante diem.

IN EVNDEM. I  
Certantem armipotens hunc Mars aspexit Olympo,  
Atque ait excelso conuenit iste Polo.

Stellifera uir summe ueni regione locandus,  
Stellifera est capiti parta corona tuo.

Accipe

Accipe nunc superum sedes, fortissime Princeps,  
Accipe uirtutis præmia digna tua.

Purpuream excipiens animam super arce locauit  
Empyrea, lateri composuitq; suo.

Ergo sedet cælo Princeps fortissimus alto,  
Et Martes cælum gaudet habere duos.

AD IACOBVM FLISCVM,  
Sauonensium Antistitem.

Vt gaudet redeunte suo noua nupta marito,

Sic est aduentu læta Sauona tuo.

Et ueluti cæca mersas caligine terras

Pœbeæ lustrat lampadis igne dies,

Sic tua lux Genuam, sic & lux illa Sauonam

Vrbes lustrauit te ueniente duas.

Publica tu curas, & Christi commoda, cuius

Te pastore lupum nulla timebit ouis.

Scilicet hic pastor bonus est atque integer, hic est

Qui Christi, quàm se curat ouile magis.

Nam quid nos cæli super aurea sidera tollit?

Mortales superis res facit una pares.

Nempe pares superis non multa pecunia, diues

Non toga, non luxus, non bona forma facit.

Sic petitur cælum, sic maxima fama paratur,

Sic uiuet nomen post tua fata tuum.

AD

## A D E V N D E M.

ITO bonis auibus, & uento Flisce secundo,  
 I, pete Tarpeias, Romulidumq; domos,  
 Aeolus obscuro luctantes carcere uentos  
 Claudat, inoffensas det maris unda uias.  
 Neptunus faueat pater, Inousq; Palæmon,  
 Cæruleis Triton per mare curat equis.  
 DE LIBELLO IO. ROGII PRINCIPIS  
 de poza filii.

PHIDIA magnanimi coniecit ab ungue leonis,  
 Quanta forent uasta cætera membra fera.  
 Fixaq; dum uidit Samius uestigia plantæ  
 Herculeæ, moles cognita tota fuit.  
 Sic etiam Rogii pedibus dum scripta solutis,  
 Et quamuis tenui cortice cernis opus.  
 Pars quotacūque tamen dotes tibi monstrat, & artē,  
 Monstrat & ingenii cætera dona boni.  
 Monstrat & Hispanis quantum iubar exit ab oris,  
 Qualis & occiduo fulgeat orbe nitor,  
 Nectar & ambrosiam post hac effundet Iberus,  
 Iam Tartesiæ Sol orietur aquis.  
 IN LIBRVM PROSODION IOANNIS  
 Berzosa Cæsar Augusti.  
 Cælitibus postquam tulit ignes fraude Prometheus  
 Arreptos mole est indita uita rudi.

Sic

Sic ubi Cecropiis liber hic remeavit ab antris,  
Ceperunt uires Attica uerba suas.  
Nanque decor linguæ penitus periisset Achææ,  
Berzoxa si non lingua tulisset opem.  
Nunc, quæ non ullo baculo suffulta lababat,  
Denique quo se se fulciat Hellas habet.  
Quamq; nota uocem propria illustrauit, & ipsis  
Harmoniam uerbis indidit, immo animam.

DE RESPONSIS RIMINALDORVM  
patris & filii.

Oderat inuidiæ stimulis agitatus amaris  
Tibridis Eridanus flumina sacra pater,  
Non quòd uicinis foret hic illustrior aruis,  
Aut quòd maiores forte habuisset aquas,  
Sed quia tot celebres fuerant, qui legibus illum  
Ornarant, miris consiliq; modis.  
Vt uero paribus cælum felicius ausis  
Consilia hinc nati protulit, inde patris;  
Ecce suum liquidis subito caput extulit undis,  
Lætior & solitas ad mare uoluit aquas.  
Sic tua progenies Ferraria sustulit omne  
Iam decus, ut cunctis urbs Tiberina prius,

BB

DE

## DE N. SPINVLAE LIBELLO.

Mirari Hesperidum iam desine roscida leæor,  
 Poma, uel Alcinoi rura beata senis.  
 Vel Tagus auriferis locuples quod uoluit in undis,  
 Vel quod purpureis Hermus abundat aquis.  
 Quid Dodona tuam iactas, quid Mœdia filuam,  
 Mafsice quid uites, quid ue Phalerne tuas?  
 Spinula, dulce melos fert, cinnama, nectar, amomū,  
 Chrysolitos, aurum, balsama, thura, Deos.

## IN QVENDAM PARASITVM.

Quæ te causa trahit, dic ò miserande, Sauonam?  
 Dic mihi quid speras, quid petis inde tibi?  
 Agnosco gressusq; tuos, causasq;, iocosq;.  
 Heu quàm difficile est dissimulare famem,

## IN EVNDEM.

Omnibus arrides, omnes miraris, adoras  
 Huius uirtutes, illius arma canis.  
 Illius mores laudas uitamq; pudicam,  
 Qualis laudati uita Catonis erat.  
 Verris humum, gestas humeris uel ligna, uel urnâ,  
 Omnia quæ seruis sint obeunda subis.  
 Nec facis hæc alio, quàm, quo tibi tempore uenter.  
 Cantillat, res est officiosa fames.

IN

## IN EVNDEM.

Collige sarcinulas, fuge barbare, si sapis, urbem,  
Si pudor incessit pectus agreste tuum.  
En pueri referunt de te miserande triumphum,  
Et nimis infamem te sibi quisque putat.  
Effuge, nam citris plebecula uilibus instat,  
Ne petat irrisum fœua ruina caput.  
Sacculus infelix humero tollatur, ad ictus  
Forte dabit clypei dum fugis, ille uicem.  
Si petis unde fuga hæc ueniat, tibi barbare dicam,  
Infidi pepulit rhetoris inuidia.

## IN EVNDEM.

Barbarus ò pueri tegetes remeare paternas  
Apparat, at defunt quæ petit ara uiæ.  
Turpe nimis uestra migrantem ex urbe magistrum  
Mendicare caua ad limina nota manu.  
Accipe, discipuli tibi larga uiatica prebent.  
Barbare te pascit, quæ fugat, ecce manus.

## AD AMICVM.

Pollicitus cœnam uolucres ostendis obefas,  
In trabe suspensas, nec data cœna fuit,  
Et lepores capti canibus monstrantur odoris,  
Offers phasiacam, sed rapis unus auem.  
Talia non laudat conuiuia Tantalus atrox,  
Qui sitiens stygiis semper inhæret aquis.

Hæc mihi mēsa sapit, stomachum quæ pascit egentē,  
Non oculos quæ uult pascere parca meos.

I N E V N D E M.

Pollicitus cœnam longo uasa aurea ponis  
Ordine, & hinc adamas, hinc micat albus onyx.  
Tenduntur pictis aulæa intexta figuris,  
Et nitet Attalico uellere rota domus.

Spectamus, nullas subolent tot uasa popinas,  
Mirari & solas turba iubemur opes.

Tolle aurum, dices & habe tibi Posthume gemmas,  
Curamus uentrem pascere, non oculos.

A D A M I C V M, Q V I P E R D I C I S

partem miserat.

Fraçto crure uolans nostrum ad penetrale sine alis,  
Quod mirum est, nuper Dædala uenit auis.

Venit ab Hesperio perdix demissa Tonante,  
Et parte auxilium corporis illa tulit.

Semianimem lacero reuocauit corpore uitam,  
Venisset si ad nos integra, diuus eram.

A D D A M I A N V M A G O E S,

equitem Lusitanum.

Non secus ac turtur caro uiduata sodali,  
Ex liquido nunquam flumine potat aquas.

Sic uxor postquam Gallorum præda fuisti,  
Plorauit raptum coniugis agra sui.

D E



## DE EODEM.

Louanum sitiens Damiano sospite fungi,  
Et consumato posse Catone frui,  
Obtundit sacras excelsi numinis aures,  
Nec cessat Gallum sollicitare prece.  
Annuerat Gallus, uenit Damianus ad urbem,  
Accepit uultus protinus illa suos.

## AD PHOSPHORVM.

Temporibus nostris quod lites, iurgia, rixæ,  
Vndique quod uigeant horrida bella, minæ,  
Vis, odium, fraudes, alieni dira cupido,  
Bella ducum, cædes, insidiæq; graues,  
Miraris? dicam si quæras Phosphore causam:  
Tolle meum atque tuum, sæcula prisca dabis.

## IN GELRHIAM.

Quod fremit in nostram strictis mucronibus urbē  
Gelrhia, & insar a seditione ruit,  
Infestatq; lares, perturbat iusq; piumq;  
Gelrhia, nil mirum, religione caret.

## IN SAVONENSES.

Ciuiibus una suis nunquam contenta Sauona,  
Extremo quærit semper ab orbe uiros.  
Ista sacrosanctis urbem qui legibus ornet,  
Ista cupit doctos, quod petit intus habet.

Orphea

Orphea fac superes chòrdis, Amphìona cantu,  
 Damnaet uersus, plectra, lytamq; tuam.  
 Flagitat eloquiuni Ciceronis turba discreti,  
 Qui ualet ingenio, quod petit intus habet,  
 Si Cicerone loqui posses facundius, urbe hac  
 Quid faceres? homines diligit ista nouos.  
 Hæc habet urbs quæcunque queat sibi poscere do-  
 Muneribus cunctis sola beata niter. (na,  
 Ast, uno tandem complectar ut omnia uerbo,  
 Cur sua despiciat? lumine cæca suo est.

## DE DIDACO PYRRHO.

Nocte suam tota formosam Pyrrhus amicam  
 Mollibus amplexus non sine mille iocis.  
 Cumq; oriente die statuisset tradere gemmam,  
 Pro dono Venerem maluit illa dari.  
 Nec male consuluit sibi: nam lasciua Carybdis  
 Post Venerem, nummos non satiata tulit.

IN CIMBAM QVAE VEHEBAT PVELLAS  
 ex Haga Hollandicas.

Curre per æquoreos fluctus placidissima, uastum  
 Perq; fretum, gelidas carpe carina uias.  
 Quæ uicis Hagenses præstanti flore puellas.  
 Quàm fieri cuperem nunc ego cimba leuis.

Tangere

Tangere quæ nequeo palparem membra, meisq;  
Interferta humeris mollia crura forent.

## DE IULIA IN VIRVM SVVM.

Cogit ur alterius cari memor usque Faleti,  
Iulia non faulstis scandere fulcra Deis.

Sed quia formosa est, & deformissimus ille,  
Aut nunquam, aut raro pax erit inter eos.

Forſitan inde breui diuortia tempora fient,  
Iulia deformem non puto amare uirum.

## A L I V D.

Iulia connubium Corydonis cur petit ultro?

Copula connubii maxima causa fuit.

Eius & optatis tuto recubare sub aliis

Dum putat, & stabili uiuere connubio.

Repperit hunc Cybeles congressibus esse ministrū,  
Tantaq; res nullis testibus acta fuit.

## AD ANGELVM PAPIVM.

Quid miser in Blancam maceras te fletibus? ohe  
Perpetuo ne cupis tristitia uincla pati?

Sit satis interdum seruisse fideliter illi,

Sitq; satis merito sæpe negata fides.

Ad quid tot lacrymæ? ualeant mala gaudia Blanca,  
Cui latet in duro pectore dura silex.

Blanca suos semper miseros contemnit amantes,  
Hoc uitium tellus, Angele, & unda dedit.

Illa

Ille uno nunquam uiuet contenta marito,  
Alueus hic uno non manet usque loco.  
Si genus, & fluctus spectas, diffide; maritos  
Mutanti toties nulla adhibenda fides.

## A D I V L I A M.

Basia nec mihi das, nec uis mecum ipsa iocari.  
Nescio quid dicam, cur mea uota negas.  
Cur me despicias, si sum formosior illo,  
Basia qui glacie frigidiora dabit?  
Cur me despicias, si sum generosior illo,  
Qui fert blanditias, nil puto præterea?  
Quæ causa est igitur? dicam, sic suspicor, est est,  
Hic tibi dat nummos, heu mihi cur careo?

DE SPLINTERO ARGHENIO, ET VINEA  
puella Hollandicis, ex Haga comitis.

Mulciber æthereæ flamma Citheridos arsit,  
Dilexit Phyllis Demophoonta suum.  
Pyramus & Thysbem, Græcum dilexit Vlysseni  
Penelope, uatem Lesbia doctiloquum.  
Diligit ipse suam tantum Splinterus amicam,  
Quantum ulli Veneres non coluere suas.  
Hanc colit Arghenius, colit hunc & Vineæ, fidum  
Vineæ & Arghenius par in amore suo.

IN

## IN AMATORES VINEAE PVELLAE.

Vinea quidquid agit, nihil est nisi uinea, Bacchi  
Ex hac delicias sumere quisque cupit.  
Non est illa patens, & apertis māsica praelis  
Testa, nec in nostris nascitur ista iugis.

## AD SPLINTERVM ARGHENIVM.

Prona nimis quaecunque placent, creduntur, amici  
Et quidquid uolumus, credimus hoc faciles.  
Credo, placet quòd sim felix, quòd diligar, & quòd  
Ardeat affectu Iulia pulchra meo.  
Sors inimica negat tam prospera fata petenti,  
Non mihi tam facilis insidiosus amor.  
Scires indomito quàm sim damnatus amori,  
Cognosces misera conditione uirum.  
Pœna premit, cæcæ consumunt pectora curæ,  
Vror, & ingrata sedulus unus amo.  
Ipse tuam laudas, nostros miratus amores,  
Vinea dat uinum, Iulia sicca mea est.  
Vera cano, mihi si qua fides, mendacia cessent.  
Nec diuersa canet, sit nisi mentis inops.

## EPI. IN GVIDONEM PATREM.

Si pius es quicumque legis, concede parumper,  
Atque Deo pleno pectore funde preces.

CC

Sint

Te rogat hoc saxum, Guidonis & umbra sepulti:  
 Proq; tuum tali munere munus habe.  
 Sint tibi felices anni, dum uita manebit:  
 Sit facile ad superos, cum morieris, iter.

EPI. CLAVDII STREMERII PARMENSIS  
 nuper occisi.

Claudius heu tumulo iacet hoc Stremerius, unus  
 Palladis, & patriæ qui decus omne fuit.  
 Qui uigilans sacros legum penetrare recessus  
 Dum quærit, diro uulnere adactus obit.  
 Ossa iacent terris, animam sed seruat Olympus.  
 Quid flendum est? nulli uincere fata datum.

IN PAVLVM PICTOREM.

Quæ lacrymæ? magni ducuntur funera Christi.  
 Occidit heu nati uicta dolore parens.  
 Quisnam opifex? Paulus, sola qui nobile dextra  
 Finxit opus, pridem trunca sinistra iacet  
 Quòd si læua foret dextræ officiosa, putares (des.  
 Hunc Christum, hanc matrè, quæ simulacra ui-

IN POLYPLVSIVM.

O cui diuitias Poliplusi diuite dextra  
 Sors dea, & immensas accumulauit opes,  
 Largius

Largius utaris, moneo : nam cana senectus  
Te sequitur, uitæ labitur hora breuis.

## IN INVIDVM.

Quid tibi proficiunt uersus ? cui carmine latras ?  
Ore hic cerbereo murmura uana sonans ?  
Desine iant tandem, perdis, mihi crede, laborem.  
Quis furor in sterilem spargere semen humum ?

## IN EVNDEM.

Vox audita mihi nuper latrantis in urbe  
Est canis, ignoro quis canis hic rabidus ?  
Cerberus est forsan, superas extractus ad auras,  
Noxia qui spargat dente uenena suo.  
Offerat huic uates medicatis frugibus ossam,  
Leniat ut rabida guttur, & ora famis.  
Hic satur ut fuerit, rabiem deponet iniquam.  
Tuta erit in terris tum mea mûsa satis.  
Sin minus, æternum Regem exorabimus omnes,  
Inferni ut repetat regia tecta dei.

## AD DIVVM MARTINVM.

Numina nulla uacant cultu. tibi maxime taurus  
Iuppiter, & Samiæ candida uacca datur.

Cedit flauentem Neptuno nauta iuuentum,  
 Contenta est sterili Palladis ara boue.  
 Tum Venus alma rosis lætabitur, occidit hircus  
 Bacche tibi, & Marti, bellua sæua lupus.  
 Lætatur centum bobus succincta Diana,  
 Traditur infernis hostia pulla deis.  
 Munera te Cereris, te Bacchi munera placant  
 Martine, & quidquid terra beata parit.

#### AD AMICOS CVM AEGROTARET.

Aeger eram, superos uotis mouistis amici.  
 Iam ualeo, iam sum redditus ecce mihi.  
 Grátia debetur per me sanctissima uobis,  
 Dat Pylades maius nil Agamemnonidæ.  
 Hoc ubluere meis testatum uersibus illæ,  
 Quæ mecum Aonides conualuere Deæ.

#### GENETLHIA CON CHRISTI.

Exultemus, adest Christi lux conscia partus,  
 Vera Dei soboles extulit orbe iubar.  
 Exultemus, habent præsentia numina terræ,  
 Pulsa metu stygio delitet Hydra lacu.  
 Exultemus, homo rerum moderatur habenas.  
 O quanta est homini gloria, quantus honos.

IN



## IN BAGOVV.

Cur rabidum spargat uirus, fundatq; Bagous  
Per fora, clamoso gutture, perq; uias.  
Debilis hic dicam quippe est, sed uocibus audax,  
Non aliud telum, quo tueatur, habet.

## AD SAVONENSES.

Quid magnum in campis acies componere adegit,  
Cogere totq; duces puluerē in Aemathio?  
In se ferre manus fortem inuictumq; Catonem.  
Et uitæ audentem fila secare suæ?  
Impulit & Brutum facinus memorabile inire?  
Magnanimo sub quo libera Roma fuit.  
Aurea libertas, pro qua miserabile bellum  
Debebunt urbes excidiumq; pati.  
Magnanimi proceres precor hâc defendite dextra,  
Qua nihil in terris dulcius esse potest.

## LIBRI NONI FINIS.

HIERO-

## HIERONYMI FALETI

## POEMATVM

## LIBER X.

AD BAPTISTAM SARACCVM, FERRARIENSIVM

Principi à secretis.

Q. Vi tuus est animo, tuus est qui pe-  
ctore totus,

Et qui deuinctus tempus in omne ti-  
bi est,

Hoc modo dat munus. paruum licet accipe. magna

Munera missurus, si licuisset, erat.

Non licuit, quoniam prohibebat rustica Musa,

Quæq; illi è riuo paupere uena fluit.

AD LILIVM GREGORIVM GYRALDV.

Candide nostrorum censor Gýralde laborum,

Iudice quo carmen statq; caditq; meum,

Tu facis edantur vulgo, quæ carmina nondum

Auctoris triuit lima seuera sui.

Ergo tibi, si quid uitii rude carmen habebit,

Adscribat lector: non mea culpa, tua est.

AD EVNDEM, ET AD BARTOLOMAEV

Riccium, de obitu Ferrini.

Viuit adhuc, quid uos Ferrinum fletis amici?

Viuit adhuc lacrymis coniugis ille suæ.

Viuit

Viuit adhuc Lili lacrymoso carmine uatis,  
 Viuit adhuc scriptis Bartholomæ tuis.  
 Felicem Ferrini animam, cui contigit ore  
 Andino, & Marci uiuere in eloquio.

## AD ALFONSVM TROCTIVM.

Aemonio Typhis, Phrygio Palinurus, Achilli  
 Autumedon, Troctus dux mihi semper erit.  
 At tanto maior Troctus me semper, Achilles.  
 Autumedonte suo quàm duce maior erat.  
 Quid male sane paras componere magna pusillis?  
 Hic mus, ille elephas, hic uir, at ille Deus.

## AD ALBERTVM LOLLIVM.

Dic mihi cur cessent felix concordia, fasces,  
 Iustitia, & probitas, ius, & amicitia?  
 Succrescant orbi contra mala plurima, bellum,  
 Seditio, improbitas, impietas, odium?  
 Sideraq; inmittant in nostras fulmina terras,  
 Diligat haud Venerem Mars, dea magna Iouë,  
 Inq; uicem pugnent mortalia? cerne pharetras  
 Præfractas, arcus, & fera tela faces.  
 Lolli uixit amor, probitasq;, & iura, piumq;,  
 Hoc est quòd tellus ingemit & lacrymat.

AD

AD GASPARA SCHETVM

Impiger Aegæum sulcat mare nauita, merfis  
 Lucra petens remis; Ioniumq; secat,  
 Hic & ab Hispanis merces uehit, alter ab Indis,  
 Hic uehit ex Anglis, alter ab Adriâcis.  
 Bella petit miles, prædam ut rapiatq; , trahatq; ,  
 Possè ratus manibus tangere summa poli,  
 Hunc rapit audacem regni furiosa libido,  
 Proferat ut terris & sua regna mari.  
 Hic notat Eoi radiantia sidera cœli,  
 Et notat occidui signa minora poli.  
 Discit hic Hippocratem, medicasq; Machaonis ar-  
 Seq; sacris totus dedicat ille libris. (tes,  
 Me pia delectant numerosa uolumina legum,  
 Iam mihi pars iustæ cognita militiæ est.  
 Mon hic spes lucri, non hic spes certa laboris,  
 Quis furor in sterilem spargere semen humum?  
 IN HORTOS BONIFACII BEVILAQVI.  
 Nectareos quicunque cupit decerpere fructus,  
 Atque fouere sacro pectus odore sinit,  
 Umbriferos hortos, & amœna uireta subintret,  
 Prataq; magnanimus quæ Beuilaquus habet.  
 Nulla oculis tam grata usque est, tam fertilis arbor,  
 Irriguo quam non curet inesse loco,

Candida

Candida quæ fuerat morus transumpta figuram.

Sanguineam, referens signa cruoris, adest.

Mala quoque accedunt, & baccis carula ficus,

Flauaq; cum roseis, coctona mala, pyris.

Pruna Damasceni referentia nomina campi,

Hic sunt, & uentri sorbus iniqua pigro.

Hic uirides laurus, sunt hic porrecta cupressus;

In cœlum myrtus Cypria, Iuniperi.

Hic uiolæ, hic picti flores, hic rosmarus, atque

Lactea coccineis lilia mixta thymis.

Hæc simulac heros pulchra respexit ab aula,

Sidereæ mentis grande leuamen habet.

AD HERCVLEM EIUS FILIVM.

Venisti, nec te uideo, nec ut ante salutas,

Infensum grauitè te reor esse mihi.

Nil ego peccaui, nisi sit te iudice crimen,

Me desiderio pene perire tui.

Aduentus nostras tuus ut peruenit ad aures,

Quem non lustrarim, nullus in urbe locus.

Nusquam te uideo, si perstas fidus ut ante.

Sit mihi fas tecum uel tria uerba loqui.

Aut referam è duris genitum te rupibus, ipsas

Et tibi lac Geticas exhibuisse tigris.

DD

AD

AD CAESAREM NOBILEM, FERRARIEN-  
sium principis à consiliis.

Triste supercilium, iustiq; seuera Catonis  
Pectora, qui Curium, Fabritiumq; refers,  
Maxima continget mihi gloria, si inter amicos  
Nos etiam statues connumerare tuos.

AD PELLEGRINVM FVLVIVM MORATVM.

Optima suppeditas pueris praecepta Morati,  
Aonii monstrans uere Heliconis iter.  
Non te somnus iners, non te calor improbus unquā  
Tefruit, aut ludo surripuere graui.  
Non hoc ipsa petit Parnasi turba sororum.  
Hoc petit, ut serues, crede mihi, medium.

BARTOLOMAEO PROSPERI, FERRA-  
riensium Principis à secretis.

Integer ò sanctae uitae & probitatis amator,  
Moribus, eloquio, consilioq; graui,  
Certa tuae patriae spes, anchora fida salutis,  
Nostra, precor, portum te duce cimba petat.  
Aequoreos fluctus & saxa Ligustica linquam,  
Numine confisus Bartolomaei tuus.  
Et tibi debebo post tempora longa, Falerum  
Crede tui immemorem nulla uidebit hyems,  
Si in

Si in me quid poterit sacrarum turba sororum,  
 Te mea, te summa laude, Thalia canet.  
 Ah pereat quicumque tuos lacerabit honores,  
 Atque iterum pereat qui tua damna uolet.  
 Ille Peryllæo dignus mugire iuuenco,  
 Sarmaticas omni tempore ferre niues.

AD PHILIPPVM NIGRI, MARIAE  
 Vngariæ Reginae supremum scribam.

Belgarum quod me gelidas fors traxit adoras,  
 Quod proprios statui deseruisse lares,  
 Non me poeniteat si me uir summe clientes  
 Constitues inter connumerare tuos.  
 Non à me expectes argenti pondus, & auri,  
 Est pro thesauris intemerata fides.  
 Et sincerus amor fuluo pretiosior auro,  
 Omnibus & gemmis ante ferendus erit.

AD HECTORA FLISCVM  
 patricium Genuensem.

Hector, quem uirtus sceptrum gestare superbum,  
 Et patriæ clauum iussit habere ratis,  
 Sidere quo nunquam dubitabit curua Faletus  
 Vela dare, & tumidis lintea plena notis,  
 Nostra nec horrebit latrantem audire Carybdin,  
 Quæ solet in paruo ludere cimba lacu,

At me liuor adit, sunt qui me dente canino  
Dilacerent, magnis corripiantq; minis.  
Comprimere audaces solus potes ipse tumultus,  
Qui facis ut uerbo tota theatra fremant.  
Numinis est, misero, si forte immergitur undis,  
Porrigere optatam sedulitate manum.  
Quod nunc ut facias precor o pater alme. Faletus  
Sic tibi perpetuo tempore seruus erit.

AD BERNARDVM SPINAM CALABRVM  
Genuensium prætorem.

Temporibus priscis lites, & iurgia, cades,  
Vidimus, insidias, horrida bella, minas.  
Vidimus & rixas, incendia, furta, rapinas,  
Vidimus & sceleris iusq; piumq; datum.  
Sæpe suos ciues pellebant urbe tyranni,  
Urgebant miseros tristia multa bonos.  
Iustitia hinc aberat proprio spoliata nitore,  
Ne misera in lustris putida mœcha foret.  
Vt magnæ uidit subnixum robore mentis  
Te regere auspiciis mœnia nostra tuis,  
Aurea, uera fero, cœlos Astræa reliquit,  
Atque iterum Ligures conciliata colit.

AD



## AD IACOBVM ALVAROTTVM,

Ferrariensium Principis à consiliis.

Munera legitimis mittuntur plura diebus ,

Turbaq; seruorum cursitat, itq; frequens .

Hic leporem portat, turdos fert alter obesos,

Hic de Phasiaco littore portat auem.

Antiquos igitur seruans ego tempore ritus ,

Hæc tibi pro dono carmina pauca dabo.

## AD LILIVM GREGORIVM GIRALDVM.

Cedite qui Latio scripsistis carmine bella ,

Et quorum celebrat nomina fama uetus .

Lilius ingenio linguaq; potentior omni

Aeternum nostro tempore nomen habet.

## AD CORNELIVM SVSIVM, CAESARIS

à consiliis apud Batauos.

Est in amicitis tumidos qui quærat honores,

Est etiam fastus, qui ue requirat opes .

His ego non moueor, sed si quis pectora musis

Ecxultus Latiis, Cecropiisq; fuit ,

Hunc solum admiror : quem si nanciscor amicum ,

Non uellem magni ditia regna Midæ ,

Nec magis Assyrias gazas, aut Persica regna ,

Maxima nec uellem culmina Pyramidum.

Ergo

Ergo tuos inter nos adnumerato clientes ,  
Deq; tuo sacros fonte bibamus aquas ,

## AD IDVS APRILES.

Prata uirent , & floret ager , uinetaq; frondent ,  
Multa canit uario gutture turtur auis ,  
Atque animi gaudent iuuenū , quibus alma Dione  
Spirat : at , æternū qui fleat unus ; ego .

## DE AMORE.

Hoc in amore malum , quo nullum denique maius ,  
Libertatem animi perdimus , atque animam .  
Cuius in insidias postquam deuenimus , urgens  
Seruitii patimur nocte dieq; iugum .

## AD BAPTISTAM CYNTHIVM GIRALDṼM.

Gyraldū saluere iubet Faletus amicum ,  
Qualem Pirythoum Theseos ante ferunt .  
Te licet absentem intueor , te pectore toto  
Accipio , ante oculos nocte dieq; uenis .  
Nunc uideor te alta referentem uoce poetas ,  
Promere nunc satyram , promere nunc elegos ,  
Nunc & Aristotelis nunc & præcepta Platonis  
Edere , nunc thusco carmina scripta sono .  
Horum aliquid scribas igitur , si prorsus amicum  
Non das letheis immemor usque uadis .

AD

## AD DIDACVM PYRRHV M LVSITANVM.

Quòd mihi Bistonium scribis concedere uatem,  
 Ducentem dulci saxa ferasq; lyra;  
 Falleris . ille noui mira dulcedine cantus,  
 In sua naturæ iura trahebat opus.  
 Ast ego uix quenquam possum oblectare canendo,  
 Atque est qui numeros improbet usque meos.  
 Verum cara tamen ita sunt tua carmina Pyrrhe,  
 Illis ut possit gratius esse nihil.  
 Tu modo susceptum constanti pectore de me  
 Nomen amicitiae fac sine fine colas.

## AD DOMINICVM SPINVLAM.

Spinula magnalicer tribuas , maiora daturus  
 Munera , non munus Spinula amare facit .  
 Spinula diligeris non proter munera , quid tum ?  
 Propter uirtutem Spinula diligeris .

## AD GASPAREM SARDVM.

Quòd cupias , quòd ames , quòd tu mirere camæ-  
 Quòd tibi sit cordi Thespiadumq; chorus , (nas,  
 Ab re non certe est , fabri fabrilia tractant ,  
 Afsiduus sermo est upilionis ouis .  
 Quando de curuo loquitur Palinurus aratro ?  
 Et quando Corydon arma uirumq; canit ?  
 Carminibus

Carminibus sedare sitim si tanta cupido,  
 Cur precor ad Lybiæ littora sicca uenis?  
 Fastidire potest tetricus mea carmina lector,  
 Talia nec nasum Rhinocerotis amant.  
 Sed quia non Pylades graue quicquā mittit Orestis  
 Tu mea scripta leges qualiacunque, uale.

## AD EVNDEM.

Cur pyra misisti stomachum lædientia nostrum?  
 An nosti nimium Gaspar obesse mihi?  
 Frigidus est stomachus, medici contraria donant,  
 Si sanare cupis, feruidiora dato.

## AD IO. BERZOSAM.

Carmina fœcundi mores redolentia uatis  
 Legimus, & nostro pectore condidimus.  
 Quid cupis? exiguæ sunt nostro in pectore uires,  
 Et nisi quod Bauius, Busconiusq; sono.  
 Sed tu, quem larga Parnassus proluit undâ,  
 Ede aliquid nostro dulcius ore precor.  
 Ede tuos uersus, Helicon quos nutrit & Ascra,  
 Fac careat tristi morte paterna domus.

## AD MARCVM ANTONIVM

Antimachum.

Te duce Smirnæi cum sint primordia uatis,  
 Te duce Thespiadum cum mihi nota domus,  
 Te duce

Te duce laurigeri cum sint & cognita diui,  
 Te duce Palladiæ cognita sacra deæ.  
 Maxima debentur, debebo plura, Faletum  
 Si facies titulis uiuere possit tuis.

## AD EYNDEN,

Fugit hyems, ueris comites rediere fauoni;  
 Cuncta nitent, passim floribus halat æger.  
 Cypria formosas ducit per prata Napæas,  
 Atque immixta suis gaudet amica choris.  
 Faunus odoratis præcinctus cornua fertis,  
 Ante ipsas ludens itq; reditq; iocis.  
 Frondosæ surgunt in lato palmitæ uites,  
 Et profert fructus arbor opaca suos.  
 Exercet ramis cantus Philomela canoros.  
 Et resonant siluæ cantibus agricolæ.  
 Cunctaq; sub claro succrescunt lumine Phœbi,  
 Pelle graues curas, lætus ut annus eat.

## AD PETRVM BAVSANVM.

Vrbemihî Petre hac non indonatus abibis,  
 En tibi do Aegidæ, Pirytoiq; fidem.

## IN GELRHIAM.

Publica cur laceres, uis dicam Gelrhia: missus  
 Te exagitat stygio sæuus ab amne furor,

-O-E-I-I

EE IN

IN PICTVRAM PRINCIPIS ATESTINAE,  
Talis adest facies, habitus quoque, talis & Anna  
Maestas, color & talis in ore nitet.

A L I V D.

Spirantes Annae si cernis imagine vultus,  
Dices, sic oculos, sic caput Anna mouet.

AD IO. BERZOSAM.

Te vocat ad cenam tuus o Berzosa Faletus,  
Promittens ventrem pascere, non oculos.

AD PETRVM NANNIVM BATAVVM.

Perfida das nobis, & mittis carmina Nanni,  
Quid potius cupiam? carmina malo dari.

EPI. OLYMPIAE COLUMNAE.

Digna Polo, quam non capiebat marmor, Olympo  
Emicat, & sedes unde recessit habet.

EPI. ASCANII CALCAGNINI INFANTIS.  
Nona dies terris o tendit, & addidit astris.

Felix qui caelo tam cito dignus erant.

AD PETRVM NANNIVM BATAVVM.

Ascanius somnum capis hic, discede uiator:  
Dormit enim genitrix quo uigilare queat.

IN ZOILVM.

Disticon infelix cur in mea carmina latras?

Quid faceres, recto si graderere pede?

LIBRI DECIMI FINIS.

HIERO-

## HIERONYMI FALLETI

## POEMATVM

## LIBER XI.

## AD SIGISMVNDVM SARMATARVM REGEM.

AGNOS fama refert adire Reges  
 M Ditis Persidos haud solere quenquam  
 Absque munere, quamlibet pusillo;  
 Nec dignum minus id sibi putare;  
 Mentem munere pluris aestimantes:  
 Hinc, fortissime Rex parentis ora,  
 Pugnaces populi, atque bellicosi  
 Cui parent; Ducis Herculis secundi,  
 Quo Ferraria laeta gloriatur,  
 Orator uacua uenire dextra  
 Ne forsan uidear, breuem hunc libellum  
 Tantisper tibi, qualecunque munus,  
 Dico dum ualeam parare maius,  
 Indignum neque te, tuoq; sceptrō.

## AD IVLIVM TERTIVM

## Pontificem Maximum.

Iuli maxime Pontifex; secundo  
 Qui par Iulio, omnibusq; Paulis

Antiquum Italo reducis aurum,  
 Saturniq; facis redire sacra.  
 Ecquæ dona tibi tuus Faletus  
 His regalibus, optimo dierum  
 Mittet? cui neque thuris est in arca  
 Nec auri unciola, aut libella myrræ,  
 At tu munera nostra nil moraris,  
 Qui ditissimus omnium, caducas  
 Aspernaris opes, facisq; flocci:  
 Præstat summe Pater tibi precemur  
 Felices Piliæ dies senectæ,  
 Aeternum ut ualeas habere clausa  
 Iani limina. Pol sapis Britannæ  
 Qui priscam repetis uiam saluus  
 Hoc sub Principe; fallor, an relictæ  
 Agnoscit sacra, contumax Sueuus?

AD HERCVLEM ESTENSEM, FERRA-  
 rientium Principem IIII. & Garutum I.

Prisci se fieri beatiores,  
 Cum ferrent decimam Herculi, putabant.  
 Sic hæc qualiacunque nunc Faletus  
 Alcida tibi dedicat secunde.  
 Post hac & meliora pollicetur,  
 Si præsens Deus illi es affuturus.

AD



## AD EVNDEM.

Dum nos Eridanus cornibus aureis  
Conuectat placido fluminis alueo,  
Magni progeniem uisere Cæsaris;  
Quis Clius prohibet ludere uersibus  
Alcida, mage quàm ludere tesseris,  
Damnosa aut alijs lusibus alta?  
Ergo dum uacui naue liburnica  
Summi dorfa Padi labimur Hercules,  
Alternis libeat dicere; amant Deæ  
Alternæ Aoniæ, & numina numini  
Gaudent Aonio, templaq; iungere.

## ALOYSIO ESTENSI, HERCVLIS FILIO.

Nymphæ, quæ uitreis Padi sub undis  
Expers exigitis laboris æuum;  
Vester nauigat Hercules, adeste,  
Et molles domino parate cursus;  
Vt qui filiulus domi relictus,  
Absentem queritur patrem Loyssis,  
Nec uestra potis amouere ripa  
Intentos oculos; breui reuersum  
Sospitem uideat, feratq; magno  
Mellitum puer osculum parenti.

AD

## AD EVNDEM.

Mellitissime Principum Loyſi  
 Quos præſens uidet, aut uidebit ætas,  
 Poſt hac innumeris futura ſæclis,  
 Tu noſtros numeros licentiores,  
 Incultos numeros, & impolitos,  
 Dignos laudibus uſquẽ iudicaſti,  
 Atque epiſtolio uſquẽ proſecutus,  
 Docto me Hercule Riccioq; digno.  
 Si non decipis, eſt tuus Falerus  
 Feliciffimus omnium poeta.

## AD LANFRANCVM GYPSIVM.

Felices mihi, cãdidosq; Iani  
 Gyſius faciet ſcio calendas;  
 Et quid ni faciat? poeta bonus  
 Gyſius fauet omnibus poetis,  
 Et quid ni faciat? peritus ipſe  
 Iuris, iure ſuo fouet peritos,  
 Sed nec Caſtalios mihi liquores  
 Sancta Pieris inuidet bibenti;  
 Et me maximus Alciatus olim  
 Iunxit Sulpitiis, & Vlpianis,  
 Sperandum eſt igitur, dabit lacernas,  
 Dabit munera Gyſius Faleto,

Muſa

Musa quid facis? Para liberalis  
Gypsi petis? Herculis uolebam.

BAPTISTAESARRACQ.  
Summo Procuratori.

Commendo tibi me, ac nescis trecentos  
Non dico ingenuos Sarrache amores,  
Nanque hoc putidulum, & nimis uetustum est,  
Sed quod dulcis herus, decusq; nostrum  
Alcides semel annuit petenti  
De nota meliore liliatos:  
Quod si feceris, ut meum Sarracum  
Facturum puto, recte, & expedite  
Est in ære tuo, & libra Faletus

AD ALFONSVM PRINCIPEM.

Iam radiat celfo stella serena Polo  
Regibus Acois quæ patefecit iter,  
Grandia nunc unus munera quisque parat  
Luce noua, dominis munera danda suis,  
Non tamen est aurum, myrra ue, thus ue mihi,  
Non phrygiæ uestes, non pretiosus onix:  
Pauper enim Musæ pauperis antra colo,  
At quæ non auro dona minora putes,  
Est sincera fides, & bene fidus amor,  
Sunt deuota suis pectora principibus.

Hac

Hæc Alfonſe puer, ſacro dicoq; tibi,  
Alfonſe è Regum nobile ſtirpe genus,  
Hæc cape, & hæc ſiſti conſcios obſequi,  
Pauca licet dederim, conſule pauca boni.

ROGAT LIBELLVM V.T. PETRVM )  
Bauſanum adeat, ac ſuo nomine ſaluter.

Quo præcepſ tuiſ è libelle? quo te  
Demens inſaniabilis libido,  
Quo deſiderium perenne laudis  
Oblitum rapiunt tui feruntq;  
Quid lucem cupis inſolens uidere,  
Contemptis tenebris tui parentis?  
Sed ſi te popularis aura tantum,  
Et uoces, ſtrepitusq; plebis acres  
Delectant, teneris uolare pennis  
Si tantum trepidas, & experiri  
Optas felle liſos ſales amaro,  
De noſtris aue ſcriniis recedas  
Fauſta, ſed quid agis? prius rogarim,  
Si doctis aliquantulum placere  
Optas, & rabidos cauere morſus,  
Bauſani nitidoſ petas penates.  
Cui tu quàm mihi notior futurus.  
Quod dicet facito, nihilq; malis.

Vngues

Vngues, si sit opus, feras seueros.  
 Si dicat maneat, mane, nec ire  
 Exoptes temerarius sub auras.  
 Nullius tibi tam patent penates.  
 Nulli tanta libelle, tam ampla debes.  
 Iccirco reuerenter illum adibis,  
 Antiquæ memor & benignitatis.  
 Impendit mihi iam satis superq;  
 Non affecto manus benigniores.  
 Tento si ualeam referre partem  
 Collatæ mihi liberalitatis.  
 Id quod si facio, fat est libelle.  
 At tu tempore ne uagere longo,  
 Momorumq; cadas in ora præceps,  
 Recto Antuerpia tramite est petenda,  
 Quo cum peruenies, stupere noli  
 Saxo mœnia quæ struit superbo  
 Multum diues opum urbs, & hospitalis.  
 Nec tu diuitias, uel urbis altas  
 Contempler domos, uel affluentes  
 Scaldæ lenis aquas, marisq; fluxus.  
 Nec cures quid agant, parentq; ciues,  
 Nec quis nam modus, & status sit urbis,  
 Baufani tibi cura sit petendi,

Haud mi carior est in urbe tota.  
 Hic est qui miseras fouet camœnas,  
 Qui dextra iuuat, excipitq; doctos,  
 Sensu plenus & eruditione.  
 Admirabere cum domos subibis,  
 Almas Pierides Apollinemq;  
 Iurabisq; nihil deesse præter  
 Motum & uerba deis, & obstupefcens  
 Tanquam ad Lotophagos uoles morari,  
 Non sic te precor, ò libelle, non sic  
 Oblitus uidearis immemor ue.  
 Hæc linquas subito, aliora quæras.  
 Baufanumq; meum lubens saluta.  
 Doctorumq; simul chorum uirorum,  
 Illic turpe nihil, nec indecorum  
 Dicas, aut humile, aut ineruditum,  
 Priuato nisi uis latere tecto.  
 Præ te fer studium, fidemq; nostram,  
 Hoc pro me studiosus allabores.  
 Dii faxint placeas tuo patrono,  
 Vni cui mea, meq; dedo totum.  
 Ipsi te simul exhibere debes,  
 Acceptumq; referre, quòd decorus  
 Incedis cute mi libelle summa.

Vis

Vis dicam? fugias molestus esse:  
Quod dicet facito, nihilq; malis.

## A D E V N D E M.

Discedens superos libens rogabo,  
Vt mecum ualeas Pylios in annos,  
Nunc quodd Palladios tuos penates  
Certe, mi grauitur dolet, relinquam.  
Sed peius timor hoc dolere cogit,  
Ne me perpetuum tuum clientem  
Læthei ire sinas uadi sub undas.  
At sit quod placeat: Deos rogabo,  
Vt mecum ualeas Pylios in annos.

## DE LIBELLO RICCI,

de imitatione.

Donauit mihi Riccius libellum,  
Ille Riccius, ille cui libenter  
Commisit pueros suos regendos  
Alcides dominus, Deusq; noster.  
Sed qualem mihi Riccius libellum  
Donauit deus optime, ut disertum,  
Vt cultum, lepidum, grauem, facetum,  
Vt plenum uaria eruditione,  
Vt totum aureolum, ut suo parente  
Dignum, per Venerem Atticum putau.

FF 2

Et

Et dixi, ueneres, sales, lepores  
Atticos habet hic breuis libellus.  
Et dixi, breuis hic libellus omnes  
Attici redolet thymos Hymetti.  
Heu formose libelle clara patris  
Clari progenies, tibi quod optat,  
Et quod Riccius optimus meretur.  
Donabunt superi, perennis æui  
Felicem genium, scio, sed ipsi  
Optatum Ducis Herculis fauorem.

## AD ALCIATVM.

Magno Perfidos Alciate quondam  
Regi munus aquæ obtulit pusillum,  
Ambabus manibus senex agrestis.  
Non accepta minus tamen uoluntas.  
Sic nostrum tibi quæcunque carmen  
Princeps maxime in orbe litterarum,  
Acceptum faciat bona hæc uoluntas.

## AD IOANNEM BAPTISTAM

à Riccafolis Cort. Præsulem.

Præsulis sanctos liber ad penates  
Ire festinis pedibus labora,  
Et uerecundo refer ore nostris  
Paucula uerbis.

Squalidus



Squalidus quanuis uenias, ad imos  
Te pedes sternes, tamen & salute  
Reddita primum manibus sacratis  
Oscula figes.

Forſitan ſi te, quid agam, rogabit,  
Audeas, nec te decor eloquentis  
Territet lingua, neque te uerendæ  
Purpura pallæ.

Sed uelim dicas, quod ago ſub ora  
Frigida uitam nimium ſeueram,  
Nulla nec noſtram ſine eo morentur  
Ocia mentem.

Et fatigatus licet ipſe curis  
Exigam abſentis domini fauorem,  
Quæ reluſtanti cecini Minerua  
Carmina mitto.

Scripta quæ crasſo calamo fuerunt,  
Dum mihi à legum ſtudio uacabat,  
Et laboranti meditabar amens  
Gaudia uitæ.

Dum foras profert mea ſe uoluntas,  
Et tuam lucem ſtadiumq; Præſul  
Aſſequi geſtit, numeris in almas  
Promicat auras.

Quod

Quod canam uersu teneros amores  
 Cantus excusa, rogo, nos ut illa  
 Labe purgatos maculaq; Præsul  
 Sentiat esse.

Vrimur non sic, vacuumq; pectus  
 Turpibus curis, grauibuscq; plenum  
 Pellit, ignarum quid agat, iocoso  
 Tristitia ludo.

Vt solet, curas hominum cachinnis,  
 Cum meis pictas numeris uidebit,  
 Pellet, & multo mage nos morantur  
 Sobria, dicet.

Cerne quid dicat, quoties loquetur  
 Præsul, & sensus tua ne retardent  
 Verba conceptos, Dominiq; reddas  
 Omnia nutu.

Si places illi satis est: quid optas  
 Amplius æ tantum studeas, ut illine  
 Gratus, & compto meritis fauorem  
 Carmine cedas.

#### ARBOR LOQVITVR.

Nuper argutis celebrata chartis  
 Omnium lætos oculos morabar;  
 Nil reformidans ueniente bruma  
 Frondibus arbor.

Plectra

Plectra quid tantum siluere uestra  
Optimi uates ? resonet canorum  
Carmen, & Mūsæ redeant priores  
Auspice Phœbo.

Non semel Ditem fidibus canendo  
Thracius mouit, ueteresq; Thebas  
Struxit Amphion, Phrygiæq; Pæan  
Mœnia Troia.

Nec semel rhetor Fabius legendo  
Munus è fisco meruit Quirini;  
Ambiat uobis populi fauorem  
Cognita uirtus.

## AD STEPHANVM SPINVLAM.

O ingens Ligurum decus,  
Et splendor Genuæ Spinula diuitis.  
O laus Aufoniæ ducum,  
O patrone tuis grate clientibus.  
Si quos dextra beat tua,  
Debemus tibi, si sollicitudine  
Si curis uacui sumus,  
Si quid Musa modis nobile personat,  
Quod te detineat suis.  
Hæc accepimus à te Stephane omnia.  
Nobis te sine nil datum,

Non

Non audemus opus grande nec arduum,  
Si desit studium tuum.  
Si quod tu dederas, reddimus id tibi,  
Hoc iusto facimus modo.  
Non quot uoluit arenas Tagus aureas  
A me, aut sardonicas petas.  
Has larga tibi dat Cæsar opes manu.  
Cuius summa benignitas  
Virtuti fauet, & consiliis tuis.  
Adiungitq; tibi decus.  
Is tradit Siculi diuitias agri,  
Et te præsidio iuuat.  
Is te digna potest reddere præmia,  
Nos dotes damus ingeni  
Versus, exiguo pectore qui fluunt.  
Et si quid placeo tibi,  
Pallante, & Licinis uiuo beator.  
Nec quicquam amplius expeto.  
Te quondam tenuerunt fera prælia  
Oblitum penitus tui,  
Tunc cum Cæsareis, iunctus ab hostibus  
Vrbem milite liberas.  
Nec te tunc uiguit fortior omnium  
Alter, seu melior ducum.

Suspensi clipei sunt tibi Martii  
Iamdudum laribus tuis.  
Qui tunc consilio & robore bellico  
Ex æquo fueras potens.  
Nunc defuncta suis corpora uiribus  
Maius consilium regit,  
Iam bellum ualuit, nunc toga te tegit  
Tractantem populi statum.  
Ergo cum uacat, & ciuicus hic labor  
Dat fesso requiem tibi,  
A curis uacuo pectore, carmina  
Si ridere uoles, legas,  
Nostri sisq; memor, sicut ego tui.

LIBRI VNDECIMI FINIS.

GG

POEMA.

POEMATVM LIBER XII.

EPITALAMION HIERONYMI FALETI,

& Paulæ Calcagninæ per Liliũ

Gregorium Gyraldum.

VNC Hymenæe decet maternos cede-

N re cantus,

Virginis Herculeæ ad thalamos uatisq;

Faleti,

Quos uinxere Dei qui uincla iugalia seruant,

Auspiciis paribus, concordî & fœdere amoris.

Ergo age dum fratres ludunt plaudentibus alis,

Idaliosq; legunt flores, nectuntq; coronas,

Concine inauditum carmen, non ordine fucto,

Non utriusque genus referas stirpemq; parentum,

Quorum armis, studiisq; uiget late inclyta uirtus.

Tunc sic Vranix natus, pulcherrima proles,

Et comes Vranix Veneris sanctiq; pudoris,

Dixit, frater ades, cui connubialia curæ

Carmina sunt, mecum latium nunc concine carmẽ.

HYMEN, ET THALASSVS.

Vesper adest pueri properate, en aurea cœlo

Sidera conniuent, celeres perferte patrimi

Matrimiq; faces, & spinea lumina tedas,

Sacraq;

Sacraq; præportent calathis arcana Camilli,  
Mystica quæmonstrent fieri connubia sancta,  
Ducite concordēs felicia stamīna parca.  
Non terram quatjat Neptunus, & aera nullus  
Perturbet sonitus, fausto sit prima diei  
Hora polo, è gelido sumatur limpida fonte  
Lympha, sacro nec diuum desit in igne potestas.  
Ducite concordēs felicia stamīna parca.  
Nec colus hinc absit, nec fusus, flammēa uelent  
Nunc noua nupta tuum cultum diademate crinem,  
Punica nec desint, nec mala cydoniā uobis.  
Ducite concordēs felicia stamīna parca.  
Hostia, uestibulumq; domus tria numina seruent,  
Terrorēs procul ut Siluani pellere possint.  
Nec uos lingua nocens, oculus neu fascinet ullus,  
Summam dextra fricet, uel cingat bacchare frontē.  
Ducite concordēs felicia stamīna parca.  
Iam strepat ante fores, nucibus geniale cubile  
Prônuba consternat thalamum. dea Cinxia nodo  
Vos liget Herculeo, & cælo bene garrīat ales.  
Ducite concordēs felicia stamīna parca.  
Vinxia uos ungat dea, Zigiā iungat amantes,  
Colla iugo premat & dea quæ Iuga nomine dicta  
Ducite concordēs felicia stamīna parca. (est.)

Soluatur strophium, soluatur zona puellæ,  
 Iungite labra labris, coniungiteq; oribus ora,  
 Linguaq; cum lingua pugnet, certetq; uicissim.  
 Ducite concordēs felicia stamīna paræ.  
 Vt plantas hederæ, sic stringite colla lacertis,  
 Oscula non uincant, non murmura uestra columbæ,  
 Alter & alterius geminatis ictibus inguen  
 Apprimat, hic tandem fessi languore cubetis,  
 Donec uos pulchra facti iam prole parentes,  
 Quæ doceat balbo ore loqui, & lallare ta, ma, pa.  
 Ducite concordēs felicia stamīna paræ.

## P O E T A.

Plura quidem dicturus hymen fraterq; Thalassus,  
 Cum Phœbus cithara, & docto Cyllenius ore,  
 Et uario musas modulantes carmina cantu  
 Præcinuere tibi, & sponsæ uentura Falete.  
 Pensaq; ducentes, quibus assensere sorores,  
 Et Dei quinque, penes quos sunt sponsalia curæ.

## B E R N A R D V S L I N G I V S

Hieronymo Faleto.

Nunc satis apparet, te sub Parnasside rupe,  
 Carpentem somnos isthunc hausisse furorem  
 Diuinum in uenas, atque in tua pectora numen.

Nec



Nec non Phœbos tripodas adiisse uideris ,  
 Hæc ubi docta tibi suggessit carmina Pæan .  
 Quin maiora loquar . cunctæ sua dona camœnæ  
 In te unum fudere , benigno , ac diuite cornu .  
 Te doctus genuit Phœbus , Venus aurea mater .  
 Hinc tibi uenerunt diuinæ semina mentis .  
 Hin Deus iste tuus , stimulante calefcis eodem .  
 Post ubi paulatim matura adoleuerat ætas ,  
 Blando Calliopea sinu suscepit ephœbum .  
 Atque ait , ò generose puér decus addite Musis .  
 Haud aliud uidi in toto præstantius orbe  
 Ingenium , plures dotes quod compleat isto .  
 Felices talem qui te genuere parentes ,  
 Felix si qua tibi soror est , fratresq; beati .  
 Te manet illustris , nec non & fama perennis .  
 Nam tu res gestas regumq; , ducumq; sonabis ,  
 Præcipue magni ac inuicti Cæsaris acta ,  
 Horrendas pugnas dices , & maxima bella ,  
 Bella per hos annos quæ à Cæsare gesta fuerunt  
 Contra Gallorum Regem , Turcasq; nephandos ,  
 Quos Cæsar , quanuis horrendos , strenuus arcet .  
 Tum dulcis patriæ , ac Oenotria bella tonabis ,  
 Vt nullo tenebris unquam damnentur ab æuo ,  
 Sed potius uiuant semper populisq; legantur .

Quin

Quin per te leges, per te quoque iura uigebunt,  
Queis operam noctesq; , diesq; dedisse iuuabit.  
Hæc atque his maiora meo tu munere possis,  
Si modo conatus summos contexeris, ut iam  
Cœpisti, posthac sacras coluisse sorores:  
Etsi non animus studiorum sistere cursum.  
Quare nē pigeat primos tolerare labores,  
Pramia quos nobis credas haud parua manebunt,  
Quiq; tibi, generiq; tuo per sæcula nomen  
Perpetuumq; decus parient, laudesq; perennes.  
Ne te commoueant quod nunc plerique uagantur  
Alsidue iuuenantur, amant, ueneremq; sequuntur  
Turpem, posthabitis studiis, & rebus honestis.  
O quantum plerique omnes præstare ualerent  
Vsq; adeo, ni uni Comoq; Methæq; uacarent.  
Sed mitto ignauos, telluris inutile pondus,  
Qui numerus sunt, & fruges consumere nati.  
Istos desidiæ meritas persolvere pœnas,  
Ipse tuis oculis, mihi crede, iacere uidebis.  
Nam ipse sibi pœna est quicumque sine ordine uiuit.  
Sed Phryges, ut dicunt, resipiscunt serius usque.  
Sic Dea Calliope paucis afflatur ephœbum.  
Quo facto Musis reliquisq; sororibus ipsis  
Imperat, ut iuuenem properent deducere sacros  
Cunctos

Gūctos ad fontes, amnesq; , locosq; beatos ,  
 Quos habitare ferunt Nymphas pia numina uatū .  
 Nec mora iussa obeunt castæ , doctæq; sorores ,  
 Atque pias iuuenem deducunt ilicet ædes .  
 Primum Parnassum Phœbo, Bromioq; sacratum  
 Accedunt, adytum Phœbi tripodasq; relaxant .  
 Inde poeticus ille furor, qui carmina dictat,  
 Inde diuinum concepum pectore numen .  
 Delphica fatidici linquunt penetralia Phœbi,  
 Linquunt Pyrenen sacram, Dircenq; perendam .  
 Inde Heliconæ petunt, inde & Libethridas undas,  
 Aoniumq; nemus, Cirrham, Nysamq; subintrant,  
 Hinc ad Permellum ac Thespim uestigia figunt,  
 Moxq; Caballino iuuenis se proluit amne,  
 Vsq; adeo ut memoræt, totū immaduiffe liquore .  
 Inde Faete tibi, ut perhibent, ditissima uena,  
 Hinc tibi tam grandes faciendo in carmine uires .  
 O fortunatus nimium, tua si bona noris:  
 Quæ superi seruare uelint ad Nestoris annos,  
 Scilicet ut profint studiis multumq; diuq; .

NICOLAVS NICOLAI GRVDIVS

Hieronymo Faeto.

Siccine tu nobis mittens Hieronymæ uersus  
 Mittere ab inculto flores te scribis agello ?

-59701

Mollibus

Mollibus aut illos prunis rudibus ue corollis  
 Componis ? sic repere humi ? sic cellâ subire,  
 Nanç primum te te meditari in culmina rupis  
 Aoniæ ? sic me sacrato in uertice sustis ?  
 Crede mihi, uerum fateor, sunt nomina nobis  
 Muranda, atque tui uertendus carminis ordo.  
 Ipse etenim sacros latices, fontemq; beatum,  
 Vnde trahunt uatum præcordia sancta furorem,  
 Haud unquam gustauî, audaci nec mihi planta  
 Est tentatus apex Heliconius. At mihi tantum  
 Sacrati montis procul in radicibus imis,  
 Quà zephiri tenues inter uirgulta susurrant.  
 Ludenti satis est uoces audire canentum  
 Nympharum, Phœbiq; choros, Phœbiq; sororum,  
 Atque per anfractus dubios & lubrica saxa  
 Susplicere in summum felici euadere passu  
 Magnanimos iuuenes, quos Phœbi uiuidus ardor  
 Excitat, audaciq; pares facit ille labori.  
 Teq; adeo Falete tuo de nomine uates  
 Ausonios. Vidam, Fracastoriumq; sequutum,  
 Sic te Phœbus amet, sic tempora Daphnide cingat.

ALVARI MENDOZAE AD CAESAREM.

Omnibus in terris si quæras maxime Cæsar,  
 Qui tua uenturum diffundat facta per orbem,  
 Impe-

Imperiumq; tuum, mores, amplosq; triumphos,  
Et genus, & famam, uirtutes uersibus ornet.  
Nullus adest, docto qui possit carmine uates  
Faleto æquari altifono sacroq; poetæ.  
Huic cedunt uates, pulchræ cessere sorores,  
Quæ sua circundant frondenti tempora lauro,  
Atque illi faciles referunt ad sidera cantus  
Assensu superum magno, concedat & æqua  
Pallas, & auratam citharam concedat Apollo  
Vocalem citharam, resonabile carmine plectrum.  
Iste tuus uates Cæsar canet horrida bella,  
Hic canet imperium, fueras cum lectus ab omni  
Parte, orbisq; sibi petiit te maxime Cæsar.  
Et tua regna feret, Belgas, Italosq; feroces,  
Germanosq; Duces, laudatq; pectora Iberum.  
Pannoñicas dicet pugnas, Turcasq; fugatos,  
Tunicei referet numerofo carmine bellum.  
Ille canet quantis te gens Romana triumphis  
Excipit, Ausoniæ dominum pars maxima terræ.  
Regnaq; Francorum bello concussa cruento.  
Quando intra patriam Gallos ad bella uocasti,  
Qui pauidi potius se se intra mœnia condunt.  
Maxima quæque canet, quâuis sine fine redundant,  
Denique describet iusta te sede locatum,

HH

Cuiq;

Nulli religio est , nulli facundia maior .  
 Omnis honor uatum Musis , & Apolline cretus ,  
 Quem si uidisset , non inuidisset Achilli ,  
 Regnatorem Asiæ uincens Ammonius heros .

P O L I A N V S C A L A B E R ,

Hieronymo Faletto .

Sis licet exigua mihi consuetudine notus ,  
 Qui precor ut firmo fœdere crescat amor ,  
 Ite tamen dixi , quid enim uetat ire ? salutem  
 . Ite leues elegi dicite uoce mea .  
 Aspicias hinc monitos quos nec pudor impedit ullus  
 More salutantum limen adire tuum .  
 Fallor , an excipies porrecta carmina dextra ?  
 Quàm merito uersus hos ego dicis amo .  
 Latus ama nostram testantia carmina mentem ,  
 Me miserum , inuita scribimus illa manu .  
 Non quia non poteris nobis carissimus esse ,  
 Scribendum ue nihil quod rear esse tibi :  
 Sed quoniam malletm præsens ea uoce profari ,  
 Quæ nunc absenti litera nostra refert .  
 O utinam lato ferat hunc Pallantias ortu ,  
 Censeo quem certe non procul esse diem ,  
 Hinc ego Nemetum ueteri digressus ab urbe ,  
 Quo uestris iterum mœnibus hospes ero .

Colle-

Colloquiisq; fruar uestris, & uocibus illis,  
Quas mella, aut si quid dulcius ipse uoco.  
At modo qui Rheni, quia res ita cogit, ad undas  
Inuisa ferimus tædia longa moræ,  
Mox ubi flant molles zephyri, uerisq; uocantur  
Tempora, cumq; tuus sudat hirundo labor,  
Tunc ego, quæ nunc sunt morbo mihi pene solutæ,  
Non uires alio debilitante meas,  
Quadrupedis frenans iniectis ora lupatis  
Sum digressurus flumine Rhene tuo.  
Rhene uale, dicam, spumantis & accola Rheni,  
Vestraq; præpropere mente lycæa petam.  
Non ut sectemur leges, legumq; magistros,  
Inq; tuis castris Barthole miles agam.  
Non ut contendens metuendo iudice coram  
Vlla perorata præmia lite feram.  
Dextera me lenes natura creauit ad artes,  
Ingenio nunquam litis amante fui.  
Dent mihi sedatæ libethrides otia uitæ.  
Iurgia nulla fori litigiosa sequar.  
At potius sacris musarum operabimur hortis  
Peligni ingressi nobile uatis iter:  
Et uacuis animis meditabimur utile carmen,  
Quod queat à sera posteritate legi.

Da ueniam uerbo, modo carmina nostra futuram  
 Digna uetustatem posteritate ferant.  
 Sit nobis facilis, merito quam semper amaui,  
 Pieris, & regum despiciemus opes.  
 Hinc mihi nescio quæ uenturæ nomina famæ  
 Concipio, certum polliceorq; decus.  
 Denique sermonem tecum conferre iuuabit,  
 Colloquium poteris si modo ferre meum.  
 Aut ego facta foris, sequimur dum castra recensens,  
 Narrabo, sed tu quæ tibi lecta domi.  
 Tu mihi Aminciadæ recitabis facta, librisq;  
 Eruta, at ipse mei Principis acta tibi.  
 Aut onerabo meis placidas tibi uersibus aures,  
 Dum mihi commemoras, excipi amice tuos.  
 Quā dulcis conuictus erit, quàm utrunque iuuabit.  
 Hæc sunt quæ cupiam, quæ cupienda probis.  
 Desino, iam paucis claudantur ut omnia uerbis.  
 Meq; diu possis sospes amare, uale.

## AD HIERONYMVM FALETVM

Ioannes Aínsa Hispanus.

Ad te proposui cum scribere, nescio, quonam  
 Effugiant uersus ingeniumq; meum.  
 Vnde noua irrepsit nostris ignauia neruis,  
 Vix scio, at ereptum sentio me esse mihi.

An



An tibi materies sterilis ? cum Delius ipse

Ad tua sit uates concelebranda minor.

An dedignatur uates succurrere uati,

Quem iuuat Aoniam sæpe mouere lyram ?

Nil horum in causa est, dices Falete. quid ergo ?

Ah pudet, at uatem uera referre decet,

Iam mihi sumptus erat calamus, iã sumpta papyrus,

Iam Deus in nobis, & leue murmur erat;

Cum tua respiciens, ne non uidisse uiderer,

A tanto fuerant quæ mihi missa uiro,

Obstupui, ueluti subito cum rusticus aulam

Principis ingressus, nescius ipse sui est.

Vtq; manere solent orbati lumine Solis,

Qui radios acie sustinuerè diu;

Sic ego uel rerum præ maiestate tuarum

Territus, & multo lumine cæcus eram.

Tantus in his splendor, tantus quocunque reuertor

Cumq; colore decor, cumq; decore color.

Quare age te præsta, qua possim parte tueri,

Aut oculos aquilæ iunge Falete mihi.

Attamen incepi tenues deducere uersus,

Accendunt animos nam tua facta meos.

Rursus at hic nocuit tantarum copia rerum,

Meq; inopem subito copia magna facit,

Cumq;

Cumq; uolo factum de tot tibi millibus unum  
Scribere, ab innumeris hinc feror; inde trahor,  
Vt solet à uentis diuerse flantibus acta  
Cum uariat tactum flamma subinde locum.  
Scilicet, ingenue fateor, tua ponere facta  
Vt decet, ingenii est uberioris opus.  
Ergo tacere meos præstat, doctissime uatum,  
Quàm de tam multis dicere pauca modos:  
Adde quod, ut possem laudes æquare canendo,  
Vix ad sumendos suppetit hora cibos.  
Hoc quoque quale uides properatum carmen, ami-  
Ne me morosum difficilem uè putes. (cis  
Cernis ut indicium ueluti currentis in illo est,  
Ductaq; sunt facili qualiacunque manu.  
Quid si quis famæ credens, maiora putabat  
Condere me in siccum iudicet, inde leuem  
Iudicet. in sicco nanque exit sæpe lapillus,  
Cum lapis in mediis conspiceretur aquis.  
O quoties homines, quoties nos fallit imago  
Rerum, nunc longe quæ modo uisa prope,  
Quis non contendat, Rogium si auscultet, Aisam,  
Peligni similes uatis habere modos?  
Sed nimis hoc: prope Theseo nam feedere nobis  
Iunctus, amicitia forsitan ille fauet.

Quis

Quis uidet in pleno radiantia sidera coelo,  
Atque unum toto hoc grandius orbe putet?  
Ergo age deposito rerum uelamine, quidnam  
Res habet, ex aliis inspicere quidue suum.  
Sed puto uidisti, suspenso ac carmine saepe  
Dixisti, hic ne ille est, ille poeta grauis?  
Ille ego sum, tenui cui semper contigit ore  
Dicere, at extolli semper amice tuus.

AD FALETVM, IOANNES

Berzosa Caesaraugustanus.

Pauca licet dederim, sed magno ficta labore,  
Tu contra dederis carmina multa mihi;  
Non magis idcirco est obnoxia nostra Falete  
Indiga musa tuae, quàm tua larga meae.  
Nanque tibi facile est teretes effundere uersus,  
Ardua res nobis, difficilisq; nimis.  
Scilicet Aonidum tibi contigit esse ministro,  
Nectareasq; sacri sumere fontis aquas.  
Ipse loci ignarus, quo fixit Pegasus ungues,  
Emendicatos iungo Falete pedes.  
Plura tibi restant, ubi carmina plura dedisti  
Multa potens, si das multa, quid inde petis?  
An peris æquali reddatur gratia merito?  
Vt iubet Ascræi musa diserta senis.

Ab

Ah nescis quanto uersus compono labore,  
 Vt uix de uena pauperiore fluant.  
 Quid? quod eos ad te paruis ego mitto tabellis,  
 Vt, si quando uacet, terq; , quaterq; legas.  
 Tu tantum recitas, nec uult tua Musa uideri,  
 Et mauis uersus ut leuis aura ferat.  
 Eia age Tantalicis iam nos precor erue pœnis,  
 Extinguatq; sinas ut mea musa sitim.

## I D E M.

Quid precor innumeris oneras me uersibus? ohe  
 Quid tibi uis? non hoc nostra Thalia petit.  
 Non petit alterno tecum contendere uersu,  
 Non adeo uana rusticitate tumet.  
 Marfya dum Phœbo studuit par esse uideri,  
 Direpto pœnas tergore morte dedit.  
 Sed quid ego mitto, mittis tu carmina, summo  
 Id cum Berzosa iure Falete facis.  
 Id facis ut nunquam mihi sis obnoxius ulla  
 Parte, sed ut totus debeat usque tibi.  
 An metuis forsan superem te uersibus? ò quàm  
 Corda superuacuis possidet ista metus.  
 Sufficit ò clari lampas clarissima mundi,  
 Sufficit ingenio sic placuisse tuo.

Magna

Magna decent alios uates: tua munera nostra  
Attrectare nephas carmina sancta manu.  
Nam quæ sunt decori, uati data carmina docto  
Ingens indigno dedecus illa ferunt.  
Sed nunc qui potero nutanti ferre Thaliæ  
Auxilium? nimio pondere pressa cadit.  
Succumbat, neque enim fas est pugnare Tonanti  
Vndenoq; tuo sit minor illa pede.

## I D E M.

Quæ charites, quæ Phœbus amat, doctæq; sorores,  
Deq; Iouis cerebro nata Minerua colit,  
Cui se Calliope totam debere fatetur,  
Et sine quo nunquam ducit Apollo choros,  
Et cui totius Parnassi credita cura est,  
Quiq; rigat uatum uersibus ora suis,  
Qui dulcem mentis fructum donumq; Thaliæ  
Carmina dans, letos nos hilaresq; facit,  
Ille cur elogio non est dignissimus omni,  
Dignus ab Andino Mæonideq; cani?  
Adde quod humana probitate Faleſus abundat,  
Carmina dignatus mittere carminibus.  
Inq; his Berzofam, quo nil dabis amplius unquam,  
Esse sua dignum censet amicitia.

II Nempe

Nempe Cytheriadum mystes amat ille poetas,  
Quauis dissimili fœdere sacra colant.  
Viue Falete diu, supplex ego numen adoro,  
Tempora amicitiae, ne det auara mea,  
Neue tuum quatiat nomen, sed tempore longo  
Det tibi nobiscum carmine posse loqui.

## I D E M.

Sicut ubi plenum liquido cratera Falerno  
A focero accipiens aurea dona gener,  
Latatur stabili concordis fœdere lecti  
In sua tecta ferens illius è laribus:  
Sic me sincero donatum pectore carmen  
Vnde tuus liquido conspiceretur amor.  
Dulcius ò hybles carmen mihi melle, repleuit  
Lætitia, & lachrimas pene Falete dedi.  
Musaq; uisceribus nimium ingeniosa mouendis  
Dimouit proprio pectora nostra loco.  
Sapeq; deficiunt sirenum ut cantibus illa  
Carminis illecebra semispulta tui.  
Optauì quoties, missis utrinque daretur  
Carminibus tecum posse Falete loqui.  
En loquor ingressus certamen dispare uena  
Aurea das nobis, area reddo tibi.

Quàm

Quàm felix illud momentum temporis, in quo  
 Pectora pectoribus sic coiere, fuit.  
 Sæpe quod haud ullo contingere posse putaras.  
 Tempore, diuina contigit illud ope.  
 Grande tuum est carmen, nec paruis uiribus, ingēs:  
 Est uena, est torrens ingeniū; tui.  
 Gloria nec pedibus nostris accedere maior  
 Illa, quam meritō dat tibi fama, potest;  
 Fama dat, ut debet, diuini nomina uatis;  
 Si possem numeris accumulata darem.  
 Sed si partā meæ felicia stāmina uitæ.  
 Adneat, & Lachesis longius illa trahat,  
 Vberius multo scribam, & maiore canēna:  
 Fama tibi interea tanta sat esse potest.

## I D. E. M.

Carmina mitto iterū, quid enim nisi carmina mittā?  
 Non habeo, satis est, si tamen illa probas.  
 Et nisi Musa tui nimium studiosa Falete  
 Quas merita est, pœnas garrulitate luat,  
 Digna tamē uenia est quod ego sum tardus & impar  
 Officiis, partes suscipit illa meas,  
 Teq; ideo toties iterumq; iterumq; reuifens  
 Hoc facit, ac nunquam sat facit illa mihi.

anCI

II 2

Fallitur

Fallitur ah, si me meritorum mole tuorum  
Hoc tantum faciens exonerare putat.  
Namque hic humano probitas admixta lepori,  
Et sancta mores integritate tui,  
Atque tuum nomen, quod mundus uoce perenni  
Liberat inuidia, conspicuumq; facit.  
Assidua hinc nostros subeundi cura penates,  
Atque tuæ immensum fœdus amicitiae.  
Et quod ais semper, tuus est Berzosa Faletus,  
Gaudes cum subdo, non minus ipse tuus.  
Hac immensa adeo cum sint, & maxima, non uis  
Pessudent ausus propositumq; meum?  
Ergo quid? ingrati nomen Berzosa subibit?  
Missa mane, tulit hic nam mihi Phœbus opem.  
Sum tuus, & poterit dissoluere debita tempus,  
Sum tuus, hoc nostri symbolon est animi.

## I D E M.

Scribis, ego fileo: promitto carmina, nunquam  
Mitto, me segnem forte Falete putas.  
Quis, precor, ignauus quamuis sit miles, inersq;  
Audacter nollit te duce signa sequi?  
Non hac, nos ergo, non hac ratione silemus.  
Non est segnities: sollicitudo mea est.

Dum



Dum mala contemplor, quæ cingunt pectora, musis

Legitimum nequeo tempus amice dare.

Nec uacat, ut uellem, quod sentio dicere uersu,

Infortunato tam uacat esse mihi.

Sum miser, affixusq; graui intabesco dolori,

Vt grauius doleam fert alimenta dolor.

Vivo, sed in tenebris, & lux mihi nulla refulget,

Nec mea dum constat uita ne mors ne fiet.

Quæq; dies studiis tulit hæc incommoda, finem

Sola est ærumnis morte datura meis.

Accedatq; prius, quàm sit Berzosa Faleti

Immemor, & lachrimas finiat illa precor.

Illa feret secum, siquid peccasse uidebor,

Illa graues culpas est subitura meas.

Nam puto cum gemitu, quisquis nos norit amicos,

Defuncto reddet talia uerba mihi.

Hic Berzosa iacet, qui par facturus amico,

Crudelis nisi mors impedisset, erat.

Id dicent omnes, & quæ tua maxima uirtus,

Vna satis populi uox erit una tibi.

Sic deuincta tuis reddis mea pectora uerbis.

Vt collata queat gratia nulla magis.

Carmina dum mittis, dum comiter usque salutas,

Dumq; etiã, misero quid mihi desit, habes.

Nil

Nil conferre quidem poteras, his amplius unquam  
 Cur uis officiis nos onerare tuis?  
 Ah nescis quod cum des mihi nihil ipse rependam,  
 Hinc bona pars nobis anxietatis adest.  
 Nanque superueniens curæ noua cura priori,  
 Fluctibus ut fluctus, turbida corda facit.  
 Non quia non magni, quidquid facis ipse Falete,  
 Et faciam, & ducam numinis instar ego,  
 Sed quod dum semper facis, hoc succumbere cogis,  
 Dumq; leuare cupis, me magis usque premis:  
 Ne premeres, aliqua si possum parte referre,  
 Quod debere tibi mens sibi nota uider.  
 Sed si dum nequeo, pateris, nec poscis ut impar  
 Id possim, & faciam quod potes, atque facis.  
 Pendeo deq; tuo nutu, simul atque renutu,  
 Et uolo uelle tuum, noloq; nolle tuum.  
 Utq; aliquando loquar, nec semper symbolus adsum,  
 Inuitus dedit hoc carmen Apollo mihi.  
 Atque adeo inuita cernis decurrere uena,  
 Ingrati tamen est turpe subire notam.  
 Ergo quod fidus, quod sum tibi debitor, ista  
 Testetur nostra littera scripta manu.

ANDREAS

ANDREAS SAVER A MEMMESDORF

Hieronymo Faletto.

Pignus amicitiae legi tua carmina nostrae  
 Ealeti Aufoniae fama, decusq; lyrae.  
 Quae duplici nostram meruerunt nomine laudem  
 Maiorem, nostro quam queat ore cani.  
 Primum nanque tuum uates diuine poema  
 Iudicio scito tale fuisse meo.  
 Quale sub Aonia decumbens molliter umbra  
 Luderet aurata Delius ipse chely.  
 Tanta meas tenuit tum uis dulcedinis aures,  
 Tam mihi suaue dedit cum tua musa melos.  
 Tunc ego Parnasi te uertice montis in alto  
 Vidi Phœbeos edidicisse modos.  
 Et tua Pegaseo tinxisse labella liquore,  
 Ambrosiaq; tuam te pepulisse famem.  
 Nunc tibi nil deest, nil uates cultissime, præter  
 Quae crines ornent laurea ferta tuas.  
 Hæc tibi Pieriæ concinnat cura cateruæ  
 Et mox ne dubites illa parata dabit.  
 Prima tuum fuit hæc laudandi causa poema,  
 Altera nunc sequitur causa canenda mihi.  
 Nam quod pro gemmis, pro fuluæ munere massæ,  
 Et pro spumifero pectore fortis equi:  
Proq;

Proq; aliis donis, quorum possessio nulla,  
 Quod tibi sit fundo deficiente doces.  
 Integrum summiq; refers mihi pectus amici,  
 Cui foedus firmæ iungis amicitia.  
 Hæc ego tam grata capio tua munera mente,  
 Quàm procul aurifero dona petita Tago.  
 Diuitiis cunctis ea Crassi præfero gazis,  
 Proq; isto grates pectore dico tibi.  
 Si mihi præstabis fidi Pollucis amorem,  
 Ne dubita, nostrum cor tibi Castor erit,  
 Viue precor late uiuacis sæcula cerui,  
 Illustret nomen turba nouenatumum.

## AD HIERONYMVM FALETVM

Cornelius Susius.

Bis tua iam nobis Hieronyme docte dedisti  
 Carmina, quæ decies sunt repetita mihi.  
 Carmina Peligno quæ sunt placitura poetæ,  
 Iudicet ipse Maro de meliore nota.  
 Nos altum reticere doles, sed credere noli  
 Contemptu id fieri docte poeta tui.  
 Dicere rusticitas prohibet, non rite putasti  
 Non facere ad faciles iura seuera iocos.  
 Cæterum amicitiam, mihi qua nil tale merenti,  
 Iungier ex animo candidiore cupis.

Hanc

Hanc equidem Faletē tibi, doctisq; paratus  
Præstiterim, & nulli cesserō in officiis.

IOANNES BAPTISTA CINTIVS

Giraldus, Hieronymo Faletō.

Nulla tuum nobis monstrarunt carmina nomen,  
Carmina, quæ nuper scripsit amica manus,  
Ast animus, quo te præsentem cernere fas est,  
Subscripsit numeris nomina certa tuis.  
Vtq; mihi semper fuit ingens cura Faleti,  
Sic lætor curam nunc te habuisse mei,  
Atque optasse notis me scribere magna solutis,  
Hisq; Priulorum concelebrare decus,  
Amphitryoniadem graviori aut dicere uersu,  
Vel molli Cyprin concinuisse lyra,  
Regia uel Tragico pulsare ad pulpita planctu,  
Quo bene uiuendi semita certa datur.  
Hæc potui cecinisse olim: nunc serior ætas  
Ingenii nobis quod fuit ante tulit,  
Nunc riuus, quondam fluxit qui diuite uena,  
Aret, & in luctum nostra Thalia gemit,  
Atque dolet steriles agros, & semina sparsa,  
Non profecturo semina sparsa solo.  
Hinc penitus sileo, studium nec inutile tento.  
Sicq; bonos dol eo præteruisse dies.

kk

At tu

At tu, cui Phœbus nūmeros, & cārmina dīcat,  
Flectere quēis potis es numina magna Deū,  
Ne citharæ cesses percurrere pollice cordas,  
Et fidibus lætos concinuisse modos.  
Quò tibi sic parias æui uenientis honores,  
Et numeris tollas nomen ad astra tuum.  
Intereā posco, liceat si poscere quicquam,  
Re præstes, pepigit, quod mihi pacta fides.  
Nec furi faueas, nostram qui surripit artem,  
Prodidit indicio ac turpia furta suo.  
Coniugis egregiæ tarde sic forma senescat:  
Sic uideas natæ pignora grata tuæ.  
DIDACI PYRRHI LVSITANI, AD GASPA-  
ra Sardum, & Hieronymum Faletum amicos.  
Gaspar, & antiqua Ligurum de gente Faletus  
Nomina sunt Pyrrho semper amanda suo.  
Alter Acidalios sequitur, quibus ardet, amores,  
Alter Atestinos ordine ducit auos.  
Et cum mollis amor duris longum absit ab armis,  
Ingenii fama fertur uterque pari.  
Nimirum numeros illi, uocemq; ministrat  
Regia, & in nodum torta puella comam.  
Olli plectra mouet, præstatq; in carmina uires,  
Quo fremit umbriferi principe ripa Padi.

Dii precor, Alcide quibus est domus inclýta cōdís,  
 Sanctaꝫ; cum magno cura Renata uiro,  
 Gaspara, & insignem uatem seruate Faletum.  
 Dimidium uitæ est ille, uel ille meæ.

BAPTISTA SARRACCVS.

Hieronymo Faletto.

Tu Faletto om̃as ꝑ facis & me carmine lætum,  
 Eximis & lætho nomen & ipse meum.  
 Omne æuū uiuas felix, te uiueri iustum est,  
 Qui fallis læthum, cunctaꝫ; læta facis.

IN D. E. M.

Dat tibi Faletus quod uiuas tempus in om̃e  
 Ferrine, hac poterās conditione mori.  
 Nam dum te celebrat, Marcū huc remeasse Maro  
 Ostendit miro carmine, & eloquio.

OTTE T. D. E. M.

Protinus ut legi tua carmina docte Faletto  
 Obstupui; & dixi, ð grande Maronis opus.  
 Sed postquam ex titulo sensi me errore teneri,  
 Clamaui, hoc cuperes composuisse Maro.

FEDERICVS SCOTVS.

Hieronymo Faletto.

Dum Sentinatis Baldiꝫ; uolumina uërso,  
 Quotꝫ; uirum: haud capiat nomina nuda liber,  
 Nasonis

Nafonis lachrimofa meas uox fertur ad aures,  
 Exulo quòd rurfum culpa Faletè tua eſt.  
 Indolui, legesq; putans odiſſe poetam  
 Vt quondam, inde hominem protinus eripui.  
 Quàq; colo tecum communia tecta remiſi.  
 O fortunatos qui meruere frui.

GVLIELMVS BOſCVS, FALETO.

Accepi carmenq; tuum, miſſamq; ſalutem,  
 Hanc legere, hancq; ſinu condere ſæpe iuuat.  
 Quàm bene Muſarũ ò Hieronyme ſemper alumnũ  
 Te dixi, nec ſpes irrita noſtra fuit.  
 En diſtant ſpirantq; tibi dicenda camœnæ,  
 Certatimq; fauent, inq; Helicon trahunt.  
 Hoc ceptam pede curre uiam, patriæq; tuumq;  
 Nomen Cumæos profer ad uſque dies.

ALVARVS MENDOZA FALETO.

Martia quod nũles concurreſ fortis ad arma,  
 Fortem animum laudo docte Faletè tuum.  
 Quod non plebeio dicaris ſanguine cretus,  
 Natales laudo docte Faletè tuos.  
 Quod teneas leges, ſimul & ciuilia iura;  
 Et ſtudium laudo docte Faletè tuum.  
 Carmina quod ſcribis pulchris lepidiſſima muſis,  
 Ingenium laudo docte Faletè tuum.

IDEM.



## I D E M.

Fallere Faletum qua possis arte poetam;  
Ingenium, studiumq; arsq; laborq; dabit.

Vincere Faletum qua possis arte poetam,  
Ingenium, studiumq; , arsq; , laborq; negat.

AD HIERONYMVM FALETVM,

Ioannes Berzosa.

Præsidium, & Latia decus immortale Thalia,  
Et merito à Clario culte Faletæ deo.

Non tam nostra potest, nec tam temeraria Musa est,  
Vt conferre pedem audeat illa tuis.

Sed quia te colimus, nec dum nos noueris ullis  
Vsis, & nescis forsitan ipse coli.

Hos licet inuitis musis, & Apolline uersus  
Mittimus, obsequii maxima signa mei.

MARCI ANTONII ANTIMACHI

Ad Faletum.

Faletæ Aonidum decus immortale sororum,  
Belgica qui altiloquo pectine gesta canis,

Aeternum uiues, æternum nomen habebis,  
Quod nec post cineres deleat ulla dies.

Diuinū id uatis carmen, uirtusq; meretur,  
Virtus perpetua digna uirere rosa.

Hinc per me nullos quæras tibi laudis honores:  
Est meritis quando maxima parta tuis.

Ista

Ista petant alii, quibus est ignotus Apollo,  
Et nulla possunt arte parare decus.

## E I V S D E M.

Natura ingenium multis dat, mentis acumen,  
Doctrinam, eloquium, cumq; lepore sales,  
Candoremq; aliis, uerum hæc qui singula solus  
Possideat, quouis iudice rarus homo est.  
Rarus homo est ideo Faletus iure uocandus;  
Hæc quoniam, ut uideo, singula solus habet.  
Verba soluta modis, numeros seu scribât amicis  
Carmina grandiloqua seu sonet ille tuba.  
Qui potiora petit; gustu caret, & caret omni  
Iudicio, haud hominem, sed cupit ille Deum.

## E I V S D E M.

Acre tibi ingenium quàm sit miramur, ut edas  
Tam faciles docto promptus ab ore modos,  
Siue canas elegos, seu martia bella reponas,  
Heroas quando ducis in arma manus.  
Insurgis quantus Phœbæo agitatus ab æstro,  
Abs te cum referunt scripta Maronis opus.  
Hinc lauro es dignus, cedro cum digna loquaris,  
Et patriæ exiltas gloria rara tuæ.

STE-

STEPHANVS CATTANEVS DE LIBELLO  
Faleti ad lectorem.

Non plures Indo conduntur in æquore gemmæ,  
 Hoc quàm Faleti nobile condit opus.  
 Nulla tibi hic deerunt quantunvis rara legenti,  
 Tristia seu cupias, siue seuera magis.  
 Munera sunt fuluis Hermi pòtiora metallis,  
 Quæ tibi tam culto carmine Musa tulit.  
 Hac non ignis edax, non durum euertere ferrum  
 Nulla uel ira potest, nulla abolere dies.  
 Hunc igitur tibi sume libens, hunc uolue libellum,  
 Hic lateri assiduus sit comes usque tuo.

BAPTISTA SARRACCVS.

Dulcisono solus celebrat te Musica cantu  
 Faletus, quid tum? quæ doceo, ipse canit.

A L I V D.

Musica te solus potuit celebrare Faletus,  
 Nimirum is solus noster alumnus adest.

LILII GREGORII GIRALDI.

Cum mea Musa cadat, tua surgat ad astra Falete,  
 Ah me quæso senem carmine tolle tuo.

LVDOVICI VALENTINI.

Tu, cui permultum est æris, cui libra Falete  
 Appensum libra quod placet ære paras,

Sic

Sic mel lance tua ingenii pensum, atque repensum  
 Reiicio usque operum callidus ara negas.  
 Non tibi sic falsa res, sed sum absque are necesse in  
 Aere tuo, ò utinam sic sine libra etiam.

ALPHONSI BIEVLAQVII.

Falete Ausoniae decus immortale camœna,  
 Et Ligurum antiqui gloria magna soli,  
 Ipse licet nullo fueris mihi tempore notus,  
 Præ cunctis ego te cogor amare modo,  
 Postquam nectarco conspersum rore poema  
 Perlegi cupidus terq; , quaterq; tuum.  
 Illic nam castos licuit mihi noscere mores,  
 Inde tuam noui cum probitate fidem.  
 Ferreus est, quicumque legit tua carmina, si non  
 Protinus additus seruiat ille tibi.

E I V S D E M.

Dum canit altisono Mantous carmine uates  
 Quæ Phrygius Latiis intulit arma uiris,  
 Ipse furore grauis Phœbæo et concitus æstro  
 Fatidico tales edidit ore sonos.  
 Quid miserum Grineæ pater hic deludis alumnum,  
 Negligis innocuos Andiadumq; choros?  
 Nam mihi pollicitus fueras tu sæpe precanti,  
 Irrita nec demens uota futura rebar.

Primus

Primus ego Ausonios inter sine fine poetas  
 Quod canerem miris horrida bella modis.  
 Hei mihi cur uideo, hinc multis labentibus annis,  
 Nasci aliquem plectro qui grauiore canat?  
 Surgere, & inuisa Ligurum de stirpe Faletum,  
 Cui dones numeris me superare suis?  
 Sic ait irarum plenus, gentemq; perosus,  
 Inde Maro est ausus dicere, uane Ligur.

## EIVSDEM.

Senferat Eridanus solitos qui fleuit honores,  
 Pro lachrimis lætas dicere nunc choreas:  
 Mox causam inquirens nouitatis, adesse Faletum  
 Audiit, Aonidum concomitante choro.  
 Illius & cantu aspirat dum pulcher Apollo,  
 Turba Deum ripas contegit umbriferas.  
 Ergo ait, huic iuueni tam dulcia plectra mouenti  
 Bistonius uates cedere iure potest.  
 Ille homines traxit, siluas, & saxa, ferasq; :  
 Ille mouere Deos est potis, atque Deas.

AD HIERONYMVM FALETVM  
 Lili Gregorii Giraldi.

Dum nimium studeo tibi culte Falet placere  
 Desipio, minor at quàm tua culpa mea est.

LL Qui

Qui non debueras agroq; , seniq; iubere  
 Vt fescenninos luderet ille modos ,  
 Ille tibi neque debuerat parere iubenti ,  
 Hinc ergo minor est quàm tua culpa mea .

AD HIERONYMV M FALETVM, HERCVLIS

Estensis Ferrariensium Principis apud Ven-  
 tos Oratorem, Bernardini Fragheri.

Ante uiri quanuis tanti mea scripta rubescant  
 Rustica conspectum, quando uenire solent :  
 Hac pauca, absteriso timida de fronte pudore ,  
 Accedent oculis inspicienda tuis :  
 Cum sis doctrina clarus , cum nobilis arte ,  
 Ingenio præstans , consilioq; potens :  
 Quid ualeat uirtus , per te patet omnibus, alma  
 Eximio fani pectoris eloquio :  
 Sed magnas cupide conantem dicere laudes  
 Deficiunt uires debilis ingenii:  
 Non deerunt alii , dabitur queis carmine digno  
 Dicere quæ reticet nostra Minerua rudis .

IOANNES BAPTISTA CREMENSIS

ad Faletum .

Quæ mihi misisti dulcissima carmina uidi ,  
 Indicio ingenii singula clara tui.

Quàm

Quàm bene conueniunt Alcida maxima. quænam  
Hercule materies grandior esse potest?

DIDACVS PYRRHVS LVSITANVS

ad Faletum.

Quis unquam bone crederet Faleti  
Ni nequam, & male sobrius fuisset,  
Vt Giraldius ille, doctus ille,  
Atque omnis pater eruditionis,  
Pro quo sunt mihi tot peracta bella  
Contra grammaticosq; , rhetorasq; ,  
In me uersiculis licentiosis,  
Et nigro sale luderet bilinguem,  
Dum balbo studet, & seni Volusso?

Quis unquam bone crederet Faleti,  
Ni nequam, & male sobrius fuisset?

IOANNES BAPTISTA PIGNA,

de Hieronymo Ealeto.

Phæbe sollicitum labore magno

Pro tibi simili laborioso

In monstra Hercule maximo Faletum.

Soluas à Veneto uagante morbo.

Hic lauri gemino decore dignus,

Tui numinis approbatione,

Seu Musas Tyberi sacras, & Arno

LL 2 Cantu

Cantu Mæonio lyraue dulci,  
 Seu dextra atque animo nihil pauente  
 Victrices aquilas secutus olim.  
 Nunc quanquam eloquii, utriusque iuris,  
 Legati officio togaq; clarus,  
 Non debet tui inops fauoris esse.  
 Quin immo radios sereniores  
 In auram iacules eum ambientem :  
 Ut cæli uitio istius fugato,  
 Huc uita incolumi redire possit.  
 Nanque præsidii memor recepti,  
 Graui iudicio, styloq; , & arte  
 Conscripta historia orbis uniuersi  
 Rerum, tempora quas tulere nostra,  
 Hetruscas iterum Latiq; nymphas  
 Ad nati fluuium tui uocabit :  
 Supremo numeris furore natis  
 Acturus tibi gratias supremas.

## LILIVS GIRALDVS.

Dis fauentibus, approbantibusq;  
 Confectas tabulas domus Falete,  
 Quam præfente pecunia parasti,  
 Audiui: tibi gratulor, tuisq; ,  
 Vxori, focero, omnibusq; amicis.

Quod



Quod uobis bene posterisq; uertat,  
Hoc uotum bonus Hercules secundet.

IO. BERZOSA CAESARAVGV-  
stanus, ad Hieronymum Faletum.

Iam iam Musa receptui canamus,  
Indultum satis est tuo furori,  
Demens ulterius quid ire pergis  
Vatis laudibus inclyti superba?  
Iam tuto satis est ineptuisse  
Missos fac elegos. minor uideri  
Noli, dum petis hinc habere laudem.  
Iam iam Musa receptui canamus.  
Quauis te relegat poeta saepe,  
Atque illi uideare comprobati,  
Eius moribus id referre debes  
Acceptum, probus est, benignus, atque  
Comis, candidus, & lepore plenus.  
Humanus, facilis, poeta blandus,  
Quouis auribus audit haud supinis.  
Iam iam Musa receptui canamus.  
Sit quamuis placidus, tamen tuorum  
Offendi strepitu pedum ualebit.  
Versu uise Faletio Faletum,  
Et poscas ueniam tui furoris.

MEDIVS

Nomen

Nomen carminis ille gestat huius,  
 Heroo sed alit poeta uenam  
 Dignam uel numero sonantiore?  
 Iam iam Musa receptui canamus.

DIDACI PYRRHI LVSITANI DE

Lycoride, & amore, ad Faletum  
 Ornabat radio comam Lycoris,  
 Ornanti puer astitit Cupido.  
 Et quid compositos puella crines  
 In tortum iuuat alligare nodum  
 Tanquam non magis, ac magis Faletus  
 In longis placeas meo capillis  
 Olim cum Phrygia Venus sub Ida  
 Confortem Iouis, & Iouis puellam  
 Deuicit merita decore formæ,  
 Iuno chrysolitis grauem smaragdus  
 Aptarat capiti manu coronam  
 Pallas terribili superba uirgo  
 Incessit galea, quati putares  
 Classicum Batauo ciente pugnas  
 Risit quæ niueas citat uolucres,  
 Et guttis Arabum comam fluentem  
 Permisit rapidis uibrare uentis

EIVSDEM

## E I V S D E M.

Prædixin fore quod uides Falete?  
Num uates uideor tibi uel ipso  
Certior Claron incolente Phœbo?  
Puella illa bono superba formæ,  
Sed superbior ambiente Gallo,  
Gallo diuite prodigoq; noctes,  
Nuper dum madidum rosa capillum  
Ardenti cupit ustulare ferro,  
Ah dolor caput inuolauit Hebes  
Sponsus ignipotens Deus. uideres  
Flagrantem scythicis dolis Creusam.  
Nec cursum citius furens repressit,  
Quàm claram abstulit undecunque prædam,  
Raso uertice, & igne depilato.  
Et nunc illa domo tenebricosa  
Mœret sola sedens, nec amoueri  
A luctu patitur, sed obstinatum  
Imis pectoribus premit dolorem.  
Neque hoc peius habet bonam puellam,  
Quòd ter impius, & scelestus ille,  
Qui sic molliculam comam peredit,  
Ignis nomine Gallicus uocatur.

AD

AD AMICAM.

Ni me uis propero puella cursu?  
Cocyste tacitam subire ripam,  
Et causam lacrymis, diesq; acerbos  
Præbere heu miseri patris senectæ;  
Aut istos mihi lucidos ocellos  
Submitte, ut liceat deosculari,  
Aut, si proposito tenax inhæres,  
Ut me non facias pili rogantem,  
Conde istos mihi lubricos ocellos,  
Conde istas mihi lacteas papillas.  
Mori deliciæ iubent negatæ.

DE EADEM.

Furtim basiolum meæ puellæ  
Ludens surripui, fauete amores.  
Ut quæ basiolum puella uultu  
Irato negat usque se dedisse,  
Et furem uocat, & uocat procacem,  
Et blandum lachrymis gemit coactis,  
Olim cum dederit. quod augurari  
Fas, quæ basiolum dedit, daturam,  
Ultro rideat, & lubens dedisse  
Iuret basiolum diu negatum.

LILII GREGORII GIRALDI,  
ad Faletum.

Quodd sint tam faciles tibi Falete  
Et Phœbus pater, & pater Lyæus,  
Vt te ad Pieridum choros sororum  
Deducant comitem, abluantq; sæpe  
Defessum chorea Olmei subundis;  
Hoc mirum est minus, his puer fuisti  
Nutritus studiis tenellus annis.  
Hoc mirum magis, aliger quodd Arcas  
Eduxit Ciceronis ad lucernam,  
Et sermone dedit loqui soluto.  
Quid dicam? Eunomiæ, & Dicæ sorores  
Cum sint tam tetricæ, atque tam seueræ.  
Amplexu tamen hæ tuo fruuntur;  
Indulgentq; tibi suos amores.  
Macte ò terq; , quaterq; mi Falete,  
Hanc iugis tere semitam, tenèbis  
Tandem quem cupis Herculis fauorem.

I D E M.

Huc Asclepiades Deæ sorores,  
Huc ò nunc, rogo adeste cum parente.  
Vos Phœbus pater, & pater Lyæus,  
Vos & Pegasides uocant sorores.

L. L.

. . . MM

Suas

Suas delicias bonum Faletum.

Torquent immeritum graues dolores.

Huic si tormina, si graues dolores

Leuetis, Tiberina in ade uobis

Cristatos geminos dicabo Gallos.

AD FALETVM PYRRHVS.

Seruatus tumidi maris procellis

Votiua Geminis dicar tabellam

Nauta cum titulo breui salutis.

Quid me, quem toties procax Cupido,

Et mater male suada, & insolentes

Mundi blanditiæ furente uento

Transuersum rapuere, quæ Carybdin,

Quæ Scyllam sicula pauent carina:

Post fractas Ithacæ rates Ulixis,

Et quem ni pietas nouem sororum

Seruasset, poterant habere fluctus;

Quid me docte iubes Falete, quid me

Iubes Aoniis dicare musis?

Num quas mollis amor mihi iocosos

Pangenti numeros reliquit alas,

Vt uersu canerem suauiore

Vltro Pierio tholo dicabo?

Et dicam, spoliū hoc fugati amoris

Didacus posuit Iouis puellis.

ALA

.A L I A .

His amor, his crudelis amor, his utitur alis,  
 Siue secat pennis athera, siue sedet,  
 Matris in gremio ociosus heu heu.  
 Quis me nosse Cupidinis  
 Arma coegit?  
 Me miserum, me  
 Natum sydere septimo;  
 Notus unde mihi tyrannus ille?  
 Me miserum quis mi porriget auxilium?  
 Num Deus, aut mors festina? aut effœta senectus?

.A L I A .

Quo tu sæue puer? quo nigras induis alas?  
 Quo faculam? quo mi spicula dura moues?  
 Num sat longa diu regna Lycoridis  
 Perpeffus uideor? mouere tigres  
 Orantis poterant preces,  
 Nil tamen, heu, nil  
 Illa querelas,  
 Nil audit gemitus, freto  
 Surdior rapidis furente uentis.  
 Heu heu, quis miserum me manet exitus?  
 Si quæ sola mihi uita Lycoris erat,  
 Me fugit, & turpes Ligurini curat amores.

MM 2 ALIA

## ALIA. LOQVITVR PHRYNE.

Quam tibi dum Veneri non cederet amula iuuenti  
Alam surripuit, Phryne lasciuæ Cupido  
Parce, tuis humeris ecce reponit anus,  
Et te, si quis adhuc est precibus locus,  
Per istos nitidos tuos ocellos,  
Per crinem aureolum rogat.  
Laida uites.

Illa Corynthy  
Ludum nuper ainoribus  
Auaræ instituit, nec are paruo  
Prostat, certa procos glubere diuites.  
Prostat, certa procis ludere pauperibus.  
Iamq; adeo infames portus, & littora uitat  
Nauita difficilemq; aditû bimarê uocat Corynthû.

HERC. CONTRARIO GABR. AREOST.  
Hercules nomen referens, & altum  
Herculis robur, decus urbis, atque  
Regius sanguis, patrios & inter

Clarus honores,  
Quem iuuat ferri metuendus horror,  
Quem uirum clamor, fremitusq; equorum,  
Vultus atque atrox inimicum in hostem,  
Crudaq; uirtus.

Cæsaris



Cæsaris magni modo qui secutus  
Castra per montes rigidos pruinis  
Perq; torrentes uiolenter actos

Turbine magno,  
Barbaras fudit cataphractus alas,  
Vinxit & captas Latia catena,  
Nunc nouæ gaudet studio palestræ in -  
tendere uires.

Viderat nanque eximio duello  
Quem prius norat, clypeata uirgo  
Calibis uitæ, & speciosa ferre  
Signa pudoris.

Dixit, hic nostras grăditur per artes,  
Si modo allectus iuuenis benigno  
Virginum cœtu fluuio canoro  
Proluat ora.

Vidimus natum Thetidis marinæ  
Sparserat postquam Phrygias phalāges,  
Fortia aurato resonare plectro  
Prælia patrum.

Vt ferox agmen domiti bimembres,  
Magnus & raptam rapuit proteruo  
Euryto Aegides, Pelaten peremit  
Dextra parentis.

Vt

Vt fretum primi Minyæ secarent,  
Vt ferant uellus pecudis beatæ,  
Ille per ferrum, segetemq; fratrum  
Ille per ignes.

Dixit, & uerum patrefacta numen  
Voce, & incessu iuuenem sequentem  
Ducit ad sanctas Helicônis umbras  
Tramite noto.

Ille uix lucos tetigit uirentes,  
Audiit riuos resonantis undæ,  
Audiit cantus liquidos sororum  
Te duce Pallas.

Ardet immensum quod adire sedes  
Cernere intactas oculis uirorum  
Præter his, fulgent quibus astra iuuat  
Sudor, & albor.

Verfat, & feruet, uelut actus æstro,  
Turbidus fandi tripodum sacerdos  
Tunc potens uoti dea dixit æstus  
Concipe dignos.

Macte uir flammis generosi amoris,  
Tempera instantes tamen ò calores,  
Grande nam mûnus dabitur quod optas  
Nosse camœnas,

Os sacrum, crines, nitidosq; ocellos,  
 Carmen illarum sociare neruis,  
 Gressibus castis sociare gressum,  
 Iungere dextram.

Sed prius noster doceat Faletus,  
 Arte qua diuas faciles pararis :  
 Ipse te ducet monitor uolentem ad  
 Laureaferta.

AD HIERONYMVM FALETVM, DVCIS  
 Ferrariæ apud Venetos Oratorem,  
 Nicolaus Stropius.

Musarum & Charitum decus Falete,  
 Dignas haud potis est referre grates  
 Nostra pro meritis tuis Camæna,  
 Pro summa illa tua benignitate  
 Et candore animiq; amore fido,  
 Quo me prosequeris, tuoq; amore  
 Condignum reputas, pater leporum,  
 Musarum & Charitum decus Falete,  
 Cui cedunt merito omnium lepores,  
 Euenit mihi quod preceq; uoto  
 Concepi: pia uota fortiuntur  
 Euentumq; pium, hoc referre possum,  
 Quando

Dignum, nam similis quis hic Faletō?  
 In quem Diūq; Deaq; amanter omnes  
 Contulere sua, ut fatentur omnes,  
 Ast nullo anxiferis abesse curis  
 Latum tempore mi dabatur unguem,  
 Tunc sanè nihil ægrius ferebam,  
 Quàm disiungier à tuis Camœnis,  
 Musarum, & Charitum decus Falete.  
 O lætas mihi colloctiones,  
 Si tecum licuisset umbra in illa  
 Versari, & recubare Bella in umbra.  
 Felicem magis aut beatiorem  
 Dixissem, ex animo, nec esse quenquam.  
 En mi nempe datum frui petitis,  
 Verum non licuit; semel licebit,  
 A me tristis ubi recedet aura,  
 Et uentus dabitur mihi secundus.  
 Huc iam sollicitant, & inde curæ,  
 Quæ mentem exagitant ad instar undæ  
 Actæ, quàm indomitus repellit Auster,  
 Sed iam musa, precor, satis superq;,  
 Imponendus & est tuis querelis  
 Finis, missa fac ista, nil profecto  
 Ad nostros faciunt graues dolores,

NN      Curas

Curas alleuiant nihilq; acerbis,  
 Constanti esto animo, serenus aer  
 Depulsis tenebris breui micabit,  
 Et sol auricomus caput decorum  
 Ostendet placidè, & comas amœnas.  
 Nil musa addubites, modo Faletio  
 Sis grata, inuigiles amanter illi.  
 Musarum, & Charitum decus Faletio,  
 Quauis fortè aliis sit inuenustum  
 Hoc carmen, tibi si placebit; omnes  
 Censores nihili seueriores  
 Pendo, tum rabulas ineptiores,  
 Hoc tantum cupio meo Faletio  
 Omni ex parte placere, & hinc beatum  
 Me uerè ex animo puto beatum,  
 Est nanque officiosus, & benignus,  
 Musarum & Charitum decus perenne.

LIBRI DVODECIMI, ET VLTIMI FINIS.

ERRATA, QVAE OPERARVM  
incuria acciderunt, sic corrigito.

Folio	versu	Lege	Folio	Versu	Lege
3	24	nistricia	89	22 a tergo	Estensem
5	1	nutarunt	90	17 a tergo	fortia facta
5	2	lapsu	91	5	classe parat
9	21 a tergo	curfu	92	12	Phœbeæ
10	3	arua	92	7 a tergo	currat equis
16	8	cœlum	9	22 a tergo	Cæsaraugua
17	2 a tergo	milesq;			(Stanus
17	10 a tergo	et ab obsidione	95	23 a tergo	Quæ uebis
19	5	Amsfordica	105	1 a tergo	Principis Estæ
22	14 a tergo	Parthenopes	108	5	tricentos (sis
29	7	toto	9	3 a tergo	conscius
31	20	anhelat	110	2 a tergo	cautus
32	22 a tergo	recisa	115	7	hinc deus
32	23 a tergo	reuulsa	9	22 a tergo	afflatur
33	11 a tergo	Erculana	116	8	Indeq; diui-
47	23 a tergo	patula			(num conceptum
48	1	uiridi	9	11 a tergo	libethrides
50	23	sic cum	9	3 a tergo	nunc primū
56	6	terret	118	2	quas melle
58	15	nispes foret	120	19 a tergo	totus debear
62	13	Tonantis	121	23	nil dabit
63	23	fit rationis	123	3 a tergo	cum mihi des
67	16 a tergo	terra benigna	128	21 a tergo	Grinæ pa-
71	1	sidereas			(ter deludis
77	24 a tergo	magne	128	22 a tergo	Nec rebar de-
82	7	uiuida			(mens irrita uota fore.
83	5 a tergo	Ad eandem	132	1 a tergo	Cocyti.
86	23	Threiciæ			

# ERRATA

TO THE SECOND EDITION OF THE

Page	Line	For	By
1	1	the	the
1	2	the	the
1	3	the	the
1	4	the	the
1	5	the	the
1	6	the	the
1	7	the	the
1	8	the	the
1	9	the	the
1	10	the	the
1	11	the	the
1	12	the	the
1	13	the	the
1	14	the	the
1	15	the	the
1	16	the	the
1	17	the	the
1	18	the	the
1	19	the	the
1	20	the	the
1	21	the	the
1	22	the	the
1	23	the	the
1	24	the	the
1	25	the	the
1	26	the	the
1	27	the	the
1	28	the	the
1	29	the	the
1	30	the	the
1	31	the	the
1	32	the	the
1	33	the	the
1	34	the	the
1	35	the	the
1	36	the	the
1	37	the	the
1	38	the	the
1	39	the	the
1	40	the	the
1	41	the	the
1	42	the	the
1	43	the	the
1	44	the	the
1	45	the	the
1	46	the	the
1	47	the	the
1	48	the	the
1	49	the	the
1	50	the	the
1	51	the	the
1	52	the	the
1	53	the	the
1	54	the	the
1	55	the	the
1	56	the	the
1	57	the	the
1	58	the	the
1	59	the	the
1	60	the	the
1	61	the	the
1	62	the	the
1	63	the	the
1	64	the	the
1	65	the	the
1	66	the	the
1	67	the	the
1	68	the	the
1	69	the	the
1	70	the	the
1	71	the	the
1	72	the	the
1	73	the	the
1	74	the	the
1	75	the	the
1	76	the	the
1	77	the	the
1	78	the	the
1	79	the	the
1	80	the	the
1	81	the	the
1	82	the	the
1	83	the	the
1	84	the	the
1	85	the	the
1	86	the	the
1	87	the	the
1	88	the	the
1	89	the	the
1	90	the	the
1	91	the	the
1	92	the	the
1	93	the	the
1	94	the	the
1	95	the	the
1	96	the	the
1	97	the	the
1	98	the	the
1	99	the	the
1	100	the	the









